

# POLITICARVM QVÆSTIONVM

P A R S II.

*Cuius materias INDEX, qui præfi-  
gitur, monstrabit.*

A V T O R E

MELCHIORE IVNIO WITE.

BERGENSI: ELOQVENTIÆ

Argentinenſi in Academia

Profeſſore.



ARGENTORATI,

Impenſus LAZARI ZETZNERI Bibliopolæ

M. DC. XI.





# VERÆ NOBILITA-

TIS DOTIBVS ORNATISSI-  
mo: Pietate, Doctrina, Virtute  
præstanti

*D. SIGISMUNDO*

*GOEZEN, in Zhelendorff & Ro-  
sentel, &c.*

MELCHIOR IVNIUS

S. P. D.



VÆ me, Nobilissime atq;  
literatissime D. Sigismun-  
de, causæ impulerunt, vt  
Quæstiones quasdam Poli-  
ticas & colligerem & seligerem, ex me  
priuatim sæpe audiuiisti. Cōmodis ego  
inseruire illorum conatus sum, qui ad  
Eloquentiam plenis, quod aiunt, ve-  
lis contendunt, ideoque styli sibi curæ

# P R Æ F A T I O.

cordique exercitationes esse patiuntur: quas hodie qui negligunt, aut leui admodum mollique brachio tractant, non attendunt: sine his Oratorem factum neminem esse, eaq; de causa magni illas fecisse olim Brutum: amasse Iulium Cæsarem: commendatas sibi habuisse M. Tullium Ciceronem. Et sane multa idem naturæ vitia his emendauit ac sustulit. Omnia, ut ipse de se in Bruto scribit, sine remissione, sine varietate, vi summa vocis, & totius corporis contentione dicebat: nimis redundans erat iuuenili quadam dicendi impunitate & licentia. Mutatus plane & alius euasit, cum in Asia & Athenis operam Rhetoribus dedit: declamitando sese exercuit assidue. Idem etiā de Græcorum Oratorum principe Demosthene affirmari potest, qui cum ita balbus esset, ut eius ipsius artis, cui studeret, primam proferre literam non posset, meditando perfecit, ut nemo planius colutus videretur. Delegia autem in his eas potissimum Quæstiones, quæ ad usum



# P R Æ F A T I O.

ad vsum hodie transferri, & de quibus in literatorum disceptari atq; verba fieri congressibus solent: Crassum secutus qui in libris de Oratore exercitationem cam probat, qua posita aliqua causa consimili earum causarum, quæ in forum deferuntur, quam maxime ad veritatem accommodare dicitur.

Partem vero harum secundam Tuo potissimum inscriptas nomini lucem aspicere, inque aliorum peruenire manus volui: ut mei in Te amoris atque promptitudinis animi publicum aliquod argumentum extaret. Venisti hanc in urbem, studiorum gratia ante biennium; domi meæ vixisti: usus mensa mea es: summa cum laude pietatis, modestiæ, humanitatis, comitatis: illud tuo exemplo probasti, quod dici solet: Quo quisque doctior, eo & humanior. Studia Tua methodo ac ratione bona, non vaga & incerta, instituisti. Iuris habuisti propositum studium semper: excoluisti illud sedulo: legum cognitionem atque scientiam

P R Æ F A T I O.

Tibi comparasti eximiam. At non interim, quod (consilio nescio quo) nonnulli faciunt, artes alias, tanquam minus necessarias Iureconsulto & Politico futuro, neglexisti: parui Philosophiam fecisti: contempsisti Historias: nihil ad Te linguarum variarum pertinere peritiam arbitratus es: Eloquentiæ studia atque exercitationes spreuisti: despicias id sserendi rationes duxisti. Hinc disputationes illæ de philosophicis, maxime Politicis & Iuridicis, in colloquijs atque congressibus institutæ erudite: indicantes ingenij acumen: sapientes eruditionem denotantes mores amabiles: omnia alienos à morositate, contentione, iracundia, linguæ procacitate, contumelia. Quam & Plato disputandi rationem probat, cum in Theæteto non vult *δυσμενῶς* & *μαχητικῶς*, odiose, aut contentiose, sed placide, quam verum sit id, quo de controuertitur, examinari: & requirit Cicero, quando in lib. de Finibus affirmat: differentium inter se

ter se reprehensiones vituperandas minime esse: maledicta, contumelias, tum iracundas contentiones cōcertationesq; in disputando pertinaces, indignas sibi Philosophia videri. Hinc in dicēdo ac declamādo publice aliquot habitæ Orationes, scriptæ nō ad ingenii, doctrinæ, Eloquentiæ aliquā ostentationem, aut de rebus friuolis ac nugatoriis, sed magnis, & vsum aliquem, etiam serijs in deliberationibus atque consultationibus habentibus: sapientissimis sententiis, grauibus verbis ornatæ ac perpolitæ. Quin & à theatricis actionibus & conformatione vocis ac gestuū alienus minime fuisti: quam Quintilianus, dicendi Magister optimus, in primā futuri oratoris institutione obseruandam esse monet: obseruarunt ante eum Demosthenes & Cicero: quorum ille, cum explosus à populo, mœstus domum se recepisset, satyro mimo operam dedit, planeque in pronuntiatione & actione factus alius est: hinc nunc Roscium Comœdum,

nunc Æsopum Tragœdum eadem de  
 causâ crebro adhibuit. Cum Q. sane  
 Roscio contendere solitus est : vtrum  
 ille sapius eandem sententiam variis  
 gestibus efficeret, an ipse Eloquētię co-  
 pia, sermone diverso exprimeret. Quid  
 de Historijs ego nunc dicam, in quibus  
 ita versaris sedulo : vt non modo me-  
 moriam rerum in Germanja gestarum  
 exacte teneas: verum etiã cognita mo-  
 numenta habeas aliorum, & imperio-  
 rum populorum, & principum illu-  
 striũ, & regum atq; Imperatorum sum-  
 morum atq; potentissimorum? Hęc a-  
 liaq; quę studio latere nunc patior, nō  
 solum charum ac gratiosum Te red-  
 dunt, Academię Professoribus: sed &  
 faciunt, vt collectam Clementiam ha-  
 beas Illustrissimorum & Illustriũ plu-  
 rimorum, qui hac nunc in vrbe atque  
 Academia viuunt. Ad me quod atti-  
 net: vt de Te mihi gaudeo, gratulor fa-  
 milię Tuę antiquissimę ac nobilissi-  
 mę, atq; adeo inclytę patrię Tuę: ita,  
 cum inibi iam sit, vt hinc à nobis disce-  
 das; pe-

P R Æ F A T I O .

das ; peregrinationibus des operam :  
 Galliam adeas : videas Italiam : alias  
 terras lufres : omnibus fecundis fuf-  
 ceptum iter profequor : etiam atq; et-  
 iam Te rogans, vt ~~per~~ <sup>per</sup> hanc me-  
 am ferena accipere fronte digneris.  
 Vale, Argentinæ Calend. Ian. Anno  
 recuperatæ per CHRISTVM falu-  
 tis M. D C I I. cuius, vt ingreffum fau-  
 ftum, felix itidem medium, fic exitum  
 proſperum, à Deo Opt. Max. ex  
 animo Tibi precor &  
 opto.

\* ,

IN-

# INDEX PARTIS II.

## QVÆSTIONVM.

- XXVII. An Matrimoniũ contrahendum?  
P A G. I
- XXIIIX. Quonam ætatis tempore hoc cõ-  
trahendum? 10
- XXIX. Sintne senibus ducendæ vxores?  
Nubendum vetulis & annosis  
mulieribus? 11
- XXX. Vtrũ bene in cõstituta Repub ad-  
olescentulorũ & iuencularũ  
permittenda matrimonia? 13
- XXXI. An in vxore ducenda generis ac  
familix ratio habenda? 15
- XXXII. Num opes spectandæ & diuitiæ in  
legenda vxore? 17
- XXXIII. Sitne formæ venustas ac pulchri-  
tudo consideranda? 18
- XXXIV. Vtrum ad ornatum & splendorem  
respiciendum? 22
- XXXV. Sitne in fœmina eruditio ac do-  
ctrina probanda? 24
- XXXVI. Vtrum religionis dissimilitudo &  
diversitas possit aut debeat im-  
pedire matrimonium? 25
- XXXVII. An in hoc ipso cognationis ac sã-  
guinis cõmunio impedimentũ  
inijce-

# INDEX.

- inijcere aliquod queat? 27
- XXXIIX. Quænam in matrimonio, tã marito quam vxori observãda: vt concordia seruetur? 29
- XXXIX. Num bona in Repub diligẽs atq; sedula cura adhibẽda liberorũ educationis atq; institutionis; & quænam causæ sint, cur plurimi degenerent? 43
- XL. Quo ætatis tẽpore potissimũ luuẽtutis institutio inchoãda? 46
- XLI. An, nisi mature indolẽ quis prodatur, à studiis remouendus illico sit? 48
- XLII. Vtrum Senibus & etate prouectis sit turpe discere? 49
- XLIII. Sitne melius priuatim, an publice & in Scholis iuuentutem erudiri atq; institui? 50
- XLIV. Num cum alijs, tum vero maxime Studiosis prosint peregrinationes: & quæ in his obseruãda sũt? 53
- XLV. Quinam liberis pædagogiac præceptores præficiẽdi? Et quæ horum notæ atq; conditiones esse debeant? 59
- XLVI. An cædendi & castigandi sint pueri? 62
- XLVII. In quibusnã potissimum institutio ho-

# INDEX.

- tio horum adhibenda? 64
- XLIIIX.** Vtrum plurimum operæ ac temporis linguarum studiis tribuendum? 66
- XLIX.** Num recte studii quid in artibus humaniorib. ponatur, ab eo maxime, qui politicus aliquando futurus est? 68
- L.** Sitne in Institutione Iuuentutis, morum quoq; elegantia ac venustatis ratio habenda? 70
- LI.** Quinam elucere mores debeât in Iuuenû aulcultationibus. sermone, incessu, congressibus, conuiujs 73
- LII.** Vtrum inter pocula philosophari ac disputare conueniat? 79
- LIII.** An in Institutione Iuuetutis, etiam recreationibus & exercitijs corporis aliquid relinquendum? 81
- LIV.** Recreationes corporis quanta adolescentibus permittenda ac concedenda? 84
- LV.** Quotnam exercitationum & recreationum sint genera? 85
- LVI.** Quo & modo & tempore & loco hæc ipsa adhibenda? 91
- LVII.** Quo pacto valetudinis sit cura in insti-



# INDEX.

	Institutione Iuuentutis susci- pienda ac gerenda?	93
LIIX.	Quæ discipulorum sint munera & officia?	96
LIX.	Quot vrbis seu ciuitatis alicuius partes? Et vnde istæ oriâtur?	97
LX.	Quamobré ciues olim fieri pere- grini, spurij, mendici, serui nō potuerint:	100
LXI.	Quinam in vrbe aliqua fieri ci- ues aut valeât, aut debeât?	103
LXII.	Quænam ciuium bonorum sint officia?	127
LXIII.	Quibus rebus æstimandus vrbis alicuius situs?	130
LXIV.	Vtrū conducat, multas in regio- ne aliqua arces & ciuitates præ- clare munitas esse?	132
LXV.	Afyla prosint ne an obsint vrbis a- licui?	135
LXVI.	In priuatis ædificiis quænam po- tissimum spectanda?	137
LXVII.	An bellum gerendum?	140
LXIIIX.	Quando, & quibus de causis il- lud suscipiendum?	144
LXIX.	A quibus arma capienda? Num à priuatis, mulieribus, sacerdo- tibus?	145
LXX.	Quænam in milite legendo ac con- scriben-	

# INDEX.

- scribendo obseruanda? Et utrū  
ratio habenda ætatis, nationis  
patriæ, artis ac conditionis vi-  
tæ, probitatis? 149
- LXXI.* Quæ in belli Duce ac Imperatore  
consideranda? 154
- LXXII.* Vtrum ipsum Ducem pugnæ in-  
teresse oporteat? Et hic sit v-  
nus non plures? 159
- LXXIII.* Quo in loco bellum gerendū? Sa-  
tius ne sit domi expectare ho-  
stē? an foris, & alieno in solo ei  
bellum inferre? 162
- LXXIV.* Ad illud ipsum mouendū quæ nā  
necessario requirantur? 165
- LXXV.* An in bello stratagemate utēdum?  
175
- LXXVI.* Vtrum in hoc ad prodiones con-  
fugere liceat? 176
- LXXVII.* Num insidiis, aut aperto Marte in  
bello agendum? 177
- LXXVIII.* Sit nec ne utile cum hoste protra-  
here pugnam? 178
- LXXIX.* Quæ post commissum iam præli-  
um obseruanda? ibid.

## F I N I S.





I

---

QVÆSTIO XXVII.  
AN MATRIMONI-  
VM CONTRAHEN-  
dum?

**P**OST ea, quæ superioribus notata sunt *vsus qua-*  
in locis, ordo nunc exigere videtur, *stionis.*  
de Matrimonio & Coniugio ut aga-  
tur: quod, de Iuriscōsultorum sentē-  
tia, nihil est aliud, quam viri ac mul-  
eris coniunctio, indiuiduam vitæ cō-  
suetudinem continens. Monet enim Plato *lib. 6. de*  
*legibus*, in bene constituta Republ. initio de Nuptiis  
esse leges ferendas: dandam operam, ut quisq; non  
iucundissimum sibi, sed ciuitati vtile matrimonium  
contrahat. Fuerunt hac ipsa in re occupati semper  
laudati Reges, Principes, alij, qui ad Rerumpubl. se-  
derunt gubernacula: neque id sane immerito. Siqui-  
dem matrimonium fundamentum & seminarium  
est Reipubl. Ideoque huic vtile est, vt hoc recte con-  
trahatur: vagæ & turpes libidines reprimantur. Et  
quemadmodum, *teste Aristotele in Polit. lib. 1.* societas  
inter patrē & filium est necessaria, propter successio-  
nem rerum: & illa inter dominum & seruum requi-  
ritur, propter ordinem personarum: ita, & quidē pri-  
mo, ea est vtilis societas, quæ inter virum & vxorem  
est, vt species conseruentur. Neq; etiā raro hac pec-  
cari in re solet: cum sunt, qui libertatis nescio, cuius  
prætextu à matrimonijs abhorrent: alij hæc incurrunt,  
sed intempestiue aut infelicitè. Sunt etiā qui in con-  
tractis iam matrimonijs miserā ac ærumnosam tra-  
ducunt vitā, quasi in purgatorio constituti; quod le-  
ges connubiales cognitæ & perspectas non habent.

Sunt etiam non pauca huius generis, quæ in cōsultationes ac deliberationes veniunt: laudantur aut vituperantur; vel accusatione egent; vel opus defensione habent in iudiciis. Itaque de Matrimonio hoc in loco futuro politico commoda notabuntur: ostendetur primum sit, necne contrahendum Matrimonium. Et quidem in negantem sententiam; quodque

## NON CONTRAHENDVM

### Matrimonium:

Probant, qui promiscue sunt connubijs vsi: vt Gindanes, *Herodot. l. b. 4.* Et Dap̄solibyes, *Nicot. de moribus gentium. Alexander ab Alexandro lib. 1. cap. 24.* Anabaptistæ quidam & Adamitæ: contra quos Patres disputant: vt etiam Marcionitæ, in quos Tertullianus agit. Incestuosos plurimos Historici commemorant: non paucos, qui cœlibes per totam vitam manserunt. Legunt, scilicet, primum tales illud Scripturæ: melius est sedere in prima tecti, aut viuere in terra deserta, quàm cū muliere litigiosa habitare. *Proverbior. 21.* Commorari cum leone & dracone melius, quam cum femina nequam. *Ecclesiast. 21.* ut ascēsus arenosus in pedibus veterani; sic mulier linguata homini quieto. *Ibidem 26. cap.* Cor humile, facies tristis, plaga mortis, mulier nequam. *Ibidem. 29. cap.*

Considerarunt deinde illud vetus Poëtæ: Μαρὶς γυνὴ καὶ καὶ τρεῖς. *Menander.* Et illud: BINI SUNT CVM VXORE IVCVNDI DIES: ALTER, QVO DVCITVR: ALTER, QVO MORTVA EFFERTVR. *Hippocrates apud Stobæum Sermone 67.* Et illud: ΜΟΛΕΣΤΙΙΣ CÆΤΕΡΑΙΣ ΕΙΣ ΒΙΟΝ, ΧΩΡΕΙΣ ΖΑΜΑΙΣ. *Ibidem.*

Perpēderunt tertio cōditiones & ingenia mulierularū: quod scilicet tales saepe diligant lites & rixas,

*Ariston.*

*Aristot. lib. de Animalibus: sint auaræ. Cicero 1. de Invent. Pauperes ad bona consilia: artifices optimæ malorū, Euripides in Medea. Sint δὲ πᾶν γεγεῖ, sumptuosæ. Menander: superbe, dum nimis sibi placent. Plautus in Pænulo: inconstantes, variæ & mutabiles semper. Virg. 4. Æneid. latentes & versutæ, propter naturæ imbecillitatem. Plao 7. de Legibus: mulieres semper in calamitatibus impediunt viros, quo infeliciores sint Eurip. in Omph. astutæ & callidæ iuxta illud Poetæ, mulieribus artes curæ: vii plus valent hasta. Eurip. des in Danaë: & ut nemo sentit, qua parte calceus stringat, nisi qui eū induit: ita nemo nouit ingenia muliercularum, nisi vxorem qui duxerit. Plutarchus in Moralibus.*

Determuerunt etiam exempla illorū, qui à mulieribus sunt, aut decepti: vnde istud: non habites sub eodem tecto cum muliere; nec sis Samsonē fortior, Dauide sanctior, Salomone sapientior. Hieronymus in Epist. ad Nepotianum. Aut speriti & contempti: vt apud Lycios, Spartanos, Romanos, de quib. hoc est lepidum Catonis: Nos omnibus mortalibus imperamus, nobis mulieres imperant. Plutarchus in Catone. Aut odio habiti, vt apud Cares: quorum mulieres, iure iurando interposito, legem tulerunt, ne foemina post hac cum maritis cibum caperent; neque etiam proprijs nominib. eos appellarent. Herodotus lib. 1. Aut etiā interfecti, vt quinquaginta filia Danai, quæ cōspiratione facta, totidem suos maritos vna nocte interfecerunt. Guido Bituricensis.

Postremo venerunt etiam his in mentem incommoda & molestiæ: quæ cum matrimonio esse coniunctæ solent. Amittitur enim ita libertas iuxta illud; Vxore ducta, seruius eris. Menander: & astrictus nuptijs non eris amplius liber. Euripides in Antigone. Deinde ducitur, aut pulchra, aut deformis; si pulchra; γαμήν, communis; si deformis, ποινή, pœna erit. Gellius libro primo, capite decimo. Et

difficile videtur custodiri, quod plures amant: mole-  
stum possidere, quod nemo dignatur possidere. *Hie-  
ronymus contra Iouianū.* Præterea dotatam forte pau-  
per si duxerit, non iam ille coniugem, sed habet herā  
sibi, cui seruit: si pauperem aliquam duxerit, nihil af-  
ferentein, seruus ille rursus erit; dum victum utriq;  
non sibi tantum parat. *Anaxandrides apud Stobæum,  
Sermonē 67.* Et VXOREM PAUPEREM ALERE  
DIFFICILE EST: FERRE DIVITEM TOR-  
MENTVM EST. *Hieronymus contra Iouianum.* Iam a-  
lia cura, quo ad liberos, accidit. Duxi, inquit ille, v-  
xorem; quā ibi miserrima vidi! Nam dum studeo, fi-  
liis vt quamplurimū facerem: in quærendo vitam cō-  
trui atq; ætatem meam: nunc exacta ætate, hoc pro  
labore ab ijs fero, odium. *Terentius in Adelphis.* Cu-  
mulāt hæc mala lites & contentiones. Et illud, quod  
Quid. 2. de Arte amandi canit:

*Live fugant nuptiæq; viros, nuptiæq; mariti;  
Inq; vicem credunt rem sibi semper agi.*

Vt non male is dixerit: vxorem ducere perinde ef-  
fe, ac si res tesseras quis fortuito proiecerit: eo  
quod felices nuptiæ, si moribus composita vxor, non  
molesta, extiterit: at *ἀτυχία ἡ σμυμμένη*, infortu-  
niū instructum, idque per totam vitam, si frequenter  
domo exeat, loquax, sumptuosa extiterit. *Epicharmus  
apud Stobæum Sermonē 67.* Et notum carmen Ausonii,  
quod in Grammatici cuiusdam infelix ille matrimo-  
nium ad imitationem Virgilij scripsit:

*Arma virumq; docens, atq; arma virumq; perisus  
Non duxi vxorem, sed magis arma datum.  
Namq; dies totos, totasq; ex ordine noctes  
Libus oppugnat meq; meumq; larem:  
Atq; vt perpetuis doctus a Mario duellis  
Arma in me tollis: nec datur vlla quies.  
Iamq; repugnanti dedam me: vt deniq; victus  
Iurget ob hoc solum, iurgia quod fugiam.*

Sunt



## DE MATRIMONIO.

Sunt quoque in promptu exempla vxorum morosarū & improbarum; vt Lobi, quæ sanctitatem vitæ marito tanquam crimen, obiecit. *Ludovicus Pius de Christiana fæmina, lib. 2.* Socratis, qui Xanthippen imperiosissimam patientissimè tulit: dicere quoq; solitus est, mala se le tria magna affecutum esse; Grammaticam, paupertatem, & perniciosam vxorem. *Anonius Melissa parte 2. Sermonè 34.*

Et, si nihil esset aliud, vel hoc solū moueret, quod optimorum virorum pessimi, esse filii consueuerunt. Vnde proverbiū ortum: Heroiū filii, noxæ. *De qua accepit Gædæ liberorum & posterorum actum 1. in volumine, Quæstione 16. est.* Interim quod sit

### MATRIMONIUM CONTRAHENDUM:

Probare est, quæ sequuntur rationes videntur: quarum I. à Causa efficiente sumpta & auctore est. Neque enim improbandum, quod Deus instituit: instituit autem ille matrimonium, & quidem ante Adæ lapsum. *Genes. 2. Math. 19. Timoth. 2. Iosephus 1. de antiquitatibus.*

*Pro matrimonio.*

II. Homo naturā magis est animal coniugale, quā ciuile; quia & prior; & necessaria magis est domus, quam ciuitas: procreatio quoque animalibus communior. *Aristot. 8. Ethic. 12.* Ac propterea iuris naturalis esse dicitur maris & fœminæ coniunctio. *Lib. 1. Tit. 2. & in Nouell. Constitutionibus, Constit. 89.*

III. A natura quoque tributum hoc esse dixerunt Philosophi, vt coniugia virorum & vxorum essent: ex hac stirpe orirentur cognationum amicitia. *Cicero 4. & 5. de Finibus.* Et hoc esset principium vrbis; & quasi seminarium Reipubl. constitueretur prima societas in coniugio, proxima in liberis, deinde vna domus, communia omnia. *Idem. 1. Officiorum.*

IV. Quia non nisi per coniugium seruari & propa-

gari genus humanum potest. Et hinc in Sacris illud: Crescere & multiplicamini, & replere terrâ. Natura siquid hæc periodo complet & perficit τὸ ἀειεῖναι, perpetuitatem; quæ non secundum numerum, sed speciem fieri potest. *Aristot. in Oeconomicis*. Et de hoc machinata est natura, seu potius primus ille & Maximus Deus fecit, ut essent mares & scæminæ: atque ita humanum genus sempiternum quodammodo fieret, consequeretur immortalitatem. *Plutarchus in Erotico*, *Cicero 2. de natura Deorum*, *Plato 4. de Legibus*. *Dio in Orat. Augusti lib. 56.*

V. A diuino cultu Quia enim in gloriam suâ creauit & formauit homines DEVS, *Esaiæ 43.* oportet homines cōseruare, & filiorū filios relinquere DEO ministrōs, qui in nostrum locum succedant. *Plato 6. de legibus*. Ac propterea, qui cœlibatum sequuntur, aras & templa Dei destruere videntur. *Dio 56. lib.*

VI. Ab auxilio mutuo. Vnde faciamus, inquit, DEVS, ei adiutorium, simile sibi. *Genes. 2.* Quia enim natura nulla ad omnia obeunda est nata, mas & scæmina procreatur, & alter alteri<sup>o</sup> ope indiget: ut, quæ deficiunt vntum, alter suppleat. *Xenophon in Oeconomicis*. Ac propterea aliorum animalium finis & terminus est subolis procreatio: homines autem coniugium subeunt, non solum procreationis, verum etiam eorum gratia, quæ vitæ conducunt officia namq; diuisa sunt mariti & vxoris. Ita opem sibi mutuo ferunt, res proprias in commune ponunt. *Aristotel. Ethic. 8. cap. 12.*

VII. A descriptione & laude Vxoris. Hinc enim vxor bona definitur dom<sup>o</sup> cultos & administratrix, nutrix liberorum: quæ & seuum exhilarare, & consolari in aduersis, curare ægrum, iuuētutis nimiam animi relaxationē coercere, effera senectæ austeritatē temperare potest. *Dio lib. 56.* Et sacra litera affirmât, talem esse sicut Solē in mundo, & columnam aureā super bases argenteas; & exhilarare maritū: efficere  
cor

eorum: prorogare annos huius vitæ. *Ecclesiast.* 26. Et insigne illud est: Neq; aurum, neq; argentum, neque diuitiarum laticia tam excellentes habent voluptates, quantas viri boni mulieris pia conseruatio adfert. *Enripides apud Clemenem, l. 3. paedagogicæ.*

Accidit IIX. quod matrimonium medicamentum est aduersus vāgas libidines, & cortationes. Propter enim fornicationem vnusquisque vxorem suam habeat, & vna quæque suum virum. *i. Corinth. 7.* Et honorabile coniugium in omnibus est, & thorus immaculatus: fornicatores vero & adulteros Deus puniet. *Ephes. 5. cap. 1. Timoth. cap. 1. Heb. 13.* Ac monet Plutarchus, dandam operam esse, vt, qui voluptatibus nimis sunt dediti, & reprehensionibus minus obtemperant, matrimonio deuinciantur: quod iucissimum iuuentutis vinculum. *De Educac. liber orim.*

IX. Et ad prolis certitudinem & institutionē liberorum diligentem, ordium quoq; dignitatē, splendorem familiarum conseruandum, matrimoniū necessarium est: vt etiam illud, quod hoc modo hereditates, ad nostros, non alienos & extraneos, deuolvitur: gratitudinem sentiūt, qui senio confectialiorum opus consilio habent. *Xenophon in Oeconom.*

Et X. nominis memoria ab obliuione & interitu vindicatur: quia vnusquisque liberos relinquens in suis liberis quasi renascitur. *Plato 4. de Legibus.* Vnde Phocylides præclare præcipit: Nemaneas cœlebs, ne forte obscurus pereas: *μη μείνῃς ἀγαμος, μη πως ἀνών μος ὦλῃαι.*

XI. Reipub. quoque ita consulitur, ciuium numerus augetur. Et si propter Rempub. contra animi sententiam multa sunt alia faciēda, etiam huius in gratiam matrimonium contrahendū. Alias enim vrbes & populi nō manebunt: non erunt, qui pacis tempore terrā colāt, exerceāt nauigationes, artes & opera

tractent: belli tempore Rempubliam tueantur ac defendant. *Dio lib. 56.*

XII. Iucunditas liberorum ad commendandum matrimonium quoq; facit. Nihil enim suauius est, quam ex utrisque natum infantem alere, imaginem corporis animique sui: vt in eo adolescente se quasi ipsum quis intueatur: ex hac vita diicedens, ex se editum relinquat, qui in facultates & stirpem suam succedat. *Dio lib. 56.*

Et vero XIII. grauissime delinquant, & multis modis delinquant, qui cœlibatum sequuntur: homicidium committunt, quia eos non procreant; quos nasci ex iis conueniebat: impii sunt, quia faciunt, vt honores & nomina maiorum pereant: sacrilegi sunt, qui tollunt genus suum à diis immortalibus monstratum, tanquam maximum omnium sacrorum donariorum, *αὐτὰ μὲν τὰν*, ciuitatem dissoluunt, eo quod legibus non obtemperant: produnt patriam; dum sterilem & infœcundam eam reddunt: imo euertunt funditus, quando quidem ciuitas non ædibus, porticibus, foris inanibus, sed hominibus cõstat. *Dio lib. 56.*

Hinc XIV. puniti quoq; cœlibes olim fuerunt. Sparta, de Lycurgi instituto, non admittebantur ad ludos & spectacula & conuiuia publica, qui vxores ducere nollent. *Plutarchus in Lycurgo.* Ibidem etiam actio fuit data contra illos, qui aut nimis sero, aut inhonestũ matrimonium contraxissent. *Iulius Pollux lib. 8. in Onomastico.* Censoria notã fuerunt Romæ affecti, qui matrimonia non contraxissent. *Plutar. in Camillo, Valer. Max. lib. 2. cap. 9.* Augustus Cæsar testamentũ quoddam improballe dicitur, cuius coniugiũ intermissum fuerat. *Idẽ lib. 7. c. 7.* Apud Athenienses, die quodã festo, cœlibes a mulieribus circũ arã tractis flagris cæsi fuerunt. *Iulius Scaliger lib. 3. de re Poetica.* Plato quoq; inter alias leges hanc ruli: vt, qui triginta annos haberent & sine matrimonio viuerent, sin

is

singulis annis, mulctę loco, aliquot drachmas numerare cogentur. *lib. 6. de legibus.*

Et ut pœnæ hæc iuste fuerunt eorum, qui sine causa iusta cœlibes manserunt: ita, quę ratio XV. est, præmia fuerunt concessa in matrimonio constitutis, ut, qui liberos procreassent, in sententijs dicendis, essent primi, in petitione magistratus aut officij alicuius liberorum numerus prævaleret. *Appianus lib. 2. de bello civili.* In Theatro honoratiorem ipsdem locum occuparent. *Suetonius in Augusto.* Singulis annis acciperent munera. *Herodotus lib. 1.* Liberi tales essent ab excubijs apud Spartanos, si tres maxime haberent filios immunes ab omnibus publicis officijs, si quinque. *Aristot. 7. Politic. cap. 7. Elianus lib. 6. c. 5.* Liberarentur à tutela & cura, qui tres liberos superstites haberent Romæ, vel in Italia quatuor, vel quinque in prouincia. *Instit. lib. 1. tit. 25. De excusatione iur. vel curat. lib. 10. Cod. tit. 61. De his qui liber, numero excusati. meruerunt. Dionysius Halicarnassensis lib. 3.* essent quoque immunes à legationibus publicis. *Lib. 10. Cod. tit. 63. De legationibus.*

Quin & in laboribus, plâris, virgultis sexuum differentia reperitur, & mares ac fœminæ sunt: quorum illis plus virium atque efficaciæ, quàm his inesse Theophrastus, Dioscorides, Plinius, & alij testântur. Et lapides ac geminæ: ut idem de Magnete, Carbunculo, Catchedonio, Iaspide, Sapphiro affirmant. *lib. 36. c. 37.*

Neque contra has rationes libertas multum facit. Qui enim liberam vitã matrimonio præferunt, nihil immanissimis belluis præstant: cum abque mulieribus degunt. Sed licentiã quærunt exercendæ libidinis ac lasciuie. *Diol. lib. 56. in Augusti oratione.* Nec molestia in matrimonio hoc ipsi improbare possunt: si quidem nullum huius vitæ bonum: cui non sit aliquod acerbis admixtum: nec ad virtutem ac voluptatem illam sincere perueniri potest, nisi in ea paranda, obijcenda, seruanda, labor impendatur. Et plura ac meliora

*Solutiora-  
tionis quæ  
contra ma-  
trimonium  
allata fue-  
runt.*

cum sint bona; sunt cum his conferenda, quæ ex coniugio oriuntur. *Disiuidem*. Et est hæc quasi Schola domestica, ut priuatim patientia discatur, quæ publice post exerceatur: facile cum omnibus alijs versari queant, qui Xanthippas domi tolerare possunt. *Xenophon in Sympoſio*. Notum denique illud Varonis; Vxor is viuium, aui tollendum, aui ferendum. *Erasmus in Adagys, Chiliad. 1. Centuria 3. Apophthegm. 14.*

Vxorum  
quæ fide  
maritis ex-  
ponit.

Neque tamen omnes parum fidæ & molestæ suis maritis fuerunt. Memorabile illud Arriæ est, quæ gladio seipsam interemit, cum periclitari maritum videret. *Plinius l. 6. 3. Epistola ad Nepocem. Martialis lib. 1. ut & alcerium illud de Miniarum vxoribus: quæ, cum maritum à Spartanis in carcerem coniecti, afficiendi supplicio postridie essent; imperato à custodibus aditu, carcerem ingressæ, commutata cum maritis veste, fecerunt, ut saluilli abire possent. *Plater. Max. l. 6. 4. c. 6.* Et sunt obediētes ac prudentes multæ: Saræ, Seboræ, Micholæ, Abigaëles: quarum Sacra literæ meminerunt *Genes. 18. Exod. 4. 1. Reg. 19.**

### QVÆSTIO XXIIIX.

#### QVO TEMPORE CONTRAHENDUM Matrimonium.

Diuerse atque discrepantes diuersorū hac de Quæstione sententiæ, consideratione vero dignæ reperiantur. Interest enim Reipublicæ, ne quauis in ætate pro libitu matrimonium contrahatur. Sunt hic, qui viro trigessimum annum, fœminæ decimum quintum aptum connubio constituunt. *Hesiodus lib. 2. Εργων η̃ η̃μερων*. Aegyptij quoque non ante trigessimū, ut Lacedæmonij ante vigesimum quintū, voluerunt matrimonium iniiri, propter secunditatem ac prolem. *Xenophon in Spariana Republ. Plinarchus in Lycurgo. Solon*  
quintum



quintum Septenarium, hoc est, annum trigessimum sextum, aptum esse matrimonio censuit. *Philol. lib. 2. de opificiis mundi.* Et Germani hoc nomine laudantur, quod sera apud hos Venus extiterit; ideoq; eadē iuuenta, similis proceritas; robora parentum valida, liberi reserant. *Corn. Tacitus de moribus Germanorum.* In turpissimis fuerit habitum rebus, ante annum vigesimum uxorem duxisse. *Cæsar lib. 6. de bello Gallico.* *Tiraquellus lib. 6. numero 38.* Plato vult, ut uxorem quisque à trigésimo anno ad trigessimum quintum ducat. Si non duxerit, damnas sit, & pecuniarum infamiae; nota in iuratur *lib. 4. de legibus.* Aristoteles vero ætatis anno 18. feminas, viros 36. matrimoniū vult contrahere: quod utriusq; sexus vires tum maxime corroborentur. *Polus. cap. 15.*

## QVÆSTIO XXIX.

SINT NE SENIBVS DVCENT.  
de uxores? Nubendum vetulis?

**E**X superiori Quæstione hæc nascitur: & quidem affirmantem in sententiam ista adferuntur: quod I. Magis in senectute, quam iuuentute videtur necessarium matrimonium: quando quidem ætas ista maxime cura & officio eget, debilis plerunque & infirma est. II. Senes ut plurimum publicis negotijs occupati opus domi habent matre familias bona, ut res domesticæ bene euentur. III. Uxorem ducunt, non voluptatis, sed salutis causâ: ut sit **ADIVTORIVM**. IV. Etiam exempla hæc summorum clarissimorumque virorum hoc ipsum comprobant: ut Abraham, qui anno ætatis ceterisimo & quadragesimo Keturam elegantē puellā duxit. *Gen. 25. c.* Malinissa, qui puerū quadrimum nonagenarius reliquit. *Diod. lib. 32. Val. libro quarto cap. 14. Plinius lib. 7. cap. 14.* Pompeii, qui Corneliū, Metelli Scipionis filiā iuenculā, matrimonio

monio sibi copulauit. *Plutarchus in Pompeio*. Ciceronis, qui sexagenarius cum Publia virgine matrimonium contraxit. *Plutarchus in Cicerone*. Catonis, qui octuagesimum agens annū, filiam clientis sui adolescentulam duxit. *Plutarchus in Catone*. Et notum illud Demetrii Poliorcetae est: qui cū ad Philæ, Antipatri filia, nuptias compelli nō posset; eo quod vetula illa edentula esset; parens istud Euripidæ in susurrauit: *ὅπῃ τὸ κέρδιόν, παρὰ φύσιν γαμνέταιον*. Vbi lucrū affulserit ibi præter naturam vxor ducenda. Quod nō pauci hodie consilium sequuntur. *Sabellicus l. b. 7. Ennead. 4.* sed parū felici euentu. In omnis enim generis libidines & flagitia alia Demetri⁹ delapsus probauit,

### NEC SENIBVS DVCENDVM:

*nec vetulis nubendum;*

Sed par & æquale Matrimonium deligendum esse: quemadmodū Hesiodus illud requirit, vt *ἡ γυνὴ* vxor ducatur domum. Et iuuenes omnes Euripides hortatur, ne in Senectute nuptias celebrent. *Stobæus sermone 69. ex Euripide in Danaë*. Neque temere vetus illud dictum: SENEX AMATOR, EXTREMV MIN FORTVNIVM. *Tirazuellus ex carmine Græco, lege 6.* vt & Tibulli istud: quando scilicet senex amator conspicitur:

*Hunc puer, hunc iuuenis, turba circum: eris arcta:*

*Destitit in molles & sibi quæque sinus.*

Neque illud temere. Quia 1. imparia matrimonia cum contrahuntur, oriuntur *σίσσεις* & *ἁλὰ φάσας*, discordia: ac dissensiones inter cōiuges. *Aristot. Polit. 17. cap. 25.* Coniugiū vero dissensio totius est domus perturbatio. *Augusti in Psalmum 33. 2.* Senes natura sunt morosi, difficiles, intractabiles; ac ppter ea ad amicitiam & societatem inepti. *Aristoteles 2. Rhetic. de moribus senum. Et Ethicorum 8. cap. 6. 3.* Est præterea horum frigida & sicca, ideoque ad matrimonium inepta, ætas:

nisi



nisi naturæ leges violandæ sint. *Aristoteles de longa & breui vita. Plato lib. 1. de Repub. Plutarchus in Solone, Ciceron in libello de Senectute. Accedit huc 4. quod matrimonia in senio contracta, etiam propter liberorum successiõnem sunt infelicia: quia parentes cum grâdes sunt natu, beneficiorum suorum fructum à liberis suis reportare nequeunt: vt neq; liberi à parentibus realiqua propter mortẽ subleuari Vnde post, aut molliter peruerseq; educatur, aut summa in egestate atq; inopia vitam traducunt *Arist. lib. Polit. 7. cap. 16.**

Sed & præter hæc, incommoda alia, eaq; plurima sunt, è senum coniugis quæ manant ac profluunt. Sũt adulteria: quãdoquidem, *Plautus in Mercatore* vt ait,

*Senex edensulus, & capularũ, & decrepius est.  
Tantumdem, quasi sit signum pictum in pariete.*

Imperia in Maritos, iuxta illud *Aristophanis: Vxor senis, sponsi domina est. Lites & cõtentiones perpetuæ: edaces ac lethiferæ febriculæ: interitus senum Ludouico hoc XII. Galliarũ regi accidit: qui, ducta Maria, Henrico octauo regis Angliæ sorore, virgine eximie venustatis, etatis & valetudinis suæ pene oblitus, concepta edaci febris, non multo post nuptiarum dies interijt. *Ionius lib. 3. in Leone X. Zelotypia deniq; maritorum: quæ facit, vt, quemadmodum reges, sic etiam mariti, dum omnia timet, omnia suspicantur; facile credunt, quæ suspicari fuerant. Chrysost. in Martham.**

### QVÆSTIO XXX.

VTRVM BENE IN CONSTITV-  
ta Repub. Adolescentulorum & iuuen-  
larum matrimonia concedenda?

Vt in natu g: andioribus hæc obseruanda: ita neq; bona in Repub. adolescentulorũ admittenda co-  
pulatione

pulatio est. Quod tum i. nimis prope ad parentum ætatem liberi accedūt: atq; ita multa inde mala ac incommoda nascuntur. Perit v. recundia & obseruantia in parentes: liberi insolescunt, prope æquales ætate cū parentibus: oriuntur in re familiari a dministrāda querelæ & criminationes nascuntur, dū liberi parentum esse Magistrivolunt. *Aristoteles 5. Polit. c. 16.* Sed & cunctis in animalibus adolefcentum imperfecti foetus sunt: nascuntur non perfectis corporibus homines: abortus sæpe fiunt. nascuntur monstra: in partu periculum est. *Aristoteles ibid.*

Accedit huc & illud: quod in matrimonio cōtrahendo etiam eorum est ratio habenda, quæ ad vitam sustentandam, alendam familiam necessaria videntur: nec in adolefcentulis aut iuenculis, vt ad ultioribus reperiuntur. Non Adamo DEVS OPT. MAX. ante vxorem creauit, quam animantib. cunctis nomen imposuisset, eorundemq; dominium ac possessionem hac sibi ratione vindicasset. *Genes. 2. ca.* Et notum illud Hesiodi præceptum:

οἶκον μὲν πρῶτιστ', γυναικὰ τε, βῆν δ' ὀτῆγε.

Vbi domus appellatione cuncta, quæ ad vitam tuendam sunt necessaria. Poeta complectitur: deinde vxorem. post aratorem. Neq; improbandi Cretensium consuetudo fuit: qui, vbi ad certum annorum numerum pueri peruenerunt, ducere eosdem vxores cōegerunt, sed ita vt non ante nuptias celebrarent, coniuges domum abducerent, quam puellæ rem curare familiarem didicissent. *Strabo libro decimo.* Vt & veterum Germanorum mos tenendus; apud quos nemo

ducere vxorem est ausus, nisi prius hostis caput amputatum ad regem pertulisset. *Strabo*

*libro 15.*

## QUESTIO XXX.

## UTRUM IN VXORE DUCENDA

Generis atque familia sit ratio habenda?

**N**ON utiq; in matrimonio contrahendo negli-  
 dum genus: parvi ducenda familia est: quia dos  
 1. magna est, parentum virtus. *Horatius lib. 4. Carm.*  
*Ode 42.2.* Nec labes solum sanguinis, verum etiā mo-  
 rum, ad posteros propagatur. 3. Splendoris aliquid,  
 magnificent & ac voluptatis splendidum matrimo-  
 nium habere videtur. *Xenophon: in Hierarchy.* Et qualis  
 4. ager: talia & semina: qualis flores, tales & fructu-  
 ra: qualis operator, talis & creatio: qualis agricola,  
 talis & cultura. *Esdra lib. 4. cap. 9.* Et à bonis bonus  
 nascitur. *Aristoteles lib. 1. Rhet.* Nec è squilla rosa aut  
 hyacinthus produci: ut, *Theognis.* Aut mali corui o-  
 uum bonum esse solet. *Erasmus in Proverbys, lib. 2. ad.*  
*1. Cent. 6: Proverb. 25. & 1. lib. 1. Cent. 9. Proverb. 25.*  
 Et videmus plerumque filias matrum præ se semores  
 ferre ac exprimere, partim propter naturam, partim  
 educationem. Nec honestatem in grandiori ætate  
 sectantur, ad quam neq; exemplo neq; præceptis in-  
 stitutæ fuerunt. *Traquil. lege connubial: 7. n. 10.* Ac sa-  
 ne si, 6. canes & equos nobis nobiles & ex bona pro-  
 genie querimus; in viribus, oleis, arboribus, seminib;  
 optima cura ac cogitatio suscipitur: cur vxor bona  
 parentum malorum filia duceretur? *Theognis & Plut.*  
*de Nob. lib. 1. c. 6.* Nec defunt 7. exempla illarum, quæ ob-  
 scuro loco natæ ac pauper culta, morosæ atq; imperi-  
 osæ sunt factæ: intolerenter erga maritos suos sese ge-  
 serunt. Fulvi vxor serua liberata, & coniugio digna  
 iudicata, maritum suum apud Triuiros superbe de-  
 cussit. *Fulgosus lib. 5.* Catonis vxor Taura, villici pau-  
 peris & obscuri filia, contumax erga maritum suum  
 extitit. *Plutarchus in Catone.*

Verum

Non nimis  
nobilis aut  
potens vxor  
ascenda.

Verum vt recte hæc sese habent: ita in id quoq; incumbendum diligenter est: ne generis nobis obsit claritas: potentior vxor ducatur. Nec male Plutarchus parentes monet, vt filijs suis coniuges querant; quæ generis nobilitate non multum eos superant, in libro de educatione liberorum. Aequalem quærere vxorẽ prouerbiũ iubet. Chiliade prima; Centuriatertia. Quia primo non tam est respicienda nobilitas parentum, quam ipsa vxor: & sunt multæ optimis parẽtibus natæ, quæ improbæ atque impudicæ iuuentæ. Sicbans Sermones sexagesimo tertio. Si secundo ex potentioribus nobis ducta vxor fuerit; Domini, non affines parabantur. Erasmus in Proverb. 1. Chiliad. 1. Centuria octaua. Etiam inde tertio Nobilium ac potentiorum affinitas nocet, vt qui non desinunt hos exugere, donec in nihilum redigantur, id eoq; cum Cardano tales conferuntur: cuius ea & natura; vt, herbarum in propinquo nascentium humore, vi quadam, contracto; arescere cogat. Aristophanes in Nubibus, Tiraquellus lege Connub. 5. numero trigesimo quinto. Quin & quarto elata tales vxores ad turbas ac bella perniciofa maritos suos excitant. Testis est Tullia, quæ Tarquinium muliebribus suis furijs eo impellit, vt regem ac focerum suum Seruum interficiat: ipsa per partis corpus carpentum agit. Lilius Decade prima, libro primo. Et Othocari vxor Kunegunda in causa, vt contra fœdera bellum maritus Rodolpho Habspurgensi Imperatori inferat. Cuspinianus in Caesaribus. Et tandem offensiones erga maritum oriuntur. Ac notum illud Ouidij est:

Quam male inæquales veniunt ad aratra iuuenti:

Tam iuueni magno coniuge nuptia minor.

Non honor est, sed onus: species laesura ferentes.

Si qua uoles apie nubere: nube pari.

QVÆST.

## QVÆSTIO XXXII.

VTRVM IN MATRIMONIO CONTRAHENDO OPES AC DIUITIÆ SPECTANDÆ?

ET si non contemnendæ prorsus sint opes ac diuitiæ, cū ducenda vxor: quandoquidem pauperem, ille ait, alere coniugem admodum difficile est: etiam asperæ sæpe humiles fiunt, cum surgunt in altum: vti ostensum ante in Catone & Fulvio fuit: tamē, qui diuitias tantum spectant imprudentia quadam, non vxorum domini, sed dotis serui fiunt. *Plutarchus de liberorum educatione.* Argentum qui accipit, imperium vendidit. *Plautus in Asin.*

ὄποι γαμέσι δ' ἢ γένοι κρείσους γάμους,  
ἢ πολλὰ χρηματ'. ἐκ ἐπίστανται γαμῶν.

Τὰ τῆς γυναικὸς γάμους εἶναι ἐν δώμασι  
Δηλοὶ τὸν ἄνδρα καὶ ἐκ ἐς' ἐλδ' ἔσθ'.

*Enripides.*

Vxorem quare locupletem ducere nolim  
Quæritis, vxori nubere nolo mea.

Inferior matrona suosit, Priſce, marito:  
Non aliter fiunt, fœmina virq; pares.

*Martialis.*

Et Olympias Philippi Maced. regis vxor digitis vxores ducere eos affirmabat, qui dotem sponſæ ſupputant: non explorant vero, qualis in cōiuctu futura illa ſit. Itaq; ad Gallionem recte Seneca; Inuenies, inquit, vxorem bonam, ſi nihil quæris niſi bonam: dūmodo ne imagines proauosq; reſpexeris, nec patrimonium, cui iam ipſa nobilitas ceſſit. Atque ea res Lycurgū Spartæ mouit, vt ſine dote contrahi matrimonia vellet: quo ſeucrius illa cogeretur: à viris quoque fœminæ coërcerentur. *Plutarchus in Lycurgo.* Puniti quoq; ibidem fuerunt, qui dotis & rei quærendæ cauſa locupletum affinitatē quæſuiſſent. *Act. ann. libro 6.* Solonitidem Athenieſi in Repub. nihil adferre

secum vxorem voluit, nisi tria vestimenta, & cibum  
ac potum, non plaris, quam obolo constantem. *Plu-  
tarchus in Solone.* Monet præterea Plato, vi & in-  
diligenda vxore, paria cetera si extiterint, tenuior sē-  
per diuitiant reponatur: eo quod & ad Rempub. & fa-  
miliarū vtilitatē illud faciat; id, quod est æquabile ac  
moderatū, immoderato ad virtutē præstet. *Plato 6. de  
Legibus.* Et vt speculum auro & gemmis ornatum ni-  
hil valet, nisi similem rebus imaginem exhibeat: ita  
diuitis mulieris nullus vfus est, nisi vitam viro similē  
moresq. consonos gerat. *Idem in præceptis cōiugalibus.*  
Itaq; recte Megadorum Plautus in *Aulularia* intro-  
ducit, qui laudat consilium suum, quod pauperis ho-  
minis indotatā filiam duxerit: idem si faciant cæteri

*Opulentes, pauper. orum filias*

*Vi indotatas ducant vxores domum:*

*Fote ostendit:*

*Et multo facilius eas concordat:*

*Et inuidia nos in more vsamur, quam virmus:*

*Et illa malam rem meruimus, quam meruimus, magis.*

*Et nos minore sumptu sumus, quam sumus.*

### QVÆSTIO XXXIII. SIT, NEC NE, IN DUCENDA V- xore, forma præstantia, venustas, pulchri- tudo consideranda?

*Propul-  
chritudine.*

**V**irgines pulchritudine atq; forma præstātes Ho-  
merus. Poëtarū princeps, ἐλκωνίδας appellat:  
quod ἄπας ἐλκωνίδας omnium in sese oculos cōuertit.  
Et τὸ καλὸν pulcrum, à Græcis nominatur, ὅτι καλεῖ,  
pronocat hominū animos. *Plato in Phædro.* Etiam di-  
midium dotis rerum omnium pretiosissima ac præstan-  
tissima à prudentib. iudicatur. *Isocr. in Helena.* Et qua-  
uis Epistola commendatior. *Stobæus. Serm. 64.* Et quod  
pulcrum, idem & charum habetur ac amicum *Plato  
in Lyside.*



in *Lyfide*. *Erasmus in Adagys*, *Chiliad. 4. Centuria 7. Proverb. 81.* Ipsas præterea virtutes gratiores reddit: quandoquidem, secundum Poëtam, Gratiores est pulchro veniens è corpore virtus. Et, ut natura cornua tauris, ungulas equis dedit, velocitatem leporibus, leonibus dentium hiatum, piscibus natandi facultatem, aubus volandi, viris prudentiam, ita mulieribus nihil tale, sed formam tantum pro clypeis & lanceis omnibus concessit, *Anacreon in Odis.*

Huc accedit, quod deformitatem omnes oderunt: etiam de formi factum fuisse obuium, infaustum esse iudicant. Et Adagium hoc notat: Augurium capret, quicquid aspexerit. *Tiraquellus lege connub. 2. nu. 60.* Nec ratio deest: Quia deformitas corporis, etiam animi deformitatem indicat: & cuius facies est deformis, vix bonos habere mores potest. *Rasis ad Alamadoren.* Et natura membra componit, prout animæ moribus conuenit. *Gal. lib. 2. de Temperamentis.* Vnde Thersites monstrosus corpore, etiam mente degener & ignauus fuit: pessimum ingenium in deformi domicilio habitauit. *Homerus Iliad 2.* Er deformis Corithus, simul bardus ac stupidus. ideoque in proverbium abiit. *Erasmus Chil. 3. Cent. 2. Proverb. 8.* Displacet & μοῖρα & μοῖρα, ita sorda terraque forma præditi, ut à furijs ortivideantur. *Chil. ad. 4. Cent. 2. Proverb 7.* Vt recte Lycurgus inter alias leges etiam hanc Spartæ tulit, ut infantes forma venusta & liberali præditi educarentur: manci vero ac debiles vasti in loca exportarentur. *Plut. in Lycurgo.* Ephori quoque Agesilaum regem suum mulctarunt, quod parvam simul ac deformem uxorem duxisset. *Plutarch. de lib. educatione.*

Laudatæ contra à pulchritudine fuerunt: Sara, Abrahami Patriarchæ vxor. *Genes. 12. & 20.* & Rebecca, Isaac coniunx. *Genes. 26.* Abitaga Sina amicus, quæ regē Danidem suo cōplexu sedit. *3. Reg. 1.* Iuditha, quæ Holoserne decepit, *Iuditha 10.* Esther, cōiugio, Arta

xerxis regis digna iudicata, ob formæ præstantiam fuit. *Eſther. 2.* Alpaſia, Cyriminoris vxor: cuius pulchritudinem *Ælian. lib. 12. de ſcribitur var. hiſt.* Rhoxana. Alexandro Magno propter venuſtatem matrimonio iuncta. *Curius libro. 5.* Liuiâ, Auguſti Cæſaris coniunx. *Dion in Auguſto.*

Forma  
quatenus  
ſpectanda  
in mari-  
monio.

Verum, vt recte hæc ſeſe habent: ita non tantum forma in matrimonio eſt contrahendo ſpectanda; oculis ducenda vxor: verū etiam ad animum reſpiciendum. Neque enim quicquam pulchritudo iuuat, cum mentem quis bonam non habet. *Eurip. in Oedipo.* Nec corporis deformitate animus ſœdatur, ſed pulchritudine animi corpus ornatur. *Seneca Epistoſa 67.* Et eſt felix nigredo, quæ mentis candorem habet. *Bern. Sermon 2. in Cant. Cant.* Et ſunt ſæpe, corpus ſi reſpiciatur, Nereo nonnunquam pulchriores multæ: quod ſi vero animum conſideres, plus quam Therſiticum phlegmina reperiēs. *Suidas & Eraſmus Chiliad. 4. Centuria 3.* Plena deinde ſuperbiæ res eſt formoſa mulier. *Menander. Et;*

*Facius ineſt pulchris, ſequiturq; ſuperbia formam.*

*Onidius lib. 1. Faſt.*

Tum hæc ipſa pulchritudo perit facile: eſt egrégium, ſed ὀλιγοχρόνιον, exiguit temporis bonum. *Iſocrates ad Demonicum.* Membra mortalia circumferimus: & tandem terra, ſiſis omnium, ſubitura. *Pind. Nemeorum Ode 11. Et;*

*Forma bonum fragile eſt; quantumq; accedit ad annos,*

*Fit minor: & ſpacio carpitur illa ſuo.*

*Nec ſemper violæ: nec ſemper liſia ſtorent:*

*Et riget amiſſa ſpina relicta roſa.*

Huc accedit & illud: quod ſæpe numero

*Liſ eſt cum forma magna pudicitie. Onid. Epistoſa 15.*

Neque firmus eſt amor: ne eſt pulchritudine contractus, niſi bonis moribus ſoneatur. Idē hic quod igni accidit: qui in paleis & leporinis pilis facile accenditur;



zur; sed subito rursus extinguitur. *Plutarchus in Preceptis Coniugalibus.*

Nec præter hæc illud, negligendum, quod non raro pulchritudo in periculum, cum ipsas fœminas, tum illarum maritos coniicit. Exemplo sit Abraham *Genes. 12. cap.* ideoque non vxorem, sed sororem suam appellari eam voluit: & Isaacus, *Genes. 26. cap.* Vriæ quoque exitum atque interitum attulit Bersabæ pulchritudo, *Regum 2. cap. 11.* Quin & suspiciones oriuntur & zelotypiæ, quæ acriter pungunt ac mordent: liberum atque tranquillum ducere spiritum non sinit. Ita Paulino exitio fuit pomum ad Eudocia Augustæ, Theodosij Iunioris vxore, dono missum. *Cedrenus.* Ita Carolus Crassus Imp. vxorem Richardem Scotiæ regis filiam, Zelotypus innocentem ac castam à se dimisit: quæ acceptis bonis suis in Alsatia monasterium construxit sacrarum virginum, quod hodie Andalaui nominatur. *Cuspinianus.* Et Henricus II. Imp. qui suspectam cõiugem suam Conegundam habuit, quam ante vnice dilexerat: quæ tamen pudicitiam coniugalem ferro ignito comprobauit. *Cranvicius lib. 4. cap. 5. Metropoleos.*

Et tandem plurimi reperiuntur deformes, ingenio interim præstanti præditi. Vt Philopœmenes, dux Græcorum admodum deformis: at rei militaris peritiam insignis & clarus. *Plutarchus in vita Philopœmenis.* Aesopus, niger quidem; at ingeniosus. Et Socrates simis naribus, calua fronte, repandis cruribus præditus: sapientissimus vero omnium, etiam Apollinis oraculo, iudicatus. vbinatura, quod denegauit in altero compensauit. *Cælius lib. 8. Plinius lib. 36.* Neque Anacharidis responsum prætereundum: qui cum quidam ei obiecisset, quod vxorem admodum deformem duxisset: idem & tibi videri affirmauit: sed puerum porrigere meracius poculum iussit, vt illam formosam faceret. *Athen. lib. 10.*

## QVÆSTIO XXXIV.

VTRVM, IN VXORE DVCENDA,  
ad ornatum ac splendorem respici-  
endum?

Pro ornatu  
muliebri.

**N**ON utiq; negligendus in vestitu cæterisq; rebus  
ornatus videtur. Siquidem primo in omniſib. hic  
alijs placet: etiam inde mundus, *ῥῆμα*, nomē ha-  
bet. Frugalis deinde mulier, mundiciem vt nō negli-  
gat, necesse habet. Quod si, vt morositas eius hone-  
statē iniucundam reddit; ita sordes quoq; inuitā fru-  
galitatem efficiunt. *Plur. in præceptis coniug.* tum vni-  
cū solatium sexus fœmineus in ornatu positum ha-  
bēt. Neq; enim Magistratus gerere: non sacerdotia,  
non insignia, dona aut spolia bellica mulieribus cō-  
tingere possunt: fœminarū insignia sunt mundicies,  
ornatus, cultus: his gaudēt & gloriātur. *Linus Decad.*  
*4. lib. 4. in Oratione Pelerij.* Postremo naturalis aliquid  
pudoris atq; indignationis habet, quod alijs licet, si-  
bi nō licere: pudor enim pessimus oritur vel pauper-  
tatis vel parsimonix. *Eiusus ibid.*

Contra or-  
natum.

Sed vt ornatus honestus ac moderatus nō est ne-  
gligendus: ita non spectandus solus aut laudandus  
immoderatus ac nimius est. Rebus enim publicis lu-  
xus ille nocet: & sunt duo diuersa vitia, quæ imperia  
euertunt: Auaritia ac Luxuria. *Caso apud Iulium, De-*  
*cad. 4. lib. 4. 2.* Quæ nimium exornari postulant fœmi-  
næ, virum rapere docent, dum loculos eius exhauri-  
unt. *Idem* Reuera enim, quicquid muliebris mundus  
vocatur, fœminæ viriles sunt. *Seneca lib. 1. Naturaliū*  
*Quæstionum.* 3. Ornamentis eiusmodi & splendore  
vestitus voluptates excitantur: occasio peccandi da-  
tur. *Proverb. 7.* Et nullarū prope preciosior cultus est,  
quam quantum pudor est finis. *Cyprianus de Disciplina*  
*Virginum* 4. Decipiuntur multi adoleſcentes, dum  
ex nudo & luctu ornati, ditiores ac præstantiores  
alijs esse

alijs esse videntur: vbi post error deprehensus, contemptum aliaq; incommoda parit. Neque male tales nonnunquā cum Aegyptiorum confertur tēplis possunt: quae splendida ac magnifica fuerunt atrijs, columnis, vestibulis, picturis, alijs: intus vero numinis loco, aut serpentem, aut felē, aut aliud aliquod animal ridiculū. *Clemens Alexandrinus libro 1. Pedag. c. 2.* Saepenumero quoq; 5: dum his rebus studetur, quae ad ornatum ac splendorem faciūt, necessaria negotia negliguntur: quādoquidē nunquam mulier satis sibi ornata videtur. Vnde, qui sibi negotij quid comparare cupit, nauiū & mulierem sibi comparare iubetur: eo quod nulla res plus negotij habeat. *Plautus in Penulo.*

Itaq; recte Spartania auri vsum mulierculis suis denegarunt *Heracleides de Pol. us.* Lyfander, cum Siciliae tyrannus Filiabus eius vestes pretiosas mitteret, dona ista repudiavit: quod diceret, ornatu hoc filias suas de decorari potius, quam ornari. *Plut. in Praeceptis Coniugalibus.* Et Phocionis vxor, cum aliae aureos torques, monilia, cetera ornamenta ostenderet, dixisset: Meus ornatus, meus maritus Phocion est. *Plutarch. in Phocione.* Cornelia quoq; Gracchorū mater, cum Campana quaedam matrona ei ostenderet monilia, annulos & gemmas suas, sermone eam traxit, donecē Schola liberi redirent; Et hęc, inquit, ornamenta mea sunt. *Val. Max. lib. 4. c. 4.* Et reuera ornatus preciosissimus esse debet muliercularū, viri virtus. Neq; lex Oppia apud Romanos mulieri concessit, vt plus semuncia auri possideret, aut verticillori vestimento vteretur. *Livius lib. 34.* Sacrae quoq; literae ornatum mulierum nimium improbant, *Ecclesiast. 9. 1. Timoth. 2. 1. Petri 3.* animum mundum ornamentumque probe requirunt.

## QVÆSTIO XXXV.

## VTRVM IN FOEMINA DOCTRINA &amp; eruditio probanda?

*Contra  
fæ-  
minas do-  
ctas.*

CONtrouersa etiam hæc inter literatos esse Qvæ-  
stio solet. Et quidem contra doctas fæminas ista  
afferuntur: quod 1. harum eruditionem plerumq; li-  
bido ac lasciniis comitatur. Iuuenalis quoq; displice-  
re sibi in Satyris suis affirmat eruditæ ac disertæ: cū  
Satyra 6. scribit?

*Non habeat matrona, sibi quæ iuncta recumbit*

*Dicendi genus, aut cursum sermone rotato*

*Torqueat Enithymema: nec historiar sciæ omnes.*

Præterea cautæ quoq; & ingeniosæ fæminæ pro-  
ptiores & acutiores esse solent ad intruendas machi-  
nas, quibus viros decipiāt. *Muret. Variarum Lect. lib. 8.*  
c. 21. Et apud Euripidem Hippolytus ita loquitur:

*σοφὸν δὲ μισῶ μὴ γ' ἐμὸς δόμοις*

*εἶη φρονῶσα παῖδόν, ἢ γυναῖκα χερῖ.*

*Pro doctis  
mulierib.*

Contra quod literæ vtilis mulieribus, inde osten-  
ditur: 1. quia disciplinæ id præcipuum habent, quod  
ab ineptis rebus ac studiis animos mulierum abdu-  
cunt: Geometriæ gnaræ saltationis pudeat, eadēq;  
magicis incantationibus capi sese minime patiatur,  
Platonicis & Xenophontæis disputationibus inean-  
tata. 2. Nisi semina honestæ doctrinæ concipiant, &  
instituantur virorū opera, ipsæ ex sese opiniones ab-  
surdas & affectus prauos multos gignunt. 3. Cele-  
bres eruditione ac doctrina plurimæ fæminæ sunt  
factæ. *Plutarchus in Coniugalibus Præceptis.* Saba, Au-  
stri regina lib. 3. Regum cap. 10. Aspasia, magistra Peri-  
clis magni illius & Imperatoris & Oratoris. *Plut. in*  
*Pericle.* Aganice, Astronomix peritissima. *Plutarchus*  
*in Præceptis Coniugalibus.* Callistrata Lesbica. *Athenæus*  
*libro 15. c. 14.* Cornelia mater Græchorum, quæ filios  
eloquentes reddidit. *Cicero in Bruto.* Cornelia, Pom-  
peij vxor.

*Fæminæ  
lucræ.*

peij vxor *Plutarchus in Pompeio*. Daphne, Tiresie filia, ex cuius versibus multa *Homerus* mutuatus dicitur. *Diodor. Siculus lib. 5*. Hippias, hospita *Lycurgi*. *Plus. in Lycurgo*. Hortensia, *Hortensij filia*, eloquentia clara. *Appianus libro 4. bellorum civilium*. *Quint. lib. 1. ca. 1*. *Leglia C. Gracchi filia*. *Cic. in Bruto*. Olympia morata. *Cyrillus lib. 2. de Poetis nostri temporis*.

## QVÆSTIO XXXVI.

VTRVM RELIGIONIS DIVERSITAS possit aut debeat matrimonium impedire?

A Dferri vtramq; in partem rationes hac in questione poterunt. Et quidem in affirmantem iste: quod 1. *Deus* Israelitis concedit, vt alienigenas vxores ducant: sed ita, vt prius illarum capita radantur, vngues non refecentur, mutant vestes. *Deut. 21*. Deinde *Apostolus 1. Corinth.* non facit potestatem fidei coniugi, vt ab infideli abeat, si modo is vna habitare velit: quod sanctificatus sit vir infidelis per mulierem fidelem. Tum & exempla ad sunt eorum, qui cum diuersæ religionis hominibus matrimonia contraxerunt. *Salomon rex vxorem habuit filiam Pharaonis, Aegypti regis, Reg. 1. cap. 3*. Et *Samson de filiabus Philistinum vxorem duxit, Iudicum 14*. *Longobardorum quoque regina Theodelinda* pia sua opera *Eutharin*, primum maritum suum ad verā pietatem prouum reddidit: etiam posteriorem. *Agilalphum* à malorum dæmonum cultu abstraxit: *Longobardos* ad veram fidem redegit: exactos *Episcopos* reduxit. *Auensis lib. 3. Bolorum Annalium*; *Bonfinius lib. 8 Decad. 1*. *Clotildis*, reginæ *Franciæ*, *Clodouem regem*, maritum suum ad sacræ religionis cultum induxit. *Amplius*, *Iuguldis*, soror *Childeberti*, *Francorum regis*, *Hermogildum Go-*

Rationes in  
affirman-  
tem senten-  
tiam.



thorum regis filium, maritum suum ad Christianam religionem conuertit. *Polydorus.*

*Pro negatæ  
sententiâ.*

In contrariam vero ac negantem sententiam ista adduci posse videntur: quod 1. Mandatum DEI expressum est: non sociabis cum gentibus coniugia. Et Apostolus non vult iugum iniiri cum infidelibus. 1. *Corinth. 6.* Ibidem exigit: vt qui volunt nubere, nubant in DOMINO. 2. Exempla sunt in promptu piorum, quia coniugijs eiusmodi abhorruerunt. Abrahamus noluit filio suo dare vxorē de Cananæorum filiabus, *Genes. 24.* Et Isaacus filium Iacobum coniugij causa in Mesopotamiam misit. *Genes. 28. 3.* Sequuntur, secus si fiat, incommoda & multa & magna. Traducuntur ad religionem diuersam & idololatram non pauci. Ita ductis Cananæorum filiabus Baalim & Astaroth inseruierunt Israelitæ. *Iudic. 3.* Salomo, omnium sapientissimus, deceptus ab Ethnicis mulieribus, deos colere alienos cœpit. 1. *Reg. 11. 18.* Ioramus, Iudæorum rex, ducta in vxorem Athalia, Achabi Israelitarum filia ad Idolomaniam inductus fuit, *Reg. 4. cap. 8. & Paralipomen. 2. cap. 12.* Achabus Iezabelis, coniugis impiæ, consilia secutus, Prophetas trucidauit, Baal seruiuit, eidem lucos, & aras & templa constitui passus est, *Reg. 1. 16. cap.* Valens item Imperator nullam aliam ob causam quā persuasione vxoris suæ, Arrianus factus est. *Theodoretus lib. 4. cap. 12. Socrates lib. 4. cap. 2.* Cumque Matrimonij vinculum sit 4. CONCORDIA: ad hanc ipsam retinendam ac conseruandam plurimum consensus in religione facit: vt contra coniuges laxepetiuces fiant de hac ipsa dissensione facta, semina rixarum perpetuarum oriuntur: maxime, vbi ad liberorum peruentum educationem fuerit: euadunt hi aut contēptores religionis, aut simulatorēs ac hypocritę. Ita Sephora, vxor Moſis, improbās circumſiſionem, cū sponſum sanguinem vocat, *Exod. 4.* Et inter Constantinum Copronymum & eius vxorē Irenem perpetuæ lites

lites & contentiones fuerunt: cum imperator Iconomachus, Imperatrix vero Iconolatra esset. *Cuspinianus in Caesaribus.* Sed & s. hæc ipsa res facit: ut, quod alias dicitur, sume tibi parem, minime fiat: nec vnum velle aut nolle, vna fides, vna disciplina inter coniuges. *Tertullianus ad coniugem suam.* Impediatur ad hæc preces. *Ambrosius epistola 3. ad Vigeliū.* Boni mores corrumpantur colloquijs prauis, disparia sint matrimonia; de religione dissensiones oriuntur. *Tertullianus ad coniugem suam.* Denique & in Iure Canonico causa 28. questione 1. de Nuptijs & coniugio cum infidelibus, pluribus agitur.

## QVÆSTIO XXVII.

## VTRVM IN MATRIMONIO

contrahendo cognationis & sanguinis  
communions ratio habenda?

ET hæc in controuersia venire sapen numero Questio solet. Ac sane gentes ferunt reperiri, in quibus & nato genitrix, & nata parenti iungitur: Ut pietas geminato crescat amore. *Cicero 10. Metamorph.* Fuerunt matrimonia incestuosa concessa liberis cum parentibus, sororibus cum fratribus apud Babylonios. *Alexander ab Alexandro libro 1. cap. 24.* Et Persæ filias, sorores matres quoque in cōnubij iura admiserunt. *Cælius lib. 8. cap. 18.* Et sororem uxorem Mithridates rex habuit. *Strabo lib. 14.* Cambyfes quoque, qui, ut *Herodotus refert*, cum consuleret sapientes suos, an hoc facere liceret: responsum tulit, legem nullam esse, quæ rubeat hoc facere: sed esse aham, qua liceat Persarum regi facere, quicquid velit. Et Antoninus Caracalla nouercam duxit, eum audiret, Imperatoris esse leges dare, non accipere. *Xiphilius & Alianus Spartianus in eius vita.*

Verum sunt in contrariam partem quæ faciunt, rationes istæ: quod pugnat illud primo cū lege diuina, quæ certigradus matrimonij cōstituuntur. *Deut. 16. & c.*

Pro nuptijs  
incestuosis  
rationes.

Contra  
Nuptias in  
incestuosas.

Leuit.

*Leuit. 20.* Deinde cum legibus ciuilibus & Romanis, quæ cum de nuptijs & coniugio agunt, à quorundā matrimonijs abstinendum esse monent: non posse contrahi nuptias statuunt eas inter personas, quæ parentum, aut liberorum inter se locum obtinent. *Ve lib. 1. Instit. tit. 10. de nuptijs. Et lib. 5. Cod. tit. 5. de Incestis & inutilibus nuptijs.* Vbi poena quoque constituitur incestas nuptias cōtrahentis: confiscatio bonorum, tam exterorum, quam dotis, exilium etiam, & cinguli (si quo potitur) spoliatio: verberatio quoque, si utilis est. Fœmina quoque talia scienter peccante, simili poenæ subiuganda. *Et in Nouellis Constitutionibus, Constitutione duodecima, titulo septimo, de Incestis & nefarijs nuptijs.* Vbi ætario bona adsignantur, etiam illa, quæ dotis data nomine sunt: eo quod cum liceat nuptias facere legitimas, contra leges amouerit, & confuderit quidem sobolem: nocuerit autem & generi: egerit verò, impia, sicut & scelestæ: & talia concupierit, qualia plurima etiam irrationabilia amouent animalia: ultra terminum traditum nobis à natura amarit. Tum & Philosophi saniores nuptias tales improbant: & Plato partus ex incestuosis nuptijs natos exponi, non ali, vult in *Republ. lib. 5. de Repub.* Xenophon quoque legem hanc esse latam diuinitus scribit, vt non misceantur parentes cum liberis: nec hi cum illis, *libr. 3. de Diffis Memorabilibus.*

Accedunt huc quoque rationes: quod 1. cum gradus seruātur in matrimonio certi, societatis humane latius vincula propagantur. *Augusti. lib. 15. de Ciuitate Dei, cap. 16. 2.* A nuptijs fiunt actiones familiarem & necessitudinum: quia multos sibi propinquos reddunt, vltro citroque filias qui dant & accipiunt. *Plutarchus in Probl. 3.* Infirmæ mulieres varios paternos requirunt: vbi non ita prompta sunt auxilia cognatorū, si cōtra cognatos querelæ moueantur, aut certe grauiā oriuntur dissidia. *Idem ibid. 4.* Etiam natura



tura hoc requirit, quæ docet incestuosas nuptias vitare quoque in brutis animalibus: vt de Camelis, equis, & nonnullis alijs scribunt *Aristoteles lib. 9. hist. animalium; Plinius lib. 8. cap. 24. Varro de re rust. lib. 2. cap. 7.* Nec s. Turpius quicquam est confusione gentium. *Ischnus lib. 5. in Leuiticum.* Et 6. Tragici exitus plerumque sunt eorum, qui incestuosis nuptijs sese polluant. Exemplo sit: Cambyfes rex Persarum, qui sororem coniugem cum duxisset, sibi ipsi manus intulit, cum casu quodam insilienti in equum gladij vagina excidit, gladius nudatus eius femur perstrinxit. *Herodotus lib. 3.* Et Caligula, qui cum omnibus sororibus stupri consuetudinem habuit: post misere trucidatus à Cassio Chærea, à populo multis confectus vulneribus fuit. *Xiphilinus, Dion, Suetonius.*

### QVÆSTIO XXXIIX.

#### QVÆNAM IN MATRIMONIO

ac coniugio obseruanda tam marito quam uxori: vt pax & concordia seruetur?

**V**T de ijs, quæ in matrimonij cōtrahendis obseruanda, Quæstiones aliquot motæ hætenus fuerunt: ita & hæc necessariò mouetur: Quænam in contractis iam matrimonijs sint tam à viro, quam uxore obseruanda: vt secunda illa sanctaque fiant. Primum autem à Maritis requiritur *HUMANITAS*: ne iniuriöse ac seruiliter, sed amice tractet uxores. Non sint vt leones in ædibus suis. *Syracida. 4.* nec amari erga coniuges. *Coloss. 3.* sed cum ea cohabitent secundum scientiam. *1. Petri 3.* Rationes istæ sunt: quia 1. imperare mariti debent vxoribus, non vt domini rei, quam possident: sed vt animus corpori, ipsæ affectibus obnoxius & beneuolentiæ deuinctæ. *Plutarchus in præceptis coniugalibus. 2.* Parcendum mulieri inbecillitati: honos

*Maritorum officia.*

*1. Humanitas in uxorem.*

honos habendus mulieribus, vt in firmioribus vasculis. 1. *Petri* 3. & ijs quæ etiam coheredes sunt gratiæ vitæ. *Idem ibid.* Secus si fiat, preces Impediuntur. *Ibid.* 3. De Romuli veteri lege, Mulier, viro legitime coniuncta, fortunarum ac sacrorum sociâ illi est: vt que domus ille dominus; ita hæc domina habetur. Iniuria 4. nulla vxor si afficiatur, neq; maritus afficietur: quæ lex communis est. *Aristoteles Oeconom.* 1. cap. 4. & quum quoque 5. vt omnis iniuria & violentiæ opinio ab ea absit, quæ supplicij instar est, ac tanquam è loco deducta. *Aristoteles ibid.* Quamque parâtes, omnibus relictis, matre, domo, mariti dextere committunt. *Chrysost.* Homilia 26 in primam ad Corinthios. Nec sine causâ barbari ab Aristotele reprehenduntur, qui eodem loco vxores, quo seruos suos, habent. *Poiss.* 1. cap. 1.

*Vtrum liceat vxores verberare aut alias tractare.*

Vnde & illud facile intelligitur, de ijs quid sit iudicandû, qui vxores suas aut verberant, aut alias duritèr atque iniuriose tractant. Peccare maritos tales his rationib<sup>9</sup> probatur: quod 1. nullum, vt Poëta ait, memorabile nomē fœminea in pugna est, nec habet victoriâ laudem. 2. *Æneid.* 11. Verberare vxorē, ignominia vltimâ. Neq; enim animus eius, quæ verberatur, sed qui verberat, spectatur. *Chrysost.* Homilia 26 in 1. ad Corinthios. 3. Natura subiecit foeminam, non vt seruam, sed vt sociam; non ad mancipium, sed vitæ libertatem, *Aristoteles Polit.* 1 cap. 8. 4. Adhibitis verberibus morbus non tollitur, sed augetur & exasperatur: quæ ita comparatû est, vt in vitium semper nitamur, negata cupiamus. *Elegia* 4. libro 3. amorum. 5. Sunt vindictæ alias mulierculæ cupidæ; neque hæc quisquâ magis quâ fœmina gaudet. *Iuuenalis Satyra.* 13. Vnde ad venena, & homicidia, & desertiones maritorum saepe venire vxores, experiētia testatur. Et hæc 6. de causâ Cato vir parû alias sexui fœmineo amic<sup>9</sup>, propter domestica mala nō esse verberandas vxores contendit: hoc qui faciunt, non minus peccare dixit at-

xit at-

xit atq; eos, qui Deorum simulachra polluūt. *Plutarchus in illius vita. Tiraquellus lege connub. 8. num. 10.* Pos-  
sunt 7 etiā alia ratione corrigi fœminæ: admonitio-  
ne scilicet amica & grati. Itaque veteres in nuptijs  
Mercurium iuxta Venerem collocarūt: vt ostēde-  
rent, matrimonij iucunditatē maxime oratione ege-  
re: itemq; suadā & Gratiā, vt docerent: Coniuges  
inuiçē, quæ vellent, impetratē debere, persuadēdo,  
non pugnando. *Plut. in præceptis coniugalibus, Cælius lib. 18. cap. 18.* Iunoni quoque nuptialis æra cum facerent,  
ē victima sel exemptū post aram abiecerunt: vt ostē-  
derent, bilem & iram abesse à coniugio debere. *Cæ-  
lius lib. 28. cap. 21.* Potest deinde & exemplo correctio  
& emendatio fieri. Vt enim Dominus, qui cultor est  
Musarum, Mulcos multos facit: ita vir, voluptati-  
bus deditus, intemperantem vxorem reddit: ama-  
tor honestatis ac probitatis, modestam & pudicam  
facit. *Plut. in præceptis coniug. & Tiraquellus lege connu-  
bali 8. num. 10.*

Itaq; vituperandus merito Cotys Thraciæ rex est,  
qui cam in crudelitatem deuenit: vt vxorem, ex qua  
iam filias suscepit, & humaniter atq; amice viginti  
quatuor annis vixerat, mediam consciderit. *Suidas.*  
Et Nero, qui Octauiam, Claudij Cæsaris filiā à se vt  
sterilem dimisit, relegauit, tandem occidit: Poppæā  
post Sabinam in vxorem ductā calcis ictu interemit:  
interfecit Antoniam, *Suetonius in eius vita, Tacitus lib. 6.*  
Et Præmislaus Dux maior Poloniæ, per pedisse-  
quas Lurgardin vxorem iugulari curauit, quod nul-  
los ex ea liberos suscineret. Quali vero in arbitrio id  
sit cuiusquam: nō diuinitus liberi concedantur. *Cro-  
merus lib. Hist. Polon. 10. & 11.*

II. Quod à Marito requiritur est. **D I V I N V S**  
**C V L T V S**, V O T A, preces. Quia enim rem bene ge-  
rentibus diuino opus auxilio est: colendus ac rogandus  
DEVS est, vt largiatur ac tribuat. prosperā valetudi-  
nē & vires corporis. 2. hōnōrē in ciuitate. 3. beneuolē-

2. Nym-  
phæ  
ni casat  
& mæ-  
1530.

tiam in amicorum animis. 4. salutem non inhonestam in bellipericulo. 5. incrementum sine crimine in re familiari. *Xenophon in Oeconom.* Quod cum etiam sacræ literę consentiunt; quæ primum regnum DEI & iustitiam eius quærere iubent. *Matth. c. 6.* Benedictionem DOMINI diuites facere affirmant. *Proverb. 10.*

3. *Palcindnis curia.*

III. VALETUDINIS CVRA postulatur: ad quam opus labore ac temperantia est. Labore, ut negotia necessaria, nuncpederentur, nunc cursim peragantur. Temperantia, ut tantum cibi potusque sumatur: ut neque vacuus, neque nimium plenus diem quis exigere possit.

4. *Opes.*

IV. Marito cogitandum quoq; de OPIBUS est: quandoquidem,

*Prodigia non sentis perexantem famina censum:*

*Ac (velut exhausta rediimus) pullulet arca*

*Nummus, & è pleno semper tollitur acervo)*

*Non nunquam reputat, quanti sua gaudia censens.*

*Iuuenalis Satyra 6.*

Et iucundum est opibus Deos magnifice honorare, amicis inopia laborantibus adesse, ornare urbem ac patriam: & hoc qui præstant, prudentes, fortes ac maturi viri iudicantur. *Xenophon in Oeconom.* Neque viri, sed viduæ est: bona sua imminuere. *Plus. in vita Catonis.* Itatamen, ut modo opes bono comparantur. Optima enim illa familia est iudicanda: in qua opes non iniuste possidentur: nec mala fide custodiuntur: nec propter sumptus pœnitentiam afferunt. *Solon in Corninio septem sapientum.*

5. *Familia-riam curia.*

*Statio diligens.*

V. Etiam ratio marito tenenda, qua MINISTRI AC FAMULI tractandi sunt. Instituendi vero hi ad beneuolentiam, diligentiam & Iustitiam: ad beneuolentiam, laude & liberalitate: ad diligentiam, delectu instituto: ut deligantur magis auari, quàm aut ebriati, aut luxui aut etiã somno dediti. Etsi enim Catoni placuerint serui, qui dormitarint, quod tales esse placidiores

diores putaret, quam peruigiles, & ad omnia negocia iudicaret aptiores, qui somno essent defuncti, quam qui eo indigerent: tamen hæc, quæ diximus, omnia negotiorum & officiorum obliuionem inducunt. Ad Iustitiam denique allatis legibus, quæ poenas improbis, præmia bene agentibus constituunt. *Xenophon in Oeconomicis.*

Sed & exto loco maxime diligentia necessaria est. Etsi enim Thales; septem Sapientum vnus, dixerit, optimam illam domum esse, in qua orij plurimum domino agere liceat. *Plut. in septem Sapientum conuersio*: tamen boni est patris familias, prius cubitu surgere: postremo cubitum ire: non secus atque urbem, domum nunquam relinquere. *Aristot. in Oecon. libro cap. 4. de re Rustica.* Rationes hæ sunt: quod 1. noctu surgere, adhibere curam & diligentiam, quæstuosum ac magnum vectigal est. *Xenophon. in Oecon.* Facit ad rem augendam familiarem, non minus atque ad sanitatem conseruandam. *Arist. in Oecon.* Est 2. primarium mariti opus, ne cuiquam alteri familiam suam regendam committat: verum sibi partes priores sumat. *Plato in Dialogo Amatores, seu de Philosophia.* Qui 3. quoque solutus ac negligens est patris familias, alios reddere diligentes atque sedulos non potest: non & cus atque rudis & imperitus Musicus, reliquos Musicam docere nequit. Nec male dicitur: Oculis Domini pinguem equum reddit. *Arist. in Oeconomicis, lib. 1. cap. 6.* Accedit huic 4. & illud: quod nulla bona imitatio sine exemplo esse potest: ideoque sine Dominorum diligentia, reliqui in familia diligentes esse non solent. *Idem ibid.* Et Deus 5. propterea annum ac corpus virorum sic cōdidit: vt tolerantius frigora, ætus, itinera, militiam ferre possent: fecit robustiores, tortiores, audaciores: vt foris & in aperto victum querere, propulsare iniurias valerent. *Aristot. lib. 1. Oecon. cap. 3. Xenophon in Oecon. Columella de re Rustica in præfatione lib. 12. Idem 6. & iracundis*

6. Diligentis.



solet, qui officium suū negligentē faciūt: Oeconomos somnolentos punit. *Xenophon in Econ.* Ac demig; in re familia, i laboriosior quoque negligentia quā diligentia esse consuevit. *Collumell. lib. 12.*

7. prudentia.

In emendo  
quandā ob-  
seruanda?

VII. Etiam à marito ac patre familias requiritur PRVDENTIA ET SOLERTIA in emendo. Oportet enim hunc vendacem potius, quam emacem esse. *Cato de re Rustica cap. 2.* Quod si emere vult aliquid, puta prædiū aliquod; leges hæc erunt obseruandæ: ne cupide emat, ne parcat visere, ne satis habeat semel circumire: animaduertat, vicini quo pacto vireant: circumspiciat, vt inde exiri possit: vt bonum cælum habeat: non calamitosum sit: solo bono valeat, sua virtute: sit sub radice montis, spectet meridiem, loco salubri bonum aquarium habeat: oppidum prope validum, aut mare, aut amnis aut via bona & celebris: sit ijs in agris, qui non dominos mutant, aut quos pignore vendidisse: & bene ædificatum: statuatur denique melius emi de domino, colono & ædificatore bono *Cato de re Rustica, cap. 3.*

Quæ consi-  
deranda in  
colendo?

Deinde etiam in colendo Solertia quadam opus est: vbi duo spectanda; an fructus pro impensis ac labore redire possint: & verum salubris sit locus, an non Alterutrum enim horū si deccat, & nihilominus quis colere vult: mente captus est. *Varro de re Rustica lib. 1. cap. 2.* Et Aqua, vt illa sit salubris ac facilis, non à lacunis aut palude ducatur: non originem à metallis sumat: sed perspicua sit colore: non vitiosa sapore, aut odore: non limum adiunctum habeat. *Palladius lib. 1. cap. 4.* Etiam Terra, vt huius gleba sit putris, & fere nigra, non alta & nuda. *Idem cap. 6.*

Quæ spe-  
standa in  
ædificando?

Tum & in Ædificando prudenter vt agat patre familias necesse est. Diu cognare oportet, antequā ædifices: ita ædificandū, ne villā prandii quærat: aut fund⁹ villā. *Cato de re Rustica cap. 3.* *Palladius lib. 1. cap. 8.* Et iudicāda illa dom⁹ bona, quæ vñ ac voluptati inhabita-

habitoribus est: æstate frigida, hyeme calida *Xenophon de d. Elis & factis memorabilibus.*

Quarto in conficiendis operibus Boni patrisfamilias quoque inuicem est ac officium curare, ut omnia manere conficiantur. Nam res rustica sic est: si vñā rem sero feceris, omnia opera sero facies. *Cato de re Rustica cap. 8.*

Est quinto & hoc necessarium: ne Dominus vnaquaque in re tenax sui sit iuris: neque vindicet, quicquid licet. Nam summum ius antiqui summam crucem putarunt. Nec etiam rursus in rotum remittat: quemadmodum vel optima nomina nō appellando fieri mala solent: ut Alphonsus foenerator dixisse fertur. *Columella libro 1. de re Rustica, cap. 3.*

Postremo etiam in sumptibus faciendis prudens paterfamilias erit. Recte enim dicitur: Tanquā moriturus, bonis tuis frui: tanquā verò sēpervicturus, parce tuis possessionibus, Est autem sapiens hic, qui ambo hæc cognoscens, parsimonie, & sumptus mensurā aptat. *Lucianus.* Ideoque sumptus ita facit, ut reditus nō excedant. *Xenophon in Oeconom'icis.* Laudantur in Historiis: Cyrus, Traianus, Alexander Seuerus Imp'p. qui sumptus aulicos contraxerunt: non nisi necessarios retinuerunt: aulæ tineas, scurras, adulatores, architectos voluptatum non tulerunt. *Plinius in Panegyrico.* Heresbachius de erudendis Principum Liberis cap. 2. Et Augustus Cæsar veste non temere alia quam domestica usus est. *Suet.* Et de Ludouico Germaniæ rege scribitur: quod armorum apparatus, quā contumaciorum studiosior fuerit: plus ferrum, quam aurum dilexerit: usum auri fericique præcipue militibus ademerit. Si quem in exercitu fericatum aut inauratum conspexerit, dicere solitus fuerit: Eho mortalium stultissime: non satis est tibi, solus ut peccas: nisi & res tuas hostib. iradas, atque eos locupletes, quo diutius facilius: nobis resistant. *Aueninus lib. 4. Annalium Boiorum.*

*Quæ in conficiendis negotiis obseruanda?*

*Quæ in sumendo spectanda?*

*Quæ in sumptibus faciendis?*

Vxorum

officia.

I. OBEDI-  
ENTIA.

Atque hæc Maritorum ac patrumfamilias officia sunt. Ab vxoribus primo OBEDIENTIA requiritur. Etsi enim Spartana in Republ. mulieres viris suis dominari sint soliti: & hi illas heras suas appellarent. *Polis. 2. Aristoteles cap. 7. Plutarchus in Lycurgo & Apophihæg. Laconicis. Cælius lib. 18. cap. 1. D. Adrianus vxorem suam Dominam semper vocavit. Tiraquellus in legibus connubialibus, lege 5. nu. 13.* Sint non paucae, quæ prudentia & virtutibus alijs excelluerunt: de quibus integro agit libro Plutarchus de virtutibus Mulierum. Aegypti hoc positum in more habuerint: vt militaria negotia viri obirent: tractarent interim domi virilia Mulieres. *Sabellicus lib. 6. cap. 1.* Consuetudo introducta à Semiramide in Assyria fuerit, vt viris vxores imperarent. *Alex. ab Alexandro lib. 4. cap. 8.* Tamen contrariam in sententiam rationes & plures & maiores sunt: quia 1. diuina lex vult, vt maritus vxori imperet, non contra, sub illius hæc potestate sit, ipse huic dominetur. *Genes. 3. 1. Petri cap. 3. 1. Corinth. 7. Eph. 5. Colos. 3.* Et existimare 2. Mulier debet: mores viri esse legem vitæ suæ à DEO sibi impositam. *Aristoteles de con. 2. cap. 1. Vti 3. videt: lege naturæ fœminas viris suis seruire: mares semper fœminas imperare. Plinius lib. 8. cap. 3. Mas 4. cum fœmina collatus, natura melior est ac prudentior, nisi forte à natura descuerit: aptior quoque ad principatum obtinendum, quam fœmina. Aristoteles 1. Polis. cap. 3. & 8. Plus ratione ac prudentia valet, & corporis viribus. Vnde vir à vi dictus: à mollitie Mulier. Ex Varrone, Lactantio & Augustino. Tiraquellus lege connub. 1. numero 55. Hæc ipsa Obedientia & quasi seruitus plurimum ipsis mulieribus prodest: vt quæ ad consilium virtutem admodum imperfectam ac languidam habent. Aristoteles Polis. 1. cap. 3. Neque 6. dissimiles vxores viris imperantes, ijs sunt, qui cæcos duces, quam duces sequi optimos malunt. *Bodinus lib. 1. de Repub. c. 3.* Præterea Honores ac dignitates vxorum maxima*



maxima ex parte à virorū honore ac dignitate dependen-  
 t: non secus atque à sole sidera reliqua lumen ac  
 splendorem sumunt. *Bodinus ibid.* Et est 8. caput mul-  
 ieris vir. *Ephel. 3* Itaque vt nō aliunde magis ornatur  
 corpus, quā ex capitis dignitate: ita non magis aliunde  
 honorem, quam à viro, cōiunx habere potest. Sed  
 & 9. hac de causā velari fœminæ solēt: vt se noerint  
 maritis suis esse subditas. Etiā Anathema fit mulier,  
 quæ comam sibi amputat, quam Deus ad memoriam  
 sub: cessionis illi dedit: *Tirag. in legibus connubialibus.*  
 Et contemptus 10. virorum nullus esse maior potest,  
 quā si sua in domo *γυναικας ἐξουσιάζει*, muliebre impe-  
 rium, habeat: vxoribus subesse suis cogatur. Hinc illud  
 dictum: *ὁ θεὸς ἀνδρὶ ἐξουσίαν ὡς καὶ ὁ χριστὸς*  
 de decus extremū viro parere mulieri. *Stobæus Sermo*  
*ne 72.* Quamobrem 11. Olarus Thraciæ rex Dacos vi-  
 ctos ad ignominiam sempiternam cōegit vxoribus suis  
 seruire. *Rafaris in legib. Longobardorum, Bodinus lib. 1.*  
*de Rep. lib. 3.* In Iudæorum quoque opprobrium dicitur:  
 quod mulieres fuerint viris dominatæ. *Esaie cap.*  
*4.* Miseriæ quoq; 12. oriuntur & calamitates publicæ;  
 quando, maxime regum ac principū, imperiosæ vxor-  
 es sunt. Exemplo est Iezabel Achabī vxor, *Regum 3.*  
*cap. 21.* Cleopatra apud Ægyptios. *Plutarchus in Antono.*  
*Messalina, Claudij Cælaris vxor. Xiphilinus in Claudio.*  
*Vasthis regina Assuero regi obedire recusat, Esther*  
*cap. 1.* Hinc 13. quoq; Aristoteles affirmat: pro dimi-  
 dia parte male constitutā eam Remp. esse: vbi fœminæ  
 male sese habent. Habent vero tum illæ sese male,  
 cum fauces ijs permittuntur. *Polit. 2 cap. 7.* Quin & 14.  
 existimationi suæ nō bene tales cōsiliūt mulieres, cū  
 imperiū affectant. plura fere contra decorum agunt,  
 quam ipsi viri, qui dominiū hoc sustinēt. *Plutarchus in*  
*præcepis con. ug.* Et deniq; Mulieribus in sacris literis  
 Sarræ ad imitandū exemplū proponitur, quæ Abrahamo  
 obediuit: eundē Dominū suū appellauit. *Gen. 18.*

## II. FIDES.

II. Ab vxore postulat, ut FIDEM Marito suo præstet. Quemadmodum Sephora Mosi, cum is filium suum primogenitum non circumcidisset, & propositum a DOMINO ad necem ipse posceretur, filicem corripuit, & filij sui præputium circumcidit, *Exodi 4*. Michol Dauidem maritum per fenestram demittens, a Sauli regis ac parentis sui satellitibus liberauit, *1. Regum cap. 19*. Abigail Nabalem, hominem stolidum, maritum suum, ab interitu vindicauit, *1. Regum cap. 25*. Ita Theopœpi vxor, Chilonis filia, marito ab Arcadibus in carcerem coniecto, intramissa in carcerem, suam vestem marito circumdedit, cuiusq; ipsa sumpsit, & illum clam egredi iussit: ipsa vero pro eo apud hostes remansit. *Polyanius Lib. 8*. Portia, Catonis filia, M. Bruti vxor, victo interemptoque marito, cum ferrum ad se necandum esset ablatum, ipsa se, prunas in os ingerendo, suffocauit. *Plutarch. in Bruto*. Et memoria dignum Vinspergensium matronarum est exemplum, quæ sarcinarum loco, maritos hostium crudelitati eripuerunt. Quod & de Cremenſibus refertur, qui cum a Friderico Barbarossa Imp. oppugnati tandem ea conditione recepti in gratiam essent, ut non plura secum bona efferrent, quam humeris, aut manib. suis gestare possent: relictis bonis, filios, parentes, cognatos, cum ægrotis, tum debiles exportarunt. *Hedio in Chron. Germ.* Perfidia contra in maritos, suos nomine multæ malæ audierunt. Ut Delia, quæ Samsonem Philistæis prodidit, *Iud. cum cap. 16*. Et Spitomenis Thracis vxor, quæ maritum dormientem obruncauit. *Currius Lib. 7*. Salome Herodis regis soror, quæ & Iosephum & Costobaram maritos suos perdidit. *Iosephus lib. 15. cap. 11*. Rosimunda, quæ nuptiarum pactione Alboinum, Longobardorum regem primum in Italia, Helmingen adolescentem formosissimum, necari noctu curauit. *Amplius Lib. 1*.

## III. SILENTIUM.

III. In vxore laudabile SILENTIUM est. Vitium hoc

hoc magnum & valde fœmineo in sexu vſitatum eſt, quod dicaces pleraq; omnes ac loquacula: ſunt fœminæ, vnde puerbio dicitur: Tres mulieres nūdinas facere: & Mulieri verba de ſūt, vt luſcinia cantio, Pōtēq; verſus, Oratori color, Sophiſta cauillum. *Eraſ. in Prouerb. 33. Obliad. 3. Centuria 6. Prouerb. 77. & Tiraquelus lege connubiali. 12. num. 9.* Neque vitij huius cauſa de eſt: quia, vbiminus eſt cordis ac roboris, tam in animo quam corpore: ibi plerunq; plus linguæ eſt: vt videre quoq; licet in pueris, ſenib. & aniculis. Nec habent fœminæ arma alia, niſi verba: his, velut ſcutis quibuſdā, pugnāt. *Ariſt. 2. Rhē. de Senum moribus.* Verum eo magis cōmendatur Silentium in mulieribus, & harum Ornamentum conſtituitur *δλγρον δία*, verborū paucitas; & *γυναικὶς λόγος ἡ σιγή* *Φερε. Sophocles in Aiace.* Tacita quoq; bona eſt mulier ſemper, quā loquens. *Plautus in Rudens.* Loquitur aut vir, aut per virum. *Plutar. in præceptis conugalibus.* Neq; alias amicitia, quies, concordia, ſeruari inter coniuges poteſt. *Ariſtoteles Polit. 1. cap. 8.* Et vt puluerem tormentariū lac extinguit: ita ſilentium fœminæ iracundiam viri ſedat. Iudicātur quoq; felices illæ nuptiæ, quādo vir mutus, vxor ceca aut muta eſt. *Pōtanius Lib. 3 de Obediētia.* Accedit huc & illud, q̄ quæ ſunt garrulæ ac loquaces fœminæ, viris ſuis nocēt, dū ſecreta corū detegūt. *Ariſt. Polit. 5. cap. 10.* Vti Cryphile maritū perdidit. *Plato 9. de Repub.* Et Delia, *lib. iudiciū c. 16.* Atq; inde Eleſinorū Venerē Phidias fecit: quæ teſtudinē calaret: quo ſigno mulieres domi ſibi degendū eſſe, ſeruādūq; ſilentii monerētur. *Plutar. in præceptis coniug.*

IV. COMITAS & HUMANITAS cōmendatur. Mulier. n. comis exhilarat maritu: & cum humaniter illū tractat, cor illius recreat ac reficit. *Syracid. 2. cap.* Et vt vitioſum ac prauum eſt ſpeculum, quod leti imaginem triftē, & viciliſim triftis ac tettriciſſa tam præbet: ita vxor illa ingrata atq; intepreſtiua eſt, quæ læto

IV. HUMANITAS.

achilari marito, toruum tuetur: serias res agente ludit & ridet. *Plutarchus in præceptis coniugalibus*. Itaque merito Xantippe Socratis vxor, ob morositatē & inhuanitatem reprehenditur: & idem de aliera vxore Myrthi Aristidis filia, prædicatur. Ambæ enim in muliebres contentiones propter ipsum Socratem deuenerunt. *Ruissus*. Laudatur contra Livia Augusti vxor, quæ interrogata, ut Augustum obtinuisset, respondit. Diligenter & prudenter agens summum studiū adhibui, ut omnia facerem ex animo Augusti: nec curiole perquisiui quicquam eorum, quæ is faceret; simulans, me eus amores neque audire, neque sentire *Cuspinianus in Cæs.*

**V. CASTITAS ET PUDICITIA.**

V. CASTITAS AC PUDICITIA in vxore laudatur. Matronis enim dos pulcherrima, vita pudica. *Eras. & Plautus in Amphit.* Itaque cum speculum inuoluetur matrona honesta, secum ita loquatur: si deformis es, quid essem, si deesset pudicitia: si uxoriosa, quanti fierem, pudicitia si accederet. *Plut. in præceptis coniugalibus*. Præterea cum nulli reparabilis arte lapsa sit pudicitia; utique seruanda illa & seruanda diligenter erit. *Onidius in Epistolis, Epist. 5.* Et ut honeste uiuat vxor, maxime illa requiritur. *Arist. Polit. 1. cap. 8.*

**VI. PRUDENTIA.**

VI. PRUDENTIA adsit, oportet. Sapiens enim mulier ædificat domū suam, insipiens contra extructam quoque destruit, *Proverbiorum 14. & 24.* Simul etiam labem aspergit marito: quandoquidem multi diuitijs ac genere præstant: redduntur autē infames propter vxorum stultitiam. *Stobæus Serm. 70.*

**VII. SOCIETAS ET COMMUNIO.**

VII. Etiam SOCIETAS ET COMMUNIO rerum requiritur. Plato felicem ac beatā eam Rempublicam iudicat, in qua hæ Voces, MEVM & NON MEVM, rarissime audiuntur. Sed maxime ac coniugio voces illæ tollendæ sunt: & opus atque facultatum institueda communio, ut in vnum omnia congerant coniuges. commisceantque substantiam, propria omnia ducant, nihil

nihil alienum. Vt enim vinum aqua temperatum, tametsi aquæ plus adsit, vinum tamen vocatur: ita res familiarem æquum est viri appellare, etsi maiorem partem vxor attulerit. *Plut. in præceptis coniug.* Et fuit infelix matrimonium Paridis & Helenæ; eo quod ille voluptates, hæc opes spectaret: felix contra Vlyssis ac Penelopes; quia ille prudens, hæc pudica fuit. *Plutarch. ibid.* Et recte illud est à Comico dictum: peculi nihil probam habere addeceat clam viro: si quod habet partum, ei haud cōmodi est, quin viro aut subtrahat, aut stupro inueniat. Hoc viricē seo esse omne, quod Tuum est. *Plautus in Asinaria.*

**IIX. EST SITIVDIVM MANENDI DOMI.** Instar Aquiculæ sedula vxor domi manet: idq; vtilius esse statuit, quam foris agere: quemadmodum turpe contra est marito, degere semper sub tecto: negotia nulla externa curare. *Xenophon in Oeconom.* Et, siue fuerit infamis mulier, siue non fuerit: hoc ipsum satis infamix conciliat, si domi non mineat, *Enripid. in Troadibus.* Itaque ita Phidias Venerem pinxit: vt testudinem illa calcaret. *Plut. in præceptis coniugalibus.*

**IIX. SITIVDIVM DOMI MANENDI.**

**IX. FAMILIÆ CVRA & ADMINISTRATIO.** maxime vxori necessaria est. Proprium enim bonæ mulieris est seruare domum, & huius gubernaculum esse. *Menander.* Et, vt viri est virtus, administrare Rempublicam ita Mulieris est, familiam gubernare. *Plato in Menæ.* Itaq; bona Oeconoma surget mane & laborabit, quæret lanam & linum: operabitur consiliorum suarum: institorix navis instar de longe petet panem: dabit prædā domesticis suis & cibaria ancillis. *Prouerb. 31.* Deinde liberos & infantes recte aler: cōficiet panes ex agri fructibus & vestes de caño. *Plato 7. de Legibus, Xenophon in Oeconom.* Ideoq; plus amoris infantix mulieribus, quā viris indidit, *Xenophon ibid.* Tercio ostendet illis, qui domi laborant, quid faciendum sit: ancillis rudibus instituentis dabit operam:

**IX. FAMILIÆ CVRA ET ADMINISTRATIO.**

queret tales, quæ bene animata sunt erga Dominos: sunt iuste augere, non destruere rem familiarem cupiunt. *Plat. 2. de legibus, Xenophon in Oeconom.* Quarto suscipiet, quæ denum adferuntur: promet, quæ consumenda: custodiet seruanda. Itaq; *Deus* cum sciret, nō inutilem esse timidum animum ad rerum custodiam, partem metus copiosiorē in fœmina, quā viro distribuit. *Xenophon. in Oecon.* Et vbi non est, quæ importata seruant, idē maritis importatibns accidit, quod ijs, qui in dolum perforatum hauriunt. *Xenoph. ibid.* Quinto, ordinis erit amans, in supellectili, & alijs etiam minutulis instrumentis, etiam ollis repōendis: ita quidem, vt suo quæq; loco disponantur & conueruantur. In promouendo habeatur ratio necessitatis & splendoris: sint aliter distincta, quæ quotidiano vsui inserviunt: aliter disposita, quæ tantum diebus festis, aut hospitibus reseruantur. Et ratio est: quia nihil vtilius tam publice quam priuatim bono est ordine. Et vbi hic etiam in minutilis non seruatur: idem accidit, ac si quis hordeum, triticum, legumina alia inter se misceat: vbi laboriosa post & molestā opus est separatione, cum vsus requirit. *Xenoph. Oeconom.*

Diligentia  
• ac sedulitas  
in vxore re-  
quiritur.

Quod vero in his omnibus labor, sedulitas, diligentia requiratur ab vxore: rationes, quæ sequuntur, probant. Quia 1. in pigritia humiliatur contignatio & in infirmitate manuum perstillat domus. *Eccles. cap. 12.* Autoritatem 2. & honorem constantem, etiam in senectute matris familias parit diligentia. *Xenophon in Oeconom.* Ac licet 3. cuncta alia bene sese habeant: nihil tam feliciter agetur, nisi ipsa vxor res fideliter administrarit. Rē enim familiarem auget diligentia vxoris: quia ancillis in familia tantum custodia rerum committitur: vxor domina quoq; est, & vsum fructū habet. *Xenophon. in Oeconom. 4.* Egrēgie valetudini ita consulitur: dum color paratur aut cōseruatur bonus labore: nec opus hic pigmentis ullis est. *Deus* quoq; mulieri-

mulieribus naturam dedit mollem & idoneā ad domesticas curas: corpus cōtra debile ad virilia munera obeunda. *Xenophon ibidem.*

## QVÆSTIO XXXIX.

VTRVM BENE CONSTITVTA  
in Republ. liberorum Educationis ac Institutionis Ratio sit habenda?

**V**Tilis summeq; necessaria hæc Quæstio est: vt primum nostra studia, mores, actiones cunctas recte q; cōformemus: deinde instituiamus, & imbuiamus, vel sanguine nobis coniunctos, vel officiū ratione nobis creditos ac cōmissos: tum iudicemus recte, prudenter dicamus sententias, quoties de literarum ludi: aperiēdis aut conseruandis & amplificandis aut corrigendis consultationes & deliberationes instituitur. Quod vero vtilis ac necessaria sit liberorum Institutio; hæc, quæ sequuntur, rationes probant.

*Ut quæstionis.*

Quia primo vt delectant & ornant parentes ac sanguine iunctos liberi probari: ita degeneres & improbi mœroreathi cūnt & deformāt parentes: id quod nō raro fit. Habuit sic Adamus Cainum, *Genes. 4.* Noah Chamum, *Genes. 9.* Isaac Esau, *Genes. 27.* Ioël & Abiam Samuel, *1. Reg. 18.* Absolomum Dauid, *2. Reg. 17.* Iuliam adulteram filiam Augustus, *Sueton. in Augusto.* Bassianum fratricidam Seuerus, *Sparsianus in Seuer.* vbi illud argumentum tractatur: & concluditur, magnos viros aut sine liberis periisse, aut habuisse tales, vt melius fuerit, sine liberis illos decessisse.

Causā vero adscribitur à Demosthene Facto, quo omnia in peius ruūt: ab Aristotele Nature, quæ, vt, terra nonnunquam fecunda arbores vberes & fructus pferētes nascūtur, quæ deinde paulatim sterilefcit: sic in vna aliqua familia multi præclari nascūtur: post degeneres succedunt, & fiunt aut insani aut furiosi, quo-

*Degeneres filij vident*

quorum parentes fuerunt excitâtis ingenij præditi: aut bardi & fatui, quorum parentes habuerunt stabile & pacatum ingenium. *Aristot. 2. Rhet. 15. cap. de Nobilitate moribus & ingenijs.* Maxime vero acceptum hoc est ferendum negligentie, incuriæ, aut etiam indulgentiæ parentum. Sunt enim, qui alijs rebus distracti ac disteti, liberorum nullam curam gerunt, deteriores hac in parte brutis animalibus: siquidem etiam vrsa animal deforme & morosum, catulorum suorum membra lambendo format. *Plutarchus de proliis amore.* Reperiuntur etiam nonnulli, quibus amor nimius obstat, ne vere suos liberos ament. *Plutarch. de Educ. liberorū.* idem accidit, quod simijs, quæ, cum sortum nimis osculantur & complectuntur, simul necant. *Plinius lib. 8. cap. 54.* Exemplo est Themistocles: & in Sacris summus Israelitarū Sacerdotes Eli. 1. *Reg. 2.* Et David noluit contristari spiritum filij sui Ammonis, eo quod primogenitus, ideoque charus illi esset. 2. *Reg. cap. 13.* Maxime vero matres hic peccant, quæ omnes filijs in peccato adintrices in postrema iniuria esse solent. *Terent. in Heauton. Act. 5. Scen. 2.*

Ratio altera publicam vtilitatem concernit. Si enim institutio fuerit bona liberorū, euadūt & ipsi boni, etiā tacentibus reliquis, rebus honestis se dedūt: facile inter bonū & malum, honestum ac turpe discernunt. *Plato. 4. de Republ.* Quemadmodum contra, hac neglecta, damnum magnum datur Reipub. *Arist. Pol. 5. cap. 1.* Ex institutione mala pravi pueri, peiores adolefcentes, pessimi viri euadunt: *Simoneas lib. 9. de Republ. cap. 25.* Idque eo dolendu magis, quod magna scelera & puta atque pura improbitas non ex vili & ignaua natura, sed generoso ingenio, educatione corrupta, proficiscitur. *Plato. 6. de Republ.* Tertia ad priuatum pertinet commodum. Quemadmodum enim agricola vitem amputat, ne vis natua & succus in palmites se extendant: ita superuacanea iuuentutis vi uacitas



uacitas educatione & institutione rescatur. Et quæ admodum multa agrestia suis nascuntur in agris, quæ quidē sunt mala, sed interim signa felicis soli, si quis excolat: sic etiam affectus per se mali indicant magnum ingenium, non malum, modo recta institutio accedat. *Plutarch. de Educat. liberorum, Pol. ian. de Ira.* Itaque Themistocles dissolute in adolescentia sua vixit: neque id ipse dissimulauit, sed dixit, ē ferocissimis pullis optimos equos fieri, si recte formentur & instituantur. Nec sine causa Scriptura. Qui docet, inquit, filium suum, laudabitur in illo; & gloriabitur in medio amicorum: cum ipse est mortuus perinde est, ac si mortuus non esset, quia post se relinquit sui similem, & defensorem domus contra inimicos. *Ecclesiast. 30. cap.*

Quemadmodum contra (quæ ratio est quarta) ex neglecta aut peruersa institutione, mala & dāna priuata multa orientur. Et ut equus indomitus euadit durus: ita filius gemilis præceps. *Eccles. 30.* Et quæ admodum solum bonū cessante cultura sterilefcit, tortuosæ & infrugiteræ fiunt arbores per incuriā: & facilius nouæ plantæ læduntur à tempestate, quā adultæ & grandiores iam factæ; ita adolescentes, institutione neglecta, pestes familiarum fiunt. *Plus. de educ. liberorum. Orosius lib. 1. de regis institut. Hieronymus in epistola ad Latam.*

Sed & quinto loco Sacræ literæ institutionem fidam & sedulam flagitant: mandat DEVS, vt non solū parentes in mandata sua audiant, verum etiā doceant filios & nepotes. *Deuter. 4. & 5. Apostolus Ephos. 6.*

Itaq; (quæ sexta est ratio) qui filiis de multis opibus prospiciunt; quo autem pacto boni illi fiant, non cogitant: idē quod illi faciunt, qui equos multos pabulo alunt, & pingues, sed interim ineptos ad bellū reddunt. *Xenophon. in Epist. ad Citonem.* Aut qui de calcceis cogitant, pedes negligunt. *Plutarch. de educat. liberorum.* Neque his in mentem venit quod Scriptura affirmat;

affirmat: Sapiencia pauperis euehit eum, & ad principatum latus ponit. *Ecclesi. 30.* & quod veterum quidā dicit, si improbi filij extiterint, nihil eis opes proderūt; sin probi, nihil ex paupertate lædentur. *Chrysostomus Homil. 9. in Epistolam ad Hebræos.*

## QVÆSTIO XL.

## QVO ÆTATIS TEMPORE INSTITUTIO ADHIBENDA?

Quemadmodum vera sana præditus mēte nemo inficiatur, Institutionem & necessariam & vilē esse ita saepe quaritur, Quonam ætatis tempore illa sit inchoanda? Et sunt, qui septimum annum hanc ad rem constituunt, his rationibus moti: Quod primum ætas prima non cōmode possit tractari citra matrum & nutricum operam. Deinde hoc demum tempore ætas & intellectum disciplinarum capere, & laborē perpeti queat. Tum valde perniciosum, tenellam ætatem fatigari instituendi molestia *Regius lib. 2. cap. 2. de liberorum educatione, Heresbachius de Institutione principis, cap. 4. Quintil. lib. 1. cap. 1.*

Verum ad ferri plures rationes eam in sententiam possunt, quod instituendi cura inde ab ipsis quasi incunabulis, suo tamen modo, sit inchoanda, Quia primum utile est, nullum tempus cura vacare, sed illico honestatis formā pueris imprimi: vt Chrysippus, qui, licet triennium nutricibus dedit, tamen ab illis quoque iam formandos quam optimis institutis infantium mores iudicat. *Quintilianus libro 1. Institut. Orat. cap. 12. Platus 2. de Republica* Secundo paedagogis remotis omnib. bestia puer est intolerabilior. *Idem lib. 3. & 8. de Republica.* Tercio non beneficia habenda, quæ in liberos patres conferunt: nec cura iudicanda, si in infantia deservantur. *Senec. lib. 2. de beneficentia.* Quarto, ut membra infantium simul diriguntur, ne in obliquum

quam curuentur, quamprimum infantes editi sunt à matribus: ita puerorum animi, dum adhuc sunt molles, & tanquam cera sigillis, imprimuntur, ad omnem fingi institutionem possunt. *Heresbach. capue 4. Quia- to: Et quid melius alioqui faciēt? Faciant aliquid, necesse est: quia quiescere nequeunt: quid autem melius facient, ex quo loqui poterunt, quam si discant? Quintilianns lib. 1. cap. 1. Sexto: Quamlibet paruū sit, quod prior etas contulerit, tamen aliqua discere puer potest: & hæc per singulos annos prorogata in summū proficiunt. Et quantum in infantia est temporis præsumptum, a dolescentiæ acquiritur. *Quintil. an. ibid. Septimo, nec hoc parum, quod literarū sola memoria initia constant: quæ non modo iā est in paruis, sed etiam est tenacissima. Idem eodem in loco. Octauo: Nec perfecte illud quisquam discet, quod sero discere incepit. Cicer. 2. de Orat. Nono: Et, si infantia ac puericia bonis moribus recte informatur, quid ni etiam ad literas hæc eadē apta esset? Itaq; postremo, Spartani infantes primum editos, vt labore firmarentur, rigidissima aqua fouere, nihil somni causa subterner, humili cultu educare sunt soliti. *Plutarch. in vita Lyncgi, Xenophon de Spartana Repub. Alex. uider. ab. Alexandr. lib. 2. cap. 25. Sed est hic prudentia adhibenda: cauendum, ne multo discendi labore oneretur pueri. Quod & aratores, & domitores equorum obseruare uidemus: cum hi equos fremit: illi iuuen- cos iugo assuefaciunt. Danda opera, vt sint spectatores magis discipulorum, quæ sunt percepturi, quæ discipuli & actores. Quemadmodum uinitores indultis nouellis uites non multum extendunt, ad uina producenda, ne vis earum extendatur: donec in stirpem solidiorem lucere uerint. *Pegius lib. 2.****

*cap. 2. de puerorum educatione.*

QVÆ-

## QVÆSTIO XLI.

AN, NISI MATVRE INDOLEM

quis prodar, à studiis remouendus sit?

Sunt ingenia, illico sese quæ produnt, vident, ut dicitur, mature. Cicerò puer admirationi condiscipulis & ab his reductus domum ob ingenij acumen ac solertiam fuit. *Plutarchus in eius vita.* Q. Hortensius causas in foro annos vnde viginti natus egit. *Cicero in Bruto.* Anno ætatis duodecimo Iuliam auiam mortuam Augustus patrem Tiberius nono laudauit. *Suetonius* Hermogenes, dicendi magister acutissimus, cum adolescens octodecim annorum esset; dicendi artem longe pulcherrimam, & de Statibus, Ideis, Inuentione præcepta scripsit. Hunc declamantem Musonios, Philosophus grauissimus, adire non refugit; quemadmodum nec Marcus Imperator. *Caesar lib. 31. cap. 6.* Augustinus anno ætatis duodecimo Logica & Rhet. Aristotelis legisse se & intellexisse ipse scribit, *lib. 4. Confess.* Virgilius puer, poeticam exercuit. *Donatus in eius vita.* Verum Gellius *lib. 13. cap. 2* & Quintil. *lib. 1. cap. 3.* in iuuenilibus ingenijs idem sibi placere scribunt: ut in pomis immaturis acerbitas ipsa placet. Ea enim dum non maturescunt, reliqua ante tempus putrescunt. Et ut vinum, quod in dolio placuit, non fert ætatem, quod est durum atque asperum recens, postea placet: ita adolescentia durior maturescit, & ad frugem peruenit. *Seneca.* Et Cleonthem ferunt ac Xenocratem, cum ex Scholasticis maxime hebeti ingenio viserentur, nec tamen eo nomine relâquerent; dicere solitos fuisse, similes sese esse vasis angustioris oris, ac cœneis tabellis: quod vix quidē dictata perciperēt, at retinerēt tenacius. *Calpurnius lib. 10 c. 20.* Sic Cato minor, ubi literis admodum est, stupidus ad percipiendū & bardus extitit; at quod semel percepisset, id retinuit, nō obliuioni dedit. Et est hoc alioqui naturā cōparatum, ut memoria

moria

moriâ minus valeant sagaces: valeant autem, qui cû labore & sudore arripuerunt. *Plutarchus in eius vita.* De Thoma quoq; Aquinâre scribunt, quod cum taciturnus semper inter coæquales pueros sederet, id eoq; bos mutus ab his appellaretur, Magister, cognito illius ingenio, dixerit: Bos iste mutus talem mox edet munitum, vt vox eius in admiratione sit abreptura vniuersum mundum. *Marul. lib. 4. cap. 6.* Estq; digni memoria, quod de Hermogene notatur. Cum enim vix dum ille pubescens, ingenij & memorię vni credibili valuisset, anno etatis 24. pene omnium, mēte lapsus, oblitus est. *Celius lib. 31. cap. 6.*

## QVÆSTIO XLII.

VTRVM SENIBVS, VEL ÆTATE  
pronectis discendum?

NON vtiq; anni primi sunt negligēdi, sed in bonarum artium studijs traducendi. Reperti tamen sunt plurimi quidā *Quæstis*, quā *Quæstis* esse maluerunt: etiam in ætate iam confirmata, aut senectute discere minime erubuerunt. Socrates ætate prouectus sub Canno Magistro fidibus tractandis operâ dare cepit: fatius esse duxit, eius artis vsum sero, quā nunquam percipere. *Val. Max. lib. 8. cap. 7.* Idem in Hippia minore apud Platonem, mirificum hoc se habere bonum affirmat, quod sine rubore ad discendū sese præparet, roget, sciscitetur, gratiam respondenti ingente habeat: neq; doctori vnquam ingratus extiterit: neq; apud auditores vnquam sibi vindicabit aliorum inuēta: sed docentē laudibus semper extulerit, illiq; quæ sua, tribuerit. M. Cato Censorius sero Græcis literis operam dedit. *Cic. de Senectute. Plutarch. in eius vita.* Plutarchus de se scribit, quod Romę in Italia, cu occasio non daretur exercendi sese in Romana lingua, propter publicas functiones, prouecta tã-

dem in etate latinæ literas attrigerit, in *vita Demosthe-  
nis*. Et Valla senex græcæ literas didicit. *Pontanus in  
lib. de principe*. M. Antoninus Imp. Sexrio philosopho  
vñs est familiariter, Sciscitâti vero cuidâ. quonâ aut  
cur pergeret, respondit: καλὸν δὲ γηρῶσκειν μα-  
θῶν, pulchrum etiam senescenti est discere. Sum-  
mus quoq; I Consultus Zasius trigesimo demum æ-  
tatis anno legibus ac iuri operam dare cœpit. *Fichar-  
dus in eius vita*.

## QVÆSTIO XLIII.

VTRVM MELIVS PRIVATIM,

an publice & in Scholis, Institutio  
adhibeatur?

*Rationes  
pro privata  
institutione*

**V**T controuersum de tēpore est, ita de loco dubi-  
tatur: & sunt, qui melius privatim, quam publice  
& in Scholis, institui iuventutem existimant, his po-  
tissimum rationibus adducti. Quia 1. pessimos induci-  
unt mores, qui in turba viuunt, & imitantur aliorū  
exempla. *Quint. l. li. 1. c. 2. 2* præceptor quisquis ille tē-  
dem fuerit, liberalius & melius vñ impendit, quam  
si illud in plures partiatur. *Idem ibidem 3.* dū ad Schō-  
las diuersas adolescentes mittitur, præceptores sæ-  
pe mutant & sic nocent studijs suis: quandoquid em  
non minus ingenia, quam plantæ & arbores cū sæpe  
transferuntur, aut vīna, vbi crebro in alia vasa fun-  
duntur, lædi solent. *Pegius de educ. liberorū l. 2. c. 2. 4.*  
Nemo melius naturā, mores & ingenia potest nosse  
liberorū, quā ipsi parentes: vtpote à quibus nati, e-  
ducati, enutriti sunt. Plus enim ponderis habent pa-  
rentum exēpla, quam multorum doctōrum monita  
& præcepta vtrāq; in partē: nullus quoq; amor in  
filios intentior, quam parentum: nulla maior diligē-  
tia & cura quam eorundem est. *Pegius libro 2. cap. 3. 5.*  
Quemadmodum bonum publicum sæpenumero ne-  
gligitur,

gligitur, ita & publica institutio. *Arist. 8. Polit. 1. & in hunc casus.* Quamobrem Dauid moriturus Salomone ipse instituit, *3. Reg. 2.* Augustus Cæsar filiam & nepotes informauit *Sueton. in Augusto.* Iulius Cæsar Augustū docuit. *Xiphilinus in Augusto.* Carolus Magnus filios suos erudire non est veritus. *Auenarius lib. 4.* Chaldaei, Aegyptij, à patribus philosophiam didicerunt priuatim, & facti sunt doctissimi. *Diodorus Siculus lib. 2.* & apud Aegyptios artem militarem filij non nisi à parentibus acceperunt. *Herodotus lib. 6.*

Quemadmodum vero rationes istæ pro institutione priuata esse plausibiles videntur: ita publicas institutiones non euerunt. Et quod est dictū de moribus, in Scholis publicis eos corrumpi: inuerti commodè potest, eo quod plures domi corrumpuntur, à dulatione famulorum, negligentia patrum, indulgentia matrum, oscitantia paedagogorum, cōuersatione cum improbus. Vnde nō prauiores in Scholis discuntur, sed in Scholas saepe adferuntur. *Quintil. Institut. lib. 1. cap. 2.* Et sunt publicæ multæ utilitates. 1. quia idem finis adolescentum est & totius ciuitatis, disciplina scilicet bona. 2. Liberi in Repub. sunt communes, quo ad vsum; quia ad ciuitatem nati. Itaque & horum institutio esse communis & publica debet. 3. Educationis forma excellentior & instatior est, quæ consistit in sapientia & consensu totius ciuitatis, quam quæ ab vnius alicuius iudicio penderet; ideoque crebro mutatur. 4. Etiam utilior est, quia bonum publicum spectat: priuata habet vsum & affectum priuatorum hominum; *Ar. Polit. lib. 1. cap. 1. 5.* Educatio mollior plurimum obest iuuentuti: quemadmodum & licentia deteriores omnes reddit: non autem tam est inter extraneos magna, atque intra domesticos parietes. *Regius de educat. lib. 2. c. 3.* Non etiam 6. parum obest parentum affectio, & amor nimius. *Quintil. lib. 1. c. 2.* Tum 7. in solitaria vita etiam errata ac crimina multa oriuntur; & semper

Rationes  
pro institu-  
tione publi-  
ca.



est anteponendum lumen tenebris, maxime ijs, qui in luce aliquando viuere cupiunt. *Sextus & Quintilianus eodem n loco* & paratur ita prudentia, cum & varij hominum mores noscuntur, notantur leges & instituta. Prodest quoq; 9. in Scholis publicis multis emulatio: commodant laudationes: emolumentum plurimum vituperationes adferunt. Præterea 10. & celebritate gaudent & excitantur erecta ingenia. vt & 11. auctoritas conciliatur, quæ maior publica quam priuata esse in institutione solet. Ita olim Medicis satis erat dicere, se Alexandriæ oꝝ eram studijs dedisse. Et amicitia 12. contrahitur firma & constans: vt que religiosa necessitudine imbuitur. Neq; quicquam sanctius est, quam iisdem artibus imbui: sacris initiari. Conferri etiam 13. publica institutio ad modestiam: vt interim priuatim instituti: quia cum nemine se comparant: solos sese sapere, alios tanquam umbras volitare arbitrantur. *Quintil. Instit. lib. 1. cap. 2.* Prodest 14. quoque eo nomine; vt, qualis sit doctrina, quæ traditur; appareat: nec adolescētes decipiantur. Quæ causa Imperatores mouit, vt ab ostentatione vulgari amoueri uiderent, qui magistrorū sibi nomina vsurpantes in cellulis collectos vnde cumq; discipulos circumferre consueuerunt. *Lib. 11. Cod. tit. 13. de studijs liberalibus vrbis Romæ & Constantinopolitana.* Impulit veteres homines sapientissimos, vt institutionem quidem priuatam non negligerent: sed post adiungerent publicam. Franci olim sub quercu discipulos suos docere sunt soliti. Persæ in foro libero liberos informari curarunt. *Xenophon l. 1. c. 1. Pad. Cyri.* Lycurgus publice informationem voluit fieri: ut mores assuefecit ciues suos, vt nec vellent, nec scirent priuatim viuere: sed apud more ad Reipub. sent p. reserent conglobolati. *Plutarchus in vita Lycurgi: Xenophon. in Repub. Sparian. Ar. si. Pol. l. 2. cap. 1.* Constituerunt quoq; passim Academiæ & privilegijs atque immunitatibus donarunt Impp. in Germania Vienneſem



nensem, anno 1237. Heidelbergensem, 1346. Coloniensem, 1288. Erfordiensem, 1392. Lipsensem, 1458. Rostochinam, 1419. Louaniensem, 1459. Basilœensem, 1460. Gripualdensensem, 1460. Tubingensem, 1477. Moguntinensem, 1482. Wittebergensem, 1526. Francofurtanâ ad viadrum. 1506. Marpurgensem, 2. Regiomontanam, 1544. Ienensem, 1548. Argentinensem, 1563. Altorphiānam, 1574. Helmſtadianam, 1576.

## QVÆSTIO XLIV.

VTRVM CVM ALIIS, TVM VERO  
maxime studioſis proſit peregrinatio?

CONIUNCTA cū ſuperiori proxima hæc quæſtio eſt, *Contra peregrinationes.*  
& vtramq; in partē tractari agitariq; ſolet, Sunt, qui inſtitutum hoc improbant: prodeſſe negant peregrinationes tum alijs, tū maxime ijs, qui literis ſeſe dedunt: idq; his argumentis: quod 1. multa multitudine peregrinantur, accidere ſolent. *Euripid. in Iphigenia.* Eaſque de cauſa indicatur.

*Felix, qui patriſ deum tranſegit in agrie,  
Ipsa domus puerum, quem vidit ipſa ſenem.*

*Qui baculo nitens, in qua reptauit arena,  
Puius numeras ſecula longa caſa.*

2. Nulla ars loco diſcitur, eo quod notitiam dat gentium: nouas fontium formas oſtendit: alicui⁹ fluminis ſub obſeruatione naturam offert: cæterum, neq; meliorem facit, neq; ſaniorē. Inter ſtudia verſandum eſt, & ſapientię authores: vt quaſita diſcamus: nondum inuenta quæramus. *Seneca in Epist. lib. 18. Epist. 105.* Et magis intereſt, quiſ veneris, quam quo veneris. *Idem lib. 3. Epist. 28. 3.* Multi cœlum, non animum mutant, qui trans mare currunt. Strenua, inquit illē, exercet inertia: nauibus atque quadrigis cupim⁹ bene viuere: quod petis, hic eſt. *Horat. lib. 1. Epist. ad*

*Fullacium.* 4. In peregrinationibus vitam agentibus, istud euenire solet, ut multa hospitia, nullas amicitias habeant. *Senec. lib. 1. Epist. 2.* Auferunt 5. tria incommoda secum peregrinationes in Respublicas: morū corruptionē, legum mutationem, ciuium dissensionem *Arist. lib. Polu. 7. c. 6. & in hunc casus.* Confirmare hoc exempli roborem videtur, cui peregrinatio in Aegypto nocuit: fecit, ut tyrannus fieret, & idolorū cultum introduceret. *2. Reg. c. 12.* Hac quoque de causa 6. Plato non vult peregrinarios, qui pauciores, quā quadraginta annos habent. *lib. 12. de legibus. 7.* Rerum publicarum qui iam moderatores alienas & peregrinas linguas admittere noluerunt, quod meruerent: ne, si idiomata externa addiscerentur, occasio daretur cum moribus illorum communicandi. *Ciculus lib. 32. antiquorum sectionum, c. 17.* noua oratio videretur indicia noua, nouas quoque affectiones adducere. *Plutarch. in Lycurgo.* Verū quoque non raro deprehenditur id, quod dici solet: Cui peregrinatio dulcis, amara patria est: cui dulcis patria, amara peregrinatio: quibus nihil boni est domi, iucunda peregrinatio. *Plutarchus in praeceptis Polit.*

Pro peregrinatione rationes.

Verum hę rationes ut omnes esse præclare videntur, obijci quoque interdū solent, ut vtilēs, laudabiles, tempestiuę peregrinationes impediatur: ita sunt in contrariam sententiā illę tenendę quę peregrinationes probāt Cuiusmodi primo est Humanitas erga peregrinos & extēros. Quę admodū enim *μαυροτεγες*, apud matereulas semper hærentes, sunt inhumani & morosi: ita qui peregrinati sunt aliquādo, quia non ignari mali, miseris succurrere didicerunt: & da recordantur suorum malorum, ipsi alijs laborantibus succurrunt. *Arist. lib. 2. Rhet. de misericordia.*

Deinde, Emendatio & correctio vitiosorū morū. Alienis enim moribus & institutis perspectis meliores reddantur homines, ut Anacharsis Scythia. *Herod.*

lib. 4. &c

*N.* 4. & qui peregrinatur, alijs sese accommodare coguntur, & cauere, ne quorum opera indigent, eos offendant, vt Alcibiadi & Temistoceli accidit. *Plutarchus in horum vitis.* Moderatio ibi discitur & humanitas & frugalitas: quia in peregrinatione saepe offa & torus herbaeque famis ac laboris mediculae sunt. *Seneca in Serm. 38.*

Tertio, Experientia paratur & vsus rerum. Secundum enim proverbium: Tuta est nauigatio, quae ex aliorum periculis discitur, Et quemadmodum corallium, quo primum contigit auras tempore, durescit, mollis fuit herba sub vndas. *Ouid. 15. Metamorph.* ita qui domum mollior, delicate, sine fracta vixerit, melius conformant iudicium: ad quauis subeunda apti redduntur.

Quarto, etiã ad leges ferendas, capeſſendam Rempublicam prodest multarum nationũ leges & instituta cognoscere: videre quænam Reipublice forma, quibus hominibus conueniat: quæ sint cõsilia, consuetudines, ingenia, mores hominum, *Aristot. Rhet. 1. 4. 4. Polit. 7. cap. 6. Plato 11. de legibus.*

Quinto, peregrinatio quoddam speculum est hominum in hac vita: quæ nihil est aliud, quàm mera peregrinatio. *Genes. cap. 47. 1. Paral. p. 29. 1. Corinth. 5. Philip. 3. 1. Pet. 2. Plus in Aſiacho.* Et quemadmodum is, qui nauigat stat, sedet, iacet, vadit: quia impulsu nauis ducitur: ita siue vigilemus, siue dormiamus, siue loquamur, siue taceamus, quotidie ad finem tendimus. *August. de doctrina Christiana lib. 1. cap. 1.*

Sexto, Cum nihil sit in intellectu secundum Aristotelem, quod non prius in sensu extiterit: inter sensus vero principem locum vsus teneat: peregrinationes hanc ad rem plurimum profunt.

Septimo, delectant etiã magis quæ videntur, quàm quæ audiuntur, iuxta illud Poëte:

*Segnius irritant animos demissa per aures,  
Quam quæ sunt oculis comissa fidelibus.*

Iucunda sunt & grata, quæ propter sensum sunt aut præsentia, aut propter recordationem præterita: aut propter spem futura: quæ omnia in peregrinationibus sunt: vt & varietas & commutatio quædam *Aristot. 1 Rhet. de rebus iucundis. cap. 8.*

Octauo, etiam certiora sunt, quæ videntur, quam quæ audiuntur: quia non ex aliorum fide & auctoritate, sed inspectione propria pendent. *2. v. v. in Metho. Apudemica.*

Maxima vero vtilitas peregrinationū in eruditione & doctrina paranda percipitur: quia breui tempore acquiritur, quod difficulter alij legendo allequitur. Est cōuersatio cum doctis ac sapientibus vtilis cum primis & iucunda. Nulla enim res est, quæ magis animos honestos imbuat: dubios & in prauam incli- nantes ad rectam reuocat viam, quam bonorum & doctorum cōuersatio. Paulatim enim descendit in pectora & vim præcepti obtrinet, frequenter audiri & aspicere: occursum quoque sapientum iuuat: & est ali- quid, quod ex magno viro vel tacente proficias: nec deprehenditur, quemadmodum & quomodo tibi pro- fit profuisse deprehenditur. *Seneca lib. 14. Epist. 95.*

*Exempla  
virorum  
magnorum,  
qui pere-  
grinationi-  
bus operam  
dederunt.*

Itaque decimo qui fuerint magni & docti, peregrinationibus operam dederunt. Plato in Italiam ad Pythagoræos, in Ægyptum ad sacerdotes, ad alios est profectus. *Diog. Laër. lib. 3. in vita Platonis.* Xenocrates, Crantæus, Possidonius, innumerales alij, perpetuo sunt peregrinati. *Cic. 5. Tuscul.* Alexander Magnus maximam terrarum partem peragravit, vt ea perdisceret, quæ ad optimam regis disciplinam pertinerent. *Diog. Laër. lib. 2. in Archelao & 14. in Lycurgus, in Græciam & Ægyptum profectus, mira didicit.* *Sirabo lib. 10.* Eo quoque sese Solon contulit. *Plutarchus in Solon.* Pythagoras ad leges & literas cognoscendas cum Persarum Magis vixit: inde Spar- tam contendit. *Alexander ab Alexandro lib. 1. cap. 36.*

Privilegijs vndecimo & amore singulari sunt di-  
gnum.



gni iudicati, qui vel studiorum, vel morum gratia peregrinantur. Nec immerito: quia amore tales scientiæ exulant, semetipsos exinanunt, vitam suam periculis exponunt. *Lib. 4. Cod. tit. 13.* Et plato erga peregrinos eiusmodi humanitatem & comitatem exercere iubet. *l. 6. 12. de Legibus.* Addit quoque rationem pulcherrimam alibi: quod peregrini amicis & cognatis sint orbari: ideoque DEVM habeant vltorem, si qua iniuria afficiantur. *Lib. 1. de Legibus.*

Et facile impedimenta & incommoda, contra peregrinationes allata, remoueri possunt: si illæ recte instituantur, considerentur diligenter ea, quæ ante peregrinationes, in ipsis peregrinationibus, & tandem post hæc obseruanda sunt. Ante peregrinationes: vt precibus primum à DEO impetretur, vt honestas & felices non turpes & infelices, turgendi, tum patiendi occasiones largiatur. 2. Spectetur finis, eur peregrinationes suscipiendæ: & quia nemo de seipso recte iudicare potest, ppter Philætiar, consulantur alij, qui iisdem aliquando in locis sunt peregrinati. 3. Habeatur ratio ætatis propter iudicium, quo inter bonum & malum, honestum & turpe distinguatur. 4. Non negligatur lectio Historiarum, maxime illarum regionum, quas lustrare cupimus: adhibeantur quoque tabulæ Geographica: fumantur in manus itineraria. 5. Comparentur equi, & alia laboriosa magis quam sumptuosa: cogitentur de comitibus, qui linguæ sunt & morum periti, eundem quoque nobiscum propositum finem habent.

In ipsa peregrinatione danda deinde opera est; vt non solum corpore peregrinemur: verum etiam animo obseruemus, quæ obseruatu digna: audiantur incolæ & inhabitatores: conferatur sermo cū doctis & prudentibus: spectentur loca publica: Tempia, Scholæ, Theatra, Curia, Armamentaria, Bibliotheca: Sine

Studiosi  
peregrini  
humanita  
te ac beneuolentia ad  
gri.

Refectio  
nes eorum  
quæ contra  
peregrina  
tiones al  
lata.  
Ante pere  
grinationes  
quæ ob  
seruanda

In ipsa per  
egri  
tione  
respe  
ctanda

peregrinatores fortes & tēperantes, vt non metuant pericula, non fugiant labores, nō à li' vidinibus vincisse patiātur. Sint prudentes, vt parce loquantur, cōsilia sua celēt, paucis fidant, sint muti, & in aliena domo nō cuncta intempestiue & curiose inquirāt: cauti etiā in expendenda & occultenda pecunia: dent operā, vt Bibliothecæ moles parua, vsus fruct' magn' sit. Maxime vero in Ecclesijs, Scholis & Rebus publicis notent leges, instituta, mores: non etiā illa negligāt, quæ ad Oeconomix administrationem faciunt.

Po7 peregrinationibus tandē peractis cū laude reuertentur domū, qui quatuor illa obseruauerint. Primū nō mutauerint mores patrios: memores illi' Aristophanis in *Plu. α. ῥεῖσις ἐμ' ἡμετέροις*, regiōis morib', viuendū. Deinde in colloquijs, familiarib' maxime & priuatis, cū licuerit, vernacula lingua fuerint vsi: nō peregrinā nosse solā voluerint. Ita de Turcicis Imperatorib' scribitur, si quid sanctæ ac religiose promittunt, lingua Turcica eos vt: si fallere volunt, nec promissis stare, alienā lingua cum Oratoribus agere. *Bembus l. 4. Historia Veneta.* Tum peregrinis etiā vsi vestibus qui fuerint, eas mutēt, siquidem retentæ in patria risum illæ sæpe & *συγ' πέρτοι* concitant, reprehendendi materiā præbent. Vnde & prouerbia: Scenę seruire, vt foro, *ὑμῶν ἡ χώρα*, legi & regiōi, accommodare sese iubent. Et memorabilis Hystoria est de Andronico Iuniore: cuius in aula Constantinopolitana talis fuit vestitus. vt nō Græcorum amplitus, sed Latinorū, Syrorū, & aliorū esse videretur. Vnde prudentiores sunt ominati, mutationē magnam aut interitum Imperij instare. Neque eos opinio fefellit, *Gregoras lib. 2.* Postremo declinauerint quoq; *ἀλαζονείαν*, ostentationem & iactantiam in expositione earum, quæ alibi visa aut audita fuerunt, Sæpe enim, qui eiusmodi narrationib' volunt videri cymbala mundi, mundi tympana fiunt & ridētur: obijciunt illis

critum

tritum prouerbum: Hic Rhodus, hic salus. *Plato 12. de Legibus. Cic. 1. offic. Heres bael. de Inst. vici. omē principis, cap. 24. Zwingerus in Mithodo Apodem.*

## QVÆSTIO XLV.

QVINAM PVERIS PRÆCEPTO-  
res ac Pedagogi præficiendi?

PRima liberorum institutione atque educatione cura de Præceptoribus ac Pedagogis suscipienda est, quid hic peccetur: ne mancipij: aut barbaris, aut *παλιμῶλοις*, veterioribus & in cōstātibus, vinosis, *οἰνολήπτοις*, quæ habēt *κεμῆλια* preciosissima, liberos suos credāt pārentes ac cōmittant, aut imprudentia & inscitia quadam, aut nō nūquam etiam scientes, monentibus alijs, qui negotium nō intelligunt: interdum victi ostentationibus blandientiū: non raro alijs petentibus, amicis gratificari quia cupiūt: aut auaritia quadam, ne maiorem mercedem soluere cogantur, vilem inscitiam, *ἑλῶνον ἀμαθίαν*, sectantes labantur. *Plutarchus de liberorum Educatione.*

Boni vero præceptoris ac pedagogi notæ sunt aliquor: I. Pietas, quæ si desideratur, cætera cuncta male sese habēt: siquidem & eruditionis & sapientiæ optimis fons ac fundamentum Timor DOMINI est.

II. Vitæ innocentia, morum sanctimonia & integritas. Nec habeat ipse vitia, nec ferat: vita verbis respōdeat: de virtute, vt loquitur præclare, ita ex eadē præclare viuat: non necesse habeat illud vsurpare: Doctrinam accipite, mores relinquitte. *Plato in Lachrese. Plutarchus de liberorum Educatione. Quintil. lib. Instit. 2. cap. 1* vt & teneriores animos ab iniuria sanctitas docentis custodiat, & ferociores à licentia grauitas deterreat. *Idem ibidem.* Quod si quis in eligendō filij præceptore flagitia manifesta nō vitetiam hinc sciat, cætera quoq; quæ ad vilitatē iuuentutis componere cona-

Notæ ac  
conditiones  
boni præceptoris.

conamur, esse sibi hac parte omiſſa, ſuperuacua. *Idem lib. 1. cap. 2.*

III. Amor. Vt ſumat ante omnia parentis erga diſcipulos ſuos animum, ac ſuccedere ſeſe in eorum locum exiſtimet, à quibus ſibi liberi traduntur. *Idem lib. 2. cap. 1.*

IV. Doctrina, ſed ſolida, non ventoſa, aut circumforanea: ſint pædagogi, aut eruditi plane, aut ſe non eſſe eruditos, ſciant. Nihil enim peius eſt iſi, qui paulum aliquid vltra primas literas progreſſi, falſum ſibi ſcientiæ perſuaſionem induerunt. Et tales qui ſunt, cedere præcipiendi peritis indignantur, ac velut iure quodam poteſtatis, quo ſere hoc hominum genus laborat, imperioſi, atq; interim ſæuientes ſt. Iterum ſuam perdocent: nec minus error eorum moribus necet. *Quint. lib. 1. cap. 2.*

V. Εμπειρία, vſus & experientia rerum, nō tantum doctrina qualiſcunque in Scholis comparata: vt & noſſe & tractare ingenia queat: ſeriat, quæ quibus ſtudia conueniant. Sunt quidā, niſi inſtiteris, remiſſi: quidam imperia indignantur: quōſdam continet metus, quōſdā debilitat: alios continuatio extundit: in alijs plus impet⁹ facit. Optādus is vt detur puer, quē laus excitet, quem gloria iuuat, qui victus ſceat. Hic erit alend⁹ ambitu, hunc mordebit obiurgatio, hunc honor excitabit, in hoc locum deſidia nunquā habebit. *Plutarch. de liberorum Educatione. Quint. Iuaniſt. lib. 1. Inſtit. cap. 4.* Maxime vero teneris non eſt protinus acerbè inſtandum, plenaque opera exigenda: id imprimis cauendum, ne ſtudia, quā mare nondum poteſt, oderit, & amaritudinē ſemel percēptā etiam vltra rudes annos reformidet. Luſus hic ſit, & rogetur & laudetur. Aliquādo ipſo nolente, doceatur al⁹, cui inuideat: contendat interini, & ſapius vincere ſe putet: præmijs etiā, quæ capit illa ætas, euocetur. *Quint. Inſtit. lib. 1. cap. 2.* Hanc Εμπειρίαν, experientiā, habuit



huit Isocrates: qui, cum duobus dissimilibus discipulis, Theopompo & Ephoro, esset præpositus: alterum frenis, alterum calcaribus opus habere dixit. Linus contra hæc ipsa in instituendo Hercule destitutus fuit. Cum enim Hercules fidibus caneret rustice, id eoq; à præceptore à terbe admodum obiurgaretur, impatiens reprehensionis, eum plectro percussu interemit. Pessimè quidē Hercules egit: at imprudenter Linus præceptor interim: cum quædam ingenia minis, quædam verbis blandis institui velint. *Ælian. lib. 3. variacum Historiarum.* Eadem lapsus imprudenti: MAXIMI LIANI. I. præceptor est Petrus nomine: qui, cum sophismata illi inculcare vellet, ad quæ capessenda aptus non erat: verberibus tandem effecit, vt literas magis ille odio haberet, quàm diligeret. Itaq; Romanorū post Rex factus, dixisse fertur: Si hodie Præceptor meus Petrus viueret: (quanquam multa præceptoribus debeamus) efficerem, vt imperitæ institutionis illum præteriret. *Justinianus in Imp.*

VI. Fides & diligentia. Venon obiter & perfunctorie doceat: sed, adhibita sedulitate, examinet discipulos, eorū profectum exploret, ostendat & corrigat peccata. Laudat Molonem præceptorem suū Cicerō hoc nomine: quod in notandis animaduertendisq; vitijs. & instituendo docendoq; fuerit prudentissimus: operam dederit, vt nimis redundantem se & superfluentem inueni quædam impunitate & licentia reprimere, & quasi extra ripas disfluentem coerceret. *In Bruto.* Notatur contra ab Historicis Leonidas, Alexandri Magni Præceptor, cuius negligentia remulentus ille euasit; cum adulari magis quam instituere ille regem videretur. *Plutarch. in vita Alexandri.* Nec vlt; adeo bene apud omnes Seneca audi: quod, cum instituere Neroni, aliud omnino scriberet, aliud sequeretur: tyrannos lacerans Tyrāno didascalum sese prætare. *Dion. Sueronius, Cæsar. lib. 8. cap. 15. Antiquarum lect.*

oatione liberorum. 3. Deforme quid hoc, & certe quod conuenit, si ætate mutes, cum injuria. 4. Si cui mens tam est illiberalis, vt obligatio non corrigatur, is etiam ad plagas, vt pessima quæq; mancipia, durabitur. 5. Ne opus quidem hac castigatioe erit, si assiduitus studiorum exactor astiterit, Fere negligentia Pædagogorum sic nunc emendari videntur: vt pueri non facere, quæ recta sunt, cogantur, sed cum non fecerint, puniantur. 6. Cum vero paruulanti quis verberibus coegerit, quid iuueni faciet: cum nec adhiberi sic metus potest, & maiora discenda sunt? Itaq; quod si minor in eligendis custodum ac præceptorum moribus cura fuerit, ipsi præceptores in probis multa credendi iure abutuntur. Alijs quoque quasi occasione det hic miserorum metus. Et 8. in ætatem infirmam, æciniur: & obnoxiam nemini iunium licere debet. *Quintil. 4. b. 1. Insti. 1. cap. 4.* Vnde non male Orbilius, asper in cecedendo & reprehendendo, notatus fuit à Suetonio de *Gramm. c. 11. Insti. 1. bus. cap. 8.* & ab Horatio plagosus in *I. psolis* appellatur.

Esse contra cadendos, ac castigandos pueros Sacre nos literæ docet: quæ educare nos liberos in disciplina & correctione DOMINI iubent. *Ephes. 6. cap.* Inflextere illorum ceruices mandant, dum adhuc sint in adolescentia. *Syracid. 30.* Affirmant, virgam ac correctionem sapientiâ tribuere. *Proverb. 29.* Indicant, eos qui filios suos vere diligunt, hos sub ferula tenere: vt postea gaudium ex ijs habeant. *Syracid. 30.* Ostendunt illos, qui in disciplina liberos suos coercent, lætari, neque pude fieri apud nos ac amicos suos. *Ibid.* Animam quoque ab inferno liberare. *Proverb. 23.* Rursus testantur, eos parentes, qui dolent vibices filiorum, & perterrentur, quoties illachrymantur. *Syracid. 30.* parcunt virge, ocisse filios. *Proverb. 13.* Facere, vt ferociant, sicut equi indomiti. *Syracid. 30.*

Quod expertus Eli est sacerdos DOMINI. *1. Reg. 2.* qui Adonia filium impente ac nimis amauit, neq; corripuit.

Procasti-  
gatione.

ripuit: ne quidem interrogauit vnquā, cur hoc faceret. 3. *Regum* 1. Contristatus post, & de hoc & alijs liberis, quibus indulserat. *Ibidem*. Augustus Cæsar, qui filias Carcinomata palam appellare consuevit: cumque ferre eas amplius non posset, in Pădarĕiam Insulam relegauit. *Sueton.* Vt enim vestes raro quæ induuntur, probe à tineis eroduntur: ita pueri quoque, qui nimis indulgenter tractantur, sæpenumero & animi & corporis viribus corrumpuntur. Idē his, quod Simiarum catulis, acciderē solet, qui nimio complexu a suis necantur. *Plinius*.

Iraq; hac in re & moderatio, & ratio adhibēda est: vt neq; in excessu peccetur ex iracundia, aut alia aliqua animi commotione: neq; leniter ac indulgenter agatur: vt in cæteris, ita hic quoq; medium teneatur: ingenia quæ quibus sint tractanda modis, considerentur. Quemadmodum & S. Literæ corrigere quidem nos filios nostros, sed ad interfectionem animam illorum ponere nolunt. Et Apostolus verat ad iracundiam prouocare eos, ne animo pusillo fiant. *Ephes.* 6. Et vt Medicus medicamēta amara succis dulcibus dū temperant, simul & delectant & profunt: ita acerbitates reprehensionum ac plagarum mansuetudine sunt tēperandæ: cogitandum, etiam nos aliquando pueros ac iuuenes extitisse. *Plut. in Educat. liberorum.*

## QVÆSTIO XLVII.

### IN QVIBVS NAM POTISSIMUM puerorum institutio adhibenda?

**A**Gesilaum ferunt interrogatum, quænam potissimum discenda essent adolescentibus? respondisse, quibus aliquando vsuri essent facti viri. *Plut. in Læconicis*. Erīt ergo informatio & Institutio adhibēda 1. in religione & pietate, 2. linguis, 3. artibus ac disciplinis honestis, 4. probatis moribus, 5. exercitationi-

tatiōibus atq; recreationibus corporis: sed ita vt vitus ratio, & ad sanitatē pertinentia nō negligentur.

Et quidem de Religione recte prius agitur: quia hæc prima esse debet in Institutione. Mandat siquidem DEVS parentibus, vt non solum ipsi audiant sermones suos, verum etiam doceant filios ac nepotes. *Deuter. 4.* Phylacteria vestibus alluere idem voluit Israëlitas, ne lex diuina ex illorum memoria efflueret: esset quasi signum in manū illorum, & monumentum ante oculos. *Exod. 33.* Sequi DEO iubentur. *Deut. 6.* sectari pietatem. *1. Timoth. 6.* regnum DEI ante omnia; & iustitiam eius. *Matth. 6.* Est deinde magnus quaestus. *2. ad Timoth. 6.* Parit gratiam cum DEI tum hominum. *Proverb. 3.* Adfert præterea secunda & fausta cuncta: quandoquidem omnia bona sequentibus Deos, spernentibus aduersa accidunt. *Lis lib. 5. Decad. 1.* Et finis vitæ nostræ is primarius est, & meta, ad quam collimandum, DEI cultus & honos *Plato de Legibus. 4.* Reipub. fundamentum: ac propugnaculum Religio. *Idem 4. de Repub.* Omnium virtutum fons, *Cic. 2. de Legibus, & pro Plancio.* Neq; sine DEO mens esse bona vlla potest. *Senec in Epist. Epist. 41.*

Ac si nihil esset aliud, vel iudicium saltem de Religione necessarium est cum alijs, tum politicis futuris: ne illud obijci Euripidis possit: Cum eloquens minime esse, legationes obibas, & ratiocinandi imperitus, quæstorem agebas, *Plut. in præceptis Reipub. gerenda.* Et hæc causa Romanos mouit, vt Optimatum filios ad Hetrurios mitterent: vt auguralem scientiam discerent, post Rempub. capefferent. *Val. Max. lib. 1. cap. 1.* Impulit Gallos, vt filios suos, opera Druidarum vellent primo religionem, post politiam discere. *Cæsar in Commentarijs belli Gallic. lib. 6.* Sed & Pythagoram, Platonem, alios legimus, siquid essent assecuti de diuinis rebus, illud cum paucis & quidem amicissimis communicasse. *Ludovicus Vives de veritate fidei, lib. 2.*

*Religionis  
in institutione,  
ante  
omnia cura  
habenda.*

Contra stu-  
dium lin-  
guarum.

POST Religionem, Linguarum nō inutiliter studiū sequitur: etsi contra hoc quædam adferri possint. Primum enim sunt, qui linguas errorum & hæresium seminarium appellant. *Ludovicus Vives libro 2. de causis corruptarum artium.* Linguarum deinde prohibitus usus cum extraneis fuit non solum à Gallis, verum etiā alijs propter metum factionis, proditiōis, doliac fraudis. Vnde Carthaginienses, proditū aliquādo Dionysio, Senatusconsulto cauērunt, ne Cārthiginensium quisquam operam literis Græcis daret. *Calvus Rhodiginus, lib. 22. Antiquarum lēctionum cap. 17. Suetonius in vita Tiberij.* Tum etiam quando addiscuntur peregrina idiomata, peregrini simul mores addiscuntur: externa præterea & varia oriuntur iudicia de rebus & consilia ab instituta ratiōe Reip. aliena. *Plus. in vita Lycurgi.* Præterea nec æquum hoc esse videtur: ut linguam, in qua nati sumus, contēnamus: ornem⁹ & discamus alienam. *Plus. in Cione.* Sed ad patriæ decus & gloriam facit, vernaculam linguam propagare, eademque peregrinis respondere: quemadmodum Romani hoc fecerunt & Itali, Hetruscā suā linguā excolentes. *Val. Max. lib. 2. cap. 2. Dio. Cassius lib. 60. Suetonius in Tiberio. Aueniūnus Annalium Romanorum libro 4. Polydorus Virgilius rerum Antiquarum lib. 19.* Ideoque non male Marius ridiculum esse putauit literas Græcas addiscere, quarum præceptores alijs seruirent. *Plus. in Marij vita.* Neq; denique illud parui faciendum, quod ad studia pertinet bonarum artium & facultatum: quæ retardari videntur; dum linguæ addiscuntur. Atque inde quoque fieri videtur, ut antiquis illis hominibus doctissimis similes pauci aut nulli hodie reperiantur: cum linguæ penę innumerabiles, nec sine magno addisci labore queant. *Cic. 6. Tusc.*

Sed



Sed nō impedire rationes illæ linguarū studiū, ac *Prolin-*  
*πολυγλωττικα* debent. Primo nouimus, maxime po- *guarum*  
 liticos futuros linguas varias sēper didicisse: Roma- *studio.*  
 norum filij ad Rempub. aliquando accessuri, primo  
 Hetruscā linguam, post Græcā cognoscebāt. *Dio-*  
*nysius Halic. lib. 4.* Mithridates duas & viginti linguas  
 tenuit eorum populorum, quibus imperauit. *Valer.*  
*Max. lib. 8. cap. 3.* Peritissimus linguæ Græcæ extitit  
 Augustus. *Suetonius in Augusto.* Carolus Magnus le-  
 gatos Græcos ipse audiuit, & his Græce respondit. *Ba-*  
*sinus.* Otho II. Imperator à Saracenis & Græcis ca-  
 ptus, cum Græce loqueretur, pro Græco habitus eua-  
 sit. *Auentinus lib. 5. Epiorum Annatum.* Aurea quoque  
 Bulla, per Carolum IV. Imperatorem facta, iubet E-  
 lectorū filios & successores discere Græcā, Latinā,  
 Illyricam linguam: quo cum multis gentibus sermo-  
 nem communicare possit. *Ste. datus lib. 1.* Est secundo  
 donum linguarum insignie, & Spiritus Sancti donū:  
 ideoque neutiquam contemnendum. *Actor. 2.* Homo

tertio natura est animal *πελιτιον*, communioni na-  
 tum: huic vero utrique sine linguarum commodare  
 cognitione nequit. *Arist. Politica.* Ut nihil (quarto) de  
 Religione illustranda & amplificanda, artibus & sa-  
 cultatibus dicamus, quæ carere linguis non possunt:  
 quemadmodum neq; communicationes institui di-  
 sciplinarum, si linguarum vñs tollatur. Etsi enim  
 (quinto) vernacula lingua scribātur artes multæ: ta-  
 men, si quæstiones ineidant & cōtrouersæ graues in  
 verbis: nō nisi ad ipsos fontes & auctores bonos cōsu-  
 giendū est. *Corrad. de Latin. lingua.* Nō (sexto) sine cau-  
 sa omnes omniū gētiū docti homines maluerūt Græ-  
 ce aut Latine, quā lingua vernacula uti in scribendo.

De tarditate vero leptimo quod dicitur, facile re-  
 futatur cōpensatione rei diuturnitatis. Quēadmo-  
 dum enim plantæ, quæ celerissime surgunt, celerissime  
 quoque pereunt: ita quoque, quæ vento quasi nascuntur,

tur doctrinæ & scientiæ, esse diuturnæ nequeunt. *Amasæus de Lavina lingua*. Accidit huc & necessitas, quæ nos cogit, ut auribus aliorum sermone accepto satisfaciamus, quemadmodum Themistocles apud Persas, Persicam linguam est discere coactus. *Thucyd. lib. 1.* Et verum est Ciceronis illud: Surdisumus omnes in linguis, quas non intelligimus. *Tuscul. 5.* Quin etiam gratiam & benevolentiam parit haud exiguum linguarum cognitio: quia magis afficiuntur homines eo sermone, qui sensibus illorum congenitus est; ut & auctoritatem, si quis intelligere & alloqui varios populos sua in lingua possit. Nec etiam decipiuntur ab interpretibus legati; aut turpiter pendere ab ipsis coguntur: maxime cum continuandus est sermo, aut mutandus ob circumstantias, aut responsum dandum ex tempore. Quemadmodum ad manus quoque non semper interpretes se se offerunt. *Gentilis de Legationibus, lib. 3. cap. 7.*

## QVÆSTIO XLIX.

## VTRVM IN ARTIBVS AC DISCIPLINIS STUDIJ QUID OPERAQUE PONENTUM?

Contra  
arios.

QVemadmodum religio necessaria est, utilis multarum linguarum cognitio: ita oportet quoque bonis artibus & disciplinis mentem imbueri: ut oratio nostra non verbis modo compta & elegans, sed etiam sententijs prudens sit & gravis. Sunt utique, qui improbat in politico maxime futuro artes, quodque docti sapientiores esse legibus volunt, innovare multa conantur, suas tantum exillimant opiniones & sententias valere debere. *Thucyd. 3.* Etiam inepti sunt ad civiles functiones: idem his accidit quod noctuis, quæ media in lucem caligare incipiunt. *Bodinus in Methodo Historic, cap. 4.* Et sic Socrates derisus fuit, cum tribus suæ suffragia numerare non potuit. *Plato in Gorga & Clau-*

Claudi? Imperator, Michaël Parapinacius, Imperatores alij docti, ac interim inepti ad gubernacula fuerunt. *Cuspinianus & Ioannes Magnus lib. 10.* Quin & improbi ac mali extiterunt: plurimi docti etiam tyranni sunt facti; Critias, Pythagoras, Calippus, Tiberius & alij. *Athenæus lib. 11. c. 76.* Aut postremo sibiipsis parū consuluerunt, ægri aut pauperes facti. Vnde illud: Odi sapientē, sibiipsi qui non sapit. Exempla in promptu sunt Socratis, Diogenis, Massurij, Sabini, multorum aliorum. *Tærtius in vita philosophorum, l. 6.*

Verum peruersa illa iudicia, ut & defectus fortitæ bonorum, aut abusus scientiarum ipsas comprobare ac damnare sciētias neutiquā debent. Romani neminem melius, quam literatum, imperare alijs statuerunt, cum Imperator quæreretur. *Popiscus in Tacito.* Docti fuerunt Alexander M. Carolus M. Constantinus M. Augustus. *Plut. Sueton. Cuspin. Sabellius.* Nec immerito: quod primum, qui operibus, familia, rebus alijs excellūt, interim sunt indocti, statui sunt similes; quæ foris præ se ferunt honestam speciem; intus plumbo, bitumine, aranearum telis plenæ sunt. *Plutarch. ad principem indoctum.* Deinde ad vitam, cum sustentandam, tū instituendam recte, literæ plurimum profunt. *Plut. in Coriolano.* Tum ad res bene gerendas doctrina valet. *Arist. 7. Polit. cap. 5.* Habet pondus in præscribendis alijs officijs. *Plut. ad principem indoctum.* Præterea verā & immortalem gloriam parit. *Plut. de Repub.* Facit, ut non solum amentur, verum etiā metuantur docti: quia nihil est acutius calamo; rerum perito *Lamprid. in Alexandro Seuerō.* Quemadmodum contra nihil turpius est, quam ab aliorum iudicio pendere: & quid dicendum & statuendum sit, petere. *Iustinianus de iudicibus constituendis, Constit. 82.* Quin & non consulere alios, aut bene consulentib. obtemperare, aut de his iudicare possunt, qui indocti & illiterati sunt. *Philipp. Comm. lib. 33.* Verum de his latius alia in questione actum.

Pro arsi-  
bus.



## QVÆSTIO L.

VTRVM MORVM CONFORMA-  
tionis in institutione ratio habenda?Contra mo-  
res.

Sunt, hoc qui negant, his potissimum rationibus ad-  
ducti. Quod 1. multi sunt reperi docti, qui aut ma-  
lis aut ineptis præditi moribus fuerunt: ut Diogenes,  
& eius farina alij: quidam propter studium doctrinæ  
neglexerunt mores. 2. Antiquitatis studium & sim-  
plicitatem præ se quandam ferre alij conantur, dum  
morum ciuitatem & decorum negligunt in vestitu,  
sermone, victu, alijs: quemadmodum Caronior præ-  
tor sæpe solitus fuit sine calceis & tunica pro tribu-  
naliis dicere. *Plut. in eius vit.* 3. Etiam illud constat,  
magnis ingenijs plerumq; magna vitia inesse: quæ ad-  
modum soli feracitas conijcitur, si herbis syluestribus  
multoq; limo refertum illud fuerit. *Plut. in Demet.* Tam  
ciuitatum, quàm singulorum hominum, certi sunt mo-  
res. Sunt gentes aliæ iracundæ, aliæ audaces, aliæ timi-  
dæ, aliæ ad Vinum aut Venerem promiores vel ex  
cœli constitutione, vel temperamētis corporum, vel  
rerum occasione, quæ ibi nascuntur, vel conuersa-  
tione & conuictu cum alijs. Ita Lacedæmonij cūcta-  
tores sunt haberi, Athenienses supra vires audaces,  
Asiat. ingenia inania, Alemānorū ieiunia rara. Quæ  
inmutare ac deponere admodum difficile est. *Linus  
Decad. lib. 5. Cic. 2. Agraria. Alexander ab Alex. lib. 4.  
cap. 13. Arist. Polit. 7. c. 7.*

Pro mori-  
bus.

Sed ut hæc perceptio obijciantur: tamen diligen-  
s ratio honeste vivendi, & quidem potior, quàm optime  
dicendi habenda est. *Quint. lib. 1. cap. 2.* Sic educatio  
instituenda, ut bona in Repub. ciuili liberi boni fiant,  
& mature fiant. Sicut enim hyem per æst. tē & fere-  
nitatē huius necessaria parari possunt: ita boni mo-  
res in ipsa iuuentute sunt comparandi; & ita queren-  
dum viaticum ad senectutem. *Plut. de educ. liber. vultum.*  
Nec desunt rationes. Quemadmodum enim primo

oculi

oculi vitio aliquo laborantes perperam cernunt: ita male res gerit, præest alijs anima, quæ est mala. *Plato 1. de Repub. 2.* Cum mores doctrinæ non respondent: idem est, ac si cæcinofo puteo purissimam aquam quis infundat: vbi cœnum simul & aquæ puritas contaminantur. *Lysides Pythagoricus.* Et Pythagoreorum symbolum, cibum in metallum nō esse iniiciendum, moner: hoc est, vt Plutarchus interpretatur, sermonem bonum in animum hominis improbi: quod ita ille corrumpitur & putrescit, aut in acerū conuertitur. 3. Etiam illorum, qui sunt docti, aut alijs præsūt, errata & vitia tam iocosa, quam seria notantur: conspiciuntur quoque citius; exaggerantur grauius propter personæ conditionem. *Plut. in præceptis gerende Reipub. 4.* Minus morati etiā inepti sunt ad conuersationes hominum: haud secus, atque vinum austerum porioni nequitiam est accommodatum. Itaque ad conciliandā hominum beneuolentiam nihil bonis & amabilibus motibus accommodatius est. Vnde Virgilius Augusto placuit, non ita gratus Ouidius fuit. Humani generis delicias Vespasianū Romani appellarunt. Et omnino morum pulchritudo ornamentum & *πρόκοσμος* est. *Plut. in præceptis coniugalibus. Suet. in Vespas. Fulgosit lib. 5. cap. 1. 5.* Ex moribus quoque signa peti solent de probitate aut improbitate hominis. Vt Gregorius Nazianzenus ominatus est, Iulianum Imperatorem aliquando Imperio Romano magnum malum daturū: propter ceruicem inflexam, humeros subsultantes, oculos vagos, & furiose intueres, pedes instabiles, nares contumaciam & contemptum spirantes, sermonem hærentem & spiritu concisum. *Oratione 2. in Iulianum, Niciphorus lib. 10. cap. 37. 6.* Nec in dicendo gratiam obtinent, voti sui fuerunt compotes, qui dilerti quidem, at non bene morati sunt propterea quod mores dicentis, quam verba potius considerantur. Nec male Spartanorū principes sententiam boni hominis non

bene morati alteri dederunt pronuntiandam, cuius spectata virtus. *Plu. in l bello de iud.* 7. Inter cætera hoc etiam habent mores boni quod placent sibi & permanet: malitia levis est, sæpe mutatur, nec in melius, sed in aliud. *Seneca lib. 6. Epist.* 47. 8. Mores mali etiam Reipub. nocet: quando quidem disciplina maiorum Rempubl. tenet. quæ cum dilabitur, & nomen & imperium amittitur. *Ælius Lampridius in Sene- ra.* Neq; prodest foris esse strenuum, si domi male uiuatur. Nec stabilem habebunt sedem parva bona, etiã si cælum æquent, si verecundia absit & domi non con- sulerit officium. *Val. Max. lib. 2. cap. 9.* Et his maxime temporibus morũ necessaria conformatio est. Maiores siquidem nostri questi sunt, nos querimur, polteri queretur, euersos esse mores, regnare nequitiam, res humanas in deteri<sup>9</sup> & omne nefas labi: vt correctio- nem res requirat. *Senec. lib. 1. de beneficentia, cap. 10. 9.* Hac vtrique de causa optime constitutæ Respublicæ semper morum diligentem rationẽ habuerunt. Fue- runt Romę Censores, sub quorum magistratu discrimen honesti & turpis fuit. Sunt Censoria nota egres- equis spoliati, Sēatores ē Senatu eiekti, alij tribu mo- ti, in Caritum tabulas relati. *Lucretius lib. 10. Decad. 4. Plut. in Catone & Paulo A. mylio. Trebellius Pollio in Va- leriano Dio. lib. 40. Cic. in Pisonem. Cællius lib. 16. cap. 13.* Fuerunt Athenis Ζητῆται, ab inquirendo dicti: & A- reopagitæ, seu erimorum Censores. *Valer. Max. libro 2. cap. 1. Cællius lib. 12. cap. 7.* Fuerunt Spartæ ἀγμοσῆαι, compositores; & ἐφοροί, inspectores vitæ ac morum. *Xenoph. in Repub. Spartana. Suidas. Cælius Antiq. lect. lib. 18. cap. 3.* Fuerunt deniq; apud Carthaginēses præ- fecti & magistri vitæ. *Probus Aemilius in vita Han- nibalis. Alex. ab Alexand. lib. 3. cap. 13.* Itaq; morum non minus docti aliquãdo futuri, aut qui iam sunt, ratio- nem habebunt, quam vel peritiæ linguarum, vel so- lidæ eruditionis ac doctrinæ.

QVÆ-

## QVÆSTIO LI.

## QVI MORES IN ADOLESCEN-

tibus elucere debent?

Q Via principium recte viuendi est recte audire; *In audien-*  
 inaudiendo tam dicētes, quam docentes. ope- *do quomodo*  
 ra danda, vt accedatur tanquam ad sacrum conuiui- *se se gerent.*  
 um, placide scilicet, & tranquille: si vultus quieta &  
 serena constitutio, quæ non modo nullum cōtemptus  
 aut indignationis, sed nec aliarum curarum & occu-  
 pationum iudicium habeat. Deinde, ad siue recun-  
 dia & modestia inaudiendo, necesse est. Ita enim  
 quod vtile, percipitur & retinetur, falsum facilius  
 deprehenditur, veritatis studij laus paratur, tū & æ-  
 quanimitas reperitur. Qua de causa veteres in dedi-  
 candis templis Mercurium Gratijs adiunxerunt: vt  
 ostenderent orationem benignas & placidas aures  
 requirere. Et apud Athenienses in Academia ride-  
 re prohibitū fuisse legimus, quod ab iniuria & igna-  
 uia purum ac inaccessum hunc locum observandum  
 esse putarent. *Ælianus lib. 3. variarum Hystor.* Viranda  
 vitia sunt quoq; in audiendo, ne sit vultus parum iu-  
 cundus, oculi vagi, declinentur quoq; suffusus ad al-  
 terum, & subrisio, corporis circumactio, & somnole-  
 ta oscitatio, aut vultus demissio: & quicquid tale est,  
 quod vel negligentiam, vel cōtemptum indicat. Fu-  
 giantur deniq; etiam contraria vitia: in quærendo  
 garrulitas & curiositas, quæ attentionis & acuminis  
 aliquando gloria captatur, & simul pudor subrusti-  
 cus in non interrogando. In curiositate enim, breue  
 quod est iter, longum efficitur: & sunt similes tales  
 ignaui ac timidiscanibus, qui domi pelles mordent  
 & vellicant villos: in venatione feras non attingunt.  
 Quia autem nunquam interrogant præceptores suos;  
 in perpetuis dubitationibus, maxime quoq; assiduo  
 versantur. *Plutar. in lib. de aud. & v. one.*

Secūdo, in moribus requiritur, vt de silentio quoq; *Silensium*

praestan-  
dum.

cogitetur. Est tempus, quando nihil, & est tempus, quando aliquid; nullum autem est tempus, in quo omnia dicenda. *Hugo de disciplina.* Maxime vero adolefcens est, audire multa & pauca loqui. *Menander.* Et laudatur Epaminondas, quod nemo fuerit repetitus, qui & plura nosset & pauciora loqueretur. *Plin. de auditione.* Nec sine causa Pythagoras ἐχρημα-  
θίαι, & silentiū quinquennale à suis discipulis postu-  
lauit. *Alexander ab Alexan. lib. 2. cap. 5. Et Laetius lib. 8. cap. 1.* In primis autem vtile est ad silentium ad sue-  
factū esse, tum cū apud eos est agendum, qui vitæ &  
necis potestatem in linguæ acie portant. *Ammianus Marcellinus l. b. 18.* Nec sustinebit magnum officium cum laude & utilitate tam publica quam priuata, cui tacere graue: est. *Curtius lib. 4. de garrulitate.*

In sermone  
quid obser-  
uandum.

(Tertio, non negligenda ratio est orationis & ser-  
monis: quandoquidē tacere semper non licet. Dan-  
da vero his opera erit, vt vitetur obscenitas: quæ  
turpia factū iudicantur, turpia etiam dictū habeantur.  
*Isocrates ad Demonicum.* Quod fieri potest 4. modis  
Si periphrasis adhibeatur: pro uerbo ponatur inte-  
gra oratio: appellatio queratur à re pulchra: excu-  
satio adsit, vel ante, vel post dictum adhibita. *Arist. 3. Rhet.* Sic vicissitudo in sermonibus: in seriis seueri-  
tas, iocosus lepos adhibeatur: detur opera, ne vitium  
aliquod in eile moribus videatur, declinetur a berra-  
tio, moribus animi nimis nihil tribuatur. *Cicer. 1. Offic.*  
Vitetur deinde sine causa idioma peregrinum. Faci-  
lius enim diuersi generis animalia sociantur, quam  
diuersæ linguæ homines. *August. lib. 9. De ciuitate Dei cap. 7.* Neque quicquam molestius est, quam cum eo  
versari, qui cum potest, tamen lingua nobis cognita  
vti recusat. Ad cætera porro quod attinet, vt si ora-  
tio clara & suaui sit, nec expressa nimis, nec oppres-  
sa, non agrestis & subrustica, non nimia vel celerita-  
te, vel tarditate laborans: ex præceptis notum, quæ  
sunt apud Ciceronem 3. de Oratore, In oratore perfecto, in  
libris



libris de Claris oratoribus. Ad Herennium. lib. 3. Quintilianus lib. 1. cap. 19. tradita.

Quarto, Etiam incessus non negligendus. Magni corporis, vt dicitur, magnus quoque motus est: & sunt pedominarij plurimi, hoc est, pedum perniciose valentes: vt Marji populi Hilophagi. Alexander libro 2. cap. 21. & 3. Celsus lib. 1. Antiquar. Lect. cap. 3. & 5. Seruandus ergo facienda modus est: vt in eo authoritatis species, pondus grauitatis, vestigiū tranquillitatis esse videatur. Cauendum, ne aut tarditatibus vtamur ingressu mollioribus, vt similes esse videamur pompæ ferulis; aut in scitinationibus suscipiamus nimias celeritates, eo quod inconstantiam tales produnt, faciunt vt anhelitus imbucantur mutantur vultus, ora torqueantur. Cicero 1. Officiorū. Nec inter ambulandum quoque histrionici gestus, aut statuarum mutatiū motus sint vt quoticūque gradum movemus quosdā modulos seruare videamur: quia hoc molles notat & plus æquo delicatos. Regius de educatione liberorum, lib. 5. cap. 3.

Quinto, in congressibus & conuiuiis maxime decori ratio habenda: non committendum, vt quid in ciuilitate fiat. Rem autem totam in complectemur partibus: Primæ erit illud præceptum. Nemo cæni peta & mensarum sit affecta: ἀλγτος, inuocatus, in conuiuium se ingerat: vmbra duci sese patiat. Quo morbo laborant Miconij, de quibus in proverb. Erasmi, Chil. 2. Cens. 1. Proverb. 7. Et quidam Silius: cuius meminit Martialis lib. 2.

Quod fronte Silium nubila vides Ruse;

Quod ambulator porticum teris serus:

Lugubre quiddam quod taces piger vultus:

Quod pene terram tangit indecens nasus:

Quod dextra pectus pulsas, & comam vellis:

Non ille amici fata luges, aut fratris.

Maro in igitur causa: quæ DOMICÆ NAT.

In incessu  
quid consi-  
derandum?

In congress-  
ibus & con-  
uiuiis qua-  
les esse mo-  
res debeant.  
I.

Ratio

Ratio est: quia nihil sordidum magis, quā alienos cibos instar canū aut muscarum sectari. Deinde ingrati sunt tales, quia sæpe colloquia impediunt; faciunt, ut familia, præter obsoniorum fumum, nihil habeat. Interdum tamen licet non vocatum venire, & hunc quasi honorē habere conuiuatori: modo cogitur primum, à quo quis vmbra ducatur? deinde qua occasione ducatur? tum solus ne an cum paucis ducatur? postremo ad quem ducatur? & verum paripar referre queat? *Athenæus l. b. 1. Plutarch. lib. 7. quæst. Conuivialium Probl. 6. & 7.*

## II.

Secundæ partis erit illud. Inuitatus ad conuiuū, neq; nimis celeriter, neq; tardius, quam decet, accedat. Nimis enim celeriter qui veniunt, molestia conuiuatorem afficiunt; præcipitantia produnt seipsos turpiter; ostendunt, tristi domesticio sese laborare. Nosticæ vero & Remoricæ. id est, qui tardius accedūt, suā indicant quoq; cupiditatē: quod, licet domi occupari, tamen foris cænare non dubitent. Supt deinde cōuiuis alijs molesti, qui cogūtur expectare, & sedes mutare, aut producere cōuiuia in concubiā noctē. Tandem sibi ipsis quoq; nocēt, cum minus cōmode sedere cogūtur. Et laudatur Polycharmus Atheniēsis; qui cum vitæ suæ rationes redderet: inter alia quoq; dixit, se nunquam vocatum ad conuiuium sero venisse. *Plut. lib. 7. Conuivialium quæst. Probl. 7.*

## III.

Tertiæ partis illud. Ad conuiuium accedens nō sit *ὑποκρίτης*, & vocaliter inuā pulset. Quod & ipsum subrusticum & inciuile est, famelicum quoq; ventrē indicat. *Struppius l. b. 2. Antiq. conuiual. cap. 20.*

## IV.

Quartæ partis præceptum illud. Ad conuiuū ubi est peruentū, & *ἔρως* & *ἀδελφώς*, sine fastu & fraterne, cū reliquis confideat: primi accubitus affectationem vitet: postremo loco collocatus cogitet non hominem loco, sed locum homine cōhoncitari: & postremi quoq; rationem haberi: persuasum habeat, pului-

puluinum honestiorem ac turpiorem neminē reddere. Interim crebro ac serio admonitus, verecūde obtemperet: nec committat, vt pro ciuili contumax habeatur. *Plutarch. in septem Sap. Conuiuiō, & lib. 1. Conuiuium Probl. 2. & 3. Senec. lib. 1. de Ira.*

Quintæ partis sit de gestib. cōciñis. In cōuiuijs manus super mensā habeatur, nō cōiunctim, nec in quadra, vel etiā in gremio: cubito vtroq; vel altero innitit mēse turpe & rusticū: quē admodū & pedibus argurari & molestiā exhibere vicino, aut *αὐτὶ ἀγροῦ πῦρ*, ei quē regione sedet. *Erasmus de morum ciuil. 1. 2. e. Sushim. Ant. 9. Conuiuium lib. 2. cap. 34.*

Sextæ partis sit illud. Oculis circūactis & emissitijs obseruare vel victum, vel alia, inurbanum, vt etiā caput quassare & mouere, leuitatis. *Cicer. 1. Offic. Clemens Alexandrinus l. b. 2. Pedagog. e. cap. 7.*

Septimæ est. In potu sobrietati & temperatix studeatur: sufficiens enī est homini eruditō vinum exiguum, & in dormiendo non laborabit; nec dolorem sentiet, parce qui biberit. *Ecclesiast. 31.*

Octauæ partis sit illud. Vitetur quoq; voracitas, & inexplebilis edēdi auiditas. Qui enim *ἐπὶ γυαφοῖ*, & vtraq; oris parte sunt occupati, aut Philoxenum, vel Demetriū inuitantur: in hominum odiū incurrunt, vigilias laboriosas experiuntur. *Ecclesiast. 31. Cic. Tuscul. 3. Clem. Alexandrinus lib. 2. c. 1. Hippocrates Aphor. simpliciorum lib. 1. 17. Athenæus lib. 8. cap. 6. Et l. b. 10.*

Nonæ partis istud. Etiam illud caueatur, ne digiti vncti, aut relingantur, aut extergantur ad tunicam: digitis, aut porrecta quadra accipiatur, quod excipiendum: non toto ex disco eligatur, quod optimū est; sed quod ante te forte positum fuit. *Eccles. 31. Erasmus in ciuilitate morum.*

Decimæ partis sint illa. Detur maxime opera, vt colloquia sint Epitrapezia, conuiuijs accommodata. Propter enim sermonis oblectationem cōuiuijs maxime

V.

VI.

VII.

IIX.

IX.

X.



xime homines delectantur: & ut cibo corpora, ita animi colloquijs pascuntur. Atq; hinc libri sunt scripti Sermonū Coniualium a Plutarcho, à Platone à Macrobio, à Xenophonte, ab Athenæo, à Francisco Philopho, à Crastero. Itaq; peccant illi, qui in cōiuijs, pi se magis muti, aut statua taciturniores sedent: dum alij inter se colloquuntur, ipsi veraq; maxilla laborant: quia signū hoc est voracitatis, aut odij, aut superbix, aut infestix. Sed & illi delinquūt, qui aperti, quod audiunt, cibis agunt: ut admodū garruli, & litore loquaciores, q. à Græcis Ατρυγῶντες. & γελαστοί appellauntur, ad mentem oratores. Tales enim & ipsi sunt ingrati, neq; vllus cibus aut potus tā esse insuauis potest, quam sermo intempestiuus, stultus, & loco nō cōueniens. Et insigne illud est Chrysostomū: Lingua nostra regius equus est; si ei frenu immiseris, & gradarium feceris tua doctrina: ascendet in eū rex, & quiescet in eo: sin vero nullo freno domueris, vehiculum diaboli efficies. Quemadmodū & garrulis cuiusmodi fides derogatur: quia plerunq; multa qui loquuntur, multa mentiuntur Syracid cap. 7. Clemens Alexandrinus lib. 2. c. 7. Plus. lib. 7. Coniualium. Probl. 8. & 9 Probl. Chrysostomus Homil. in Mattheum 52.

Sermones  
de quibus-  
nariis rebus  
in Coniui-  
is iussim-  
endi.

Sermones vero habendi sunt in cōiuijs nō de ijs, quæ rixas & contentiones possunt mouere, sūt potum & edos; aut ijs, quæ caninā faciendam exercēt: aliorum nocent famē & existimationi. Est enim viliū hominum, & mulierularum, nō virorum, vitia aliorum in conuiijs perstringere, aut temere detrahēre alijs: aut noua, sed falsa & mendaciunculis cōdita referre. Quo multi hodie vitio laborant: laborauit & Philomusus quidam, cuius meminit Mart. lib. 9.

Artibus his semper canam Philomuse mereris;

Plurima dum fingis, sed quas ferarē refers.

Neq; etiā de tortuosis materijs & anxij cōserendum, sed iucundis & cu voluptate vtilibus: ex quibus ingenium

ingenium nostrum venustius & amœnius redditur. Quod fit, si sermo constituitur de ijs rebus, quæ ad communem vitæ vsum pertinet: & de quibus in foro & negotijs loqui homines solent. *Plut. lib. 7. Conuiual. Probl. 8. & lib. 9. Probl. 1. Macrobius lib. 7. cap. 1.*

## QVÆSTIO LII.

## VTRVM INTER POCVLA

*philosophandum?*

**I**N negantem sententiam adferri ista possunt. Quod primum Philosophia, tanquam honesta matrona, non debet se immiscere Libero, cui cum multis sunt familiares: deinde seria non conueniunt conuiuijs: tum inter edendum non laborandū, aut intentia cogitatio adhibenda. Contra in affirmantem valentia ista: quod, si philosophia absit è conuiuijs, absint quoque eius alumnæ, honestas, modestia, sobrietas. 2. Vtile probare rebus, quod verbis docetur. 1. Veluti lumen tollit è conuiuijs, philosophiā qui tollit. Definenda ergo ita sententia videtur: vt in conuiuiio habeat locum philosophia, sed ita, vt conuiuiarum ratio habeatur: nec vulpis & gruis fiat conuiuium: deinde deligatur materia non profunda, nodosa, difficilis, sed simul & facilis & iucunda. *Plutar. conuiual. quæst. lib. 1. Probl. 1. Macrobius Saturnaliū lib. 7. cap. 1. Stuchius, Antiquitat. Conuiualium libro 3. capite. 18.*

Plurimum vero delectant ioci & facetiæ parce & caute adhibetæ. Ctesibius quidam interrogatus, quid ex Philosophia illi superesset: respondit: vt possit sine symbolo & gratis canare propter facetias. Spartani quoq; adolescentes suos ita instruerūt, vt sine morfu & scommata dicerent, & patialiōrū iocōs possent. *Alexander ab Alexand. lib. 5. cap. 21.* Sed in hac re sepe peccatur, & multis per ingulū eunt sales & ioci. Itaq; habēda ratio rerum est, vt in serijs absit iocus: quāti-

*Locj & facetiæ  
grate & co-  
munes: sicut  
se adhibeant  
ut & parco*

ratis

tatis, ut modus adhibeatur: qualitatibus, ut facietie sint modestæ & verècundæ: personarum, ut non contra quosvis proferantur. *Ar. jor. l. b. 3. Rhet. ca. 10. Et in Rhetoricis ad Alexandrum de facie, l. 1. lib. 4. ca. 4. Quint. l. 6. cap. 4. Plut. in Sympsiach, lib. 2. Probl. & 4. Macrobius lib. 7. cap. 3.*

Postremo & illud in conuiujs observandum, ut non vtiq; ad Plaudite hæreamus: sed etiam obseruamus tempus redeundi domum à cæna: ne illud pro-uerbium obijciatur: HERCVLES HOSPITATOR: quod qui Herculem exceperunt conuiuio, diu fuerunt expectare coacti, donec ille satur fieret: qui vno sæpe in conuiuio integros boues comedit. Nimis enim diu qui hærent, temulentiam & voracitatem suam produnt: ingrati conuiuatoribus fiunt. *Athen. l. 5. 10. Variarum. Erasmus in Proverb. Chil. 4. Cent. 1. Proverb. 29.*

*In vestitu  
ornam-  
corporis  
quæ obser-  
uandas*

Reliqua adhuc vna pars est, quæ ad vestitū & ornatum corporis pertinet. In quo primum vitanda est peregrinitas, quæ deprehensa fuit in Alexandro Magno, ut notat *Curcius l. 6. 3. & 5.* Ideoq; regula tenenda: cultus procuratio morem sequatur. Et boni principes ac reges habitū antiquum cōseruare sunt conati: Augustus, Adrianus, Theodosius: ut apparet ex *Suetonio, Spartiano lib. 4. Cod. jor. 10.* Et Ephori Spartæ quotidie obire inspectiones Vestimentorū sunt soliti. *Plus. in Lycurgo. Ælianus l. 4. cap. 7. Iulianus lib. 3.*

Secundo fugienda mutatio crebra & novitas vestitus: siquidē pestis hac nulla maior est Rerumpub. Et illa temeritas clam ac sensim etiam mores cōmutat atq; efficit, ut & res veteres homines contemnāt, nouas habeant in precio. *Plu. lib. 7. de legibus.* Tertio luxur quoq; & ornatus nimius reprehenditur. Vnde Romæ lex olim vestiaria fuit lata. *Dion l. 49. Suet. in Iulio Casare. Senec. lib. 7. de beneficijs, Plinius lib. 5. cap. 17. Luc. lib. 34. Cornel. Tacitus lib. 3.* Et notum est illud Poëtæ. *Ouid. Epist. 4.*

*Sine*

*Sint procul à nobis iuuenes, vt femina, compii:*

*Enecoli modico forma virilis amat.*

Sed nec interim (quarto) sordicies placet: verum est munda vesti homini appetenda: quia natura homo est elegans & mundum animal. *Senec. lib. 14. Epist. Epist. 93.* Ideoq; ridendi sunt illi, qui neglecto vestitu videri docti & sapientes volunt. Tenendum istud Seneca: Illud te admonco, ne eorum more, qui nō proficere, sed conspici volunt, antiqua facias, quæ in habitu suo, aut genere vitæ sunt notabilia: asperum cultū & negligentiorẽm barbā, & cubile humi positū, & indictum argento odium, & quicquid aliud ambitionem perueria via sequitur. Non splendeat toga, sed nec sordeat. *lib. 1. Epist. 5.* Habeatur postremo ratio conditionis & dignitatis: seruetur mediocritas: sit mundicia non odiosa, aut exquisita nimis: fugiatur agrestis & inhumana negligentia. *Cic. 1. Offic.*

### QVÆSTIO LIII.

VTRVM IN INSTITVTIONE ADO-  
lescentiæ exercitationes corporis ac recrea-  
tiones adhibende?

QVemadmodū necessaria sunt, ad mores cōfor-  
mandos quæ faciunt: ita non sunt negligenda,  
quæ ad exercitationes & recreationes corporū per-  
tinent: Lydos Historici referunt, exorta aliquando  
annonæ caritate, ludos excogitasse, vt ita tempus sul-  
lerent, nec de discutienda fame cogitarent; alternis  
diebus luderent, & comederent. *Herod. lib. 1.* Sed est  
miserabilis hæc ludorum conditio. Sunt rationes ali-  
quæ suadent, vt etiam recreationum & exercitatio-  
ni corporis, in institutione ratio habeatur. I. quia  
nulla res est quæ continuū ferre laborem possit, ea-  
que de causa Pythagora Symbolum monet: Cor non  
omne edendum. Et Poëta, *Quod iacet alternare quis,*

inquit, *durabile non est. Quintil. Instit. 1. c. 3. Ouid. in Epist. Epist. 4. 2.* Institutio esse talis debet ciuium, vt non animo & consilio tantum, veram etiam corpore opem Reipub. serant. *Plato in Timæo. Aristoteles Politicorum 7. cap. 14. 3.* Corporis sic robur augetur: dilatantur membra, maxime in adolescentibus. *Plato 7. de Leg. Arist. Polit. 8. cap. 4. Plat. de educatione liberorum. 4.* Valetudo ita conseruatur, dum humores crassi cōsumuntur: corporis indurantur instrumenta: natius calor augetur: vt contra quiete & ocio destruitur. *Plato in Theæteto. Galenus de tuenda sanitate. Hippocrat. in Aphor. 20. & lib. 1. de diætā.* Et Tironi suo Cicero cum præscribit sanitati, inferuentia, inter alia *ᾧ Εἰπатор σὺμμετρον*, moderatam inambulationem notat. *In Epist. 16. famil. 5.* Alacritas hoc modo in studijs literarum excitatur: leuatur fastidium, quod ex nimia studiorum oriri continuatione solet. Quemadmodum reuera & discēdi studium voluntate constat, quæ cogi non potest. Et notum illud Poëtæ.

*Tempestiua quies maior post ocia virtus.*

*Statius lib. 4. Quintil. Instit. 1. lib. 1. cap. 3. Veginus de educa. liberorum lib. 3 cap. 5. 6.* Recreatio tristicæ & melancholiæ medicina: requies omni iucunda. *Arist. Polit. 8. cap. 4. Et lib. 1. Rhet. cap. 5. Et Veginus lib. 3 cap. 5.* Neq; sperari potest, tristem & semp̄rdemissum erectæ mentis circa studia fore. *Quintil. lib. 1. c. 3. 7.* Etiam quæ sensu & ratione carent, vt suā vim seruent, velut alternā requie, retenduntur: & lyre atq; nervi ex remissione conseruantur, ex assidua intentione franguntur: & nouales licet alternis interquiescant annis, tamen eā cessationē vbertate compensant. Et vt vol: cres procreationis atq; vtilitatis suæ causa nidus figunt & constituunt: cū vero aliquid effecerunt, laboris leuandi causa passim & libere volitant, opere soluto: ita & animi nostri negotijs opere defessigestiunt, & volitare cupiunt, cū & labore vacui. *Cic. 2. de Orat. Plinius lib. 18. c. 16. Quintil. lib. 1.*



*lib. 1. c. 8.* Omnibus in rebus alijs vicissitudo cōspicitur. Est mutatio æstus & frigoris, vigiliarum & somni, tēpestatis ac serenitatis, belli & pacis. *Vegius lib. 3. cap. 5. 9.* Sunt etiam lusus quidam acuendis ingenijs non inutiles: sunt nonnulli, quibus mores inter ludendum simplicius deteguntur. *Quintil. Insti. lib. 1. c. 3. 10.* Vt nihil dicatur de remilitari, in qua intermissa exercitatio militū & anīnos & corpora debilitat. *Vegius de remilitari, lib. 2. c. 23.* facit, vt illi ocio torpescētes lasciuiāt, sint ad seditiones prōni. *Idem lib. 3. cap. 4.* Vnde Claudianus Poēta,

*Si, inquit, bellatorans: prius agmina duris*

*Exerce studijs, & seuo præstrue Marti.*

*Non brumæ requies: non hybernacula segnes*

*Enervent torpere manus. lib. 4.*

11. Ideoq; semper à principibus, Regibus, Rebuspub. obseruata illa exercitia diligēter uerunt. Persæ iudicauerunt turpe, sperere adolēcentes: quod existimarēt signum hoc esse intemperantiæ in victu, & neglectiōnis exercitiorū corporis. *Xenophon. l. b. 1. Pædæ & Cyri.* Athenienses & Spartani & Romani adolēcentes exercuerunt sese in gymnasticis. *Alexander ab Alexandro lib. 6. c. 19.* Scipio & Lælius, vt a nimum à maioribus curis remitterent, calculos & conchulas marinas lectitarunt. Alexander Seuerus post lectiōnem palæstræ & cursui operā dedit. *Lamp. in Seuero.* Cicero κακοσµαχία, ventriculi imbecillitate, laborans corporis exercitationib. habitum bonum sibi cōparauit. *Plur. in eius vita.* Germani quoq; veteres filios suos non pocolis indulgere, sed operā dare exercitationibus voluerunt: quo viri aliquando facti, optimi milites essent. *Alexander ab Alexand. lib. 2.*

*cap. 25.*

**QVÆNAM RECREATIONES ET**  
*exercitationes concedenda literarum*  
*studiosis?*

**V**T nemo facile negauerit, esse & utiles & necessarias corporis exercitationes & recreationes: ita illud in controuersiam venit; Quænam esse maxime cõmendatæ literatis debeant: & quidẽ ad pueros pertinent turbines, cythradæ & apodirascindæ, & myindæ & epostracisimi. Etiam alexæ lusus minus commendatur: quem ita veteres Germani amarunt, vt, pecunia omni perditâ, etiã de libertate & corporibus suis cõtenderent. *Cornel. Tacit. de Germanorum moribus.*

*— Gignit enim trepidum certamen & iram:*

*Ita ruces inimicitiarum & funebre bellum.*

*Horat. lib. 1. Epist. Epist. penult. Et,*

*Sic ne perdidit, non cessat perdere lasor:*

*Errat vocat cupidus alexæ pæ manus.*

*Qui lib. 1. de arte.*

Non minus & foliorũ, vt vocant, ludi sæpe nocent etiam si interdum ingenii & eruditionis vestigia habent. Probatur magis latrunculorum lusus: qui & vetustissimus est, & ingenii dexteritatem notat. Est illud notum Martialis:

*Insidiosorum ludis si bella latronum;*

*Geminus iste sibi miles & hostis erit.*

Plato ludos & recreationes probat, quæ non multum discedunt à serijs actionibus: non sunt coniunctæ cum periculo: non omnino carent timore ac sollicitudine: declarant ingenia erecta aut abiecta: præparant ad vera certamina. Ideoq; gymnastica requirit exercitia: hæc ipsa diuidit in saltationem & luctam. Saltationis vero speciem alteram obseruare vult magnificentiam & libertatem: alterã bonæ valetudinis, expeditæ leuitatis & pulchritudinis rationem habere. Vt ita &

*vincat.*

vniversum corpus, & singula mēbra in formantur: quo omnibus suum decorum constet. In lucta quoq; cernium, manuum, & laterum desiderat motum. Et decoram membrorum constitutionem ad robur & sanitatem accommodatam, quo possunt pugilatus quoque & gladiatoria exercitia conferre: quæ sanitati prosunt: robustum reddunt corpus: ad militaria negocia præparant: membrorum agilitatem pariunt, *Plato 7. de leg. Cum quo consentit Arist. lib. Polit. cap. 1. Cum artem Gymnasticam in exercitatione & institutione puerorum requirit. Et Cicero in Officijs, quod ludos & recreationes scribit suppeditare Campum Martium. Et Galenus de Ari. Med. & lib. 2. de tuenda sanitate. Plutarchus in exp. simul. leg. 2. Problem. 6. Athenæus libro 4. Patricius de Institut. Reipub. lib. 2. tit. 8. Mercurialis de arte Gymnastica lib. 2. cap. 9.*

## QVÆSTIO LV.

## QVOTNAM EXERCITATIONVM

& recreationum genera?

SIT ergo primum genus exercitationis & recreationis, LVCTA: & quæ ad hanc referuntur. Secundum est DEAMBVLATIO. Socrates interrogatus: cur deambulet crebro? respondit, se ita famem obsonare. *Cic. 5. Tuscul.* Amasis rex Aegyptiorum Aegyptiis mandauit, ne prius cibum iuvenes caperent, quam centum & octoginta stadia percurrissent. *Diodorus Siculus libro 1. Augustus & Adrianus Imp. in castris quoque exercere se milites voluerunt ambulando. Suetonius in Augusto:* Sed nō tantum militibus prodest hæc recreatio: sed maxime utilis literatis & Studiosis est: quia valetudinem conseruat, corpora pura reddit, imbecillitatem à morbo contractam depellit, facit, vt non statim ad quietem, tanquam à contrario ad cōtrarium transitus fiat, sed medium aliquod interponatur. Et scribit de se Seneca, quod catarrhis & de stillationibus, à qui-



bus affligebatur, solitus fuerit deambulatione succurrere. *Epist. 79. Platon in Phædro. Aristot. Probl. 33. Xenophon in Oecon. Hippoc. lib. 2. de Diet. Galenus in Epidemeticis lib. 5 & 7. Methodi de tuenda valetudine lib. 2. Mercurialis lib. 5. cap. 11. & 12.*

Tertiū genus exercitationis PILÆ est: quod & ipsum valetudini inseruit, corporis parat & auget agilitatem ad motus promptiores reddit, acquirit robur, firmat crura brachia iuuat, membrorū efficit cōcinnitatem, *πλυσσικήαν* imminuit, excrementa attenuat: commendata maxime ijs esse debet, qui à calculo sibi metuunt. Vnde Galenus integrum libellum de pilæ ludo scripsit: *meminit quoque huius lib. 1. cap. 8. de tuenda Sanitate Patricius de Institut. Regis lib. 3. tit. 9. Mercurialis lib. 2. cap. 5. & lib. 3. cap. 4.*

Quartum est CVRSVS, genus exercitij accommodatum militiae, & simul quoq; sanitati, vñ maiori impetu in hostem iuniores procurrant: vt loca opportuna celeriter, cum vsus aduenerit, occupent: vel etiam ante occupent, cum idem aduersarius facere voluerit: vt ad explorandum alacriter pergant, alacrius redeant; vt fugientium terga facilius comprehendant. *Platon de Leg. Galenus lib. 2. de tuenda sanitate. Vegetius de re militari lib. 1. c. 9. Patricius lib. 3. de Institut. Regis tit. 3. Mercurialis lib. 2. cap. 10.*

Quintum SALTVS, & ipsum vtile exercitium: quo vel follæ transiliuntur, vel impediens aliqua altitudo superatur: & in ipso conflictu bellator, cum saltu veniens, aduersarij oculo perstringit, mētem deterret: prias plagam infligit, quam ad cauendum, vel residendum ille sese præparet. *Aristoteles de Animalium ingressu. At in problematibus, probl. 8. Galenus li. 2. de Medicinali compositione. Senec. lib. 2. cap. 11.*

Sextum DISCI & LAPIDVM iactus: cuius quoq; haud exiguus vsus mentio apud veteres Scriptores frequens, vt *Homerum Il. ad. 2. & Odys. 8. & Horatium lib. 1.*

*lib. i. Carm. Oda 8.* Vbi reprehenditur adolescens quidā propter amores & voluptates ac negligentiam exercitationum corporis.

*Lydia, inquit, dic, per omnes Deos oro,*

*Sibarim cur properas amando perdere?*

*Cur non sapere disco, sapere trans finem iaculo nobis expedito.*

Et Cicero conqueritur, quod cum omnia gymnasia philosophi teneant, tamen discum, quam philosophū, audire malint. *2. de Orat.* Sed sanitati prodest & bono corporis habitui, & plurimū militiæ commodat. Vnde Vegetius Balearum Insularum habitatores ita scribit exercuisse suos iactantibus lapidibus, vt matres paruos filios nullum cibum contingere sinerēt, nisi quem ex funda lapide percussissēt. Importatur enim ita lethale vulnus: euenit interdum, vt lapidosi loci confectus habeatur, aut vt mons sit aliqui: defendēdus aut collis, aut oppugnatione castellorum lapidibus sine hostes pellendi. *Plin. l. 8. de Leg. Galen. 2. de tuenda sanitate. Plinius lib. 34. c. 8. Quintil. l. 6. 2. c. 14. Vegetius de re militari, lib. 1. Mercurialis lib. 2. cap. 12.*

Septimū genus est NATATIONIS, cum primis adolescentibus necessarium: quia non, vt animilibus alijs, à natura est natandi vsus datus; sed disciplina percipitur & vsu. Alexander quoq; Magnus, cum aliquando traieciendum flumen esset cum exercitu: O me, inquit, deterrimum, qui nunquam natare didicerim. Et sane sepe exercitiū hoc à periculis homines liberat, ad audendum animosos reddit. Nec semper pontibus flumen transiri potest: frequenter exercitus natare cogitur: sepe repentinis imbribus vel niuibus exundare torrētes solēt. Sed & valetudini prodest Natatio: quia in hac totum corpus mouetur & laborat: exinanitur salubriter: ardores temperantur. Nec temere proverbio inutilis & stupidus ille iudicatur, qui nec natare nouit, nec literas didicit. *Plato in Gorgia, Aristoteles in Probl. Probl. 12. & 14. Galen. li. 1. ad Glarionem c. 7. methodi. Peger. li. 1. c. 10. Plinius lib. 3. cap. 7. Mercurialis lib. 3. tit. 14.*

Octauum exercitationum & recreationum genus PICTURÆ, quæ olim eo fuit in precio, vt in artium liberalium gradum reciperetur: in ea diligenter adolefcentes exercerentur: quia eruditionē præ se fert magnam: commercij quid habet cum oratoria & poetica: ideoq; tacēs poësis & cōtra poësis loquens pictura appellatur. Magni præterea ingenij est, rerum & animalū species mentes sic concipere, vt penicillo exprimantur. Postremo ad Climata & stadia mundi Tabulis delineanda hæc ipsa prodest. *Aristoteles Politicorum* 8. c. 3. *Plinius lib. 7. cap. 37. Et lib. 35. cap. 10. Patricius de Regis Institutione, lib. 1. tit. 10. Et de Repub. lib. 3. tit. 14.*

Nonum est MVSICES, quo de exercitio ante actum est in loco de Ciuitatis partibus. Aristoteles quatuor docet olim in bene constituta Repub pueros suos homines docuisse; literas, artem gymnasticam, Musicam, & pingendi facultatem: *lib. Polit. 8. ca. 3.* Eandem requirit etiam Plato in *libris de Repub. & de Legibus*, cum, vt ad Astronomiam oculos, ita ad harmonicum motum aures esse fabricatas affirmat. *lib. 7. de Repub. 3. & 7. de Legibus.* Et sane plurimum prodest Musica recreationi honestæ: reficit animos defatigatos: quemadmodum onera portantes cum cantant, minus molestiam sentiunt: quia modulis & numerorum suauitate demulcentur & ab oneribus auocantur: quo nomine olim etiam in luctu tibias adhibitas fuisse nouimus. *Arist. Sect. 19. Probl. 1.* Deinde ad tuendā quoque valetudinē & corporis robur exercitatio hæc prodest. Vnde à Spartanis diligenter adhibita. *Plut. de Musica, & in Apophthegmatibus Laconicis.* Cum primis vero commodat literis operam dantibus: quia spiritus attonitos viuaces reddit: excitat vires: animum deiectum erigit, studiorum tædium leuat ac lenit. *Aristot. Polit. 8. cap. 3. 5. & 7. Patricius lib. 2. de Repub. tit. 2. Et lib. 2. de Regis Instit. tit. 15. Et Casus in Polit. lib. 8. cap. 3.*

Postremum vero & optimum recreationis genus COLLOQVIORVM esse videtur & CONVERSATIONVM

TIO NVV cum equalibus: deinde viris Doctis, in quibus deprehenditur illud Poëta: Nunquā accedo, quin ab eā à te doctior. Colloquia enim & conuersationes eiusmodi honestis imbuunt: in prauum inclinatos ad rectū reuocant: faciunt, vt colloquia illa paulatim in pectora descendant, & præcepti vim obtineant. *Senec. Epist. 93.* enim magnis hominibus vt alluescamus, nec eos nimium vereamur, præstant. *Liuius Decad. 4. Lib. 1.* Præterea auctoritatem conciliant & opinionem bonā: quādoquidē talis quisq; iudicatur, quales sunt ij, quorum conuersatione delectatur. Et, vt ferrum ferro alio acutum redditur, ad lapidem lapis contritus ignem emittit. *Chrysost. in Epist. ad Hebræos, homil. 19.* Ceruus venenum ex antris halitu suo trahit & purgat. *Bas. in 1. Psalm.* & qui in Solem venit, licet non in hoc venerit, tamē coloratur: & qui in vnguentaria taberna paulo sunt diuſius commorati, loci secum odorem ferunt: ita qui cum bonis ac doctis versantur ac colloquuntur, trahunt aliquid, quod etiam negligētib; prodest. *Senec. Epist. 109.* Itaq; recte à Theognide dictum: cum bonis, sede, bibe, ede: à bonis enim viris bona disces. Et à Menandro σφοῖς ὁμιλῶν καὐτὸς ἐκβήσῃ σφὸς, cum prudentibus conuersans etiam ipse prudens euades. Et magni viri semper delectati sunt doctorum & sapientum conuersatione; Pericles, Anaxagoræ; Alcibiades, Socratis; Scipio, Panetij; Alexander, Imperator Vlpiani & Martiani: Francisc. I. Rex Galliæ, qui in prandijs & cænis semper ad colloquium viros doctos adhibuit. *Plut. in libello, Cum principibus philosophandum Xenophon lib. 1. Memorabilium. Lamprid. in Serev. Sleidanus lib. 19. Heresbachius de educatione Principum. cap. 5.* Vt contra fugiendi sunt homines improbi. Vt enim picem qui tangit, ab ea contaminatur: ita qui cum superbo communicat, eidem similis euadit. *Syracul. cap. 13.* Et quemadmodum lutum farinam, acetum vinum corrumpit: ita mali homines bonos in-

ficiunt & deprauant. in *Marthæum*. Itaque Charondas omni supplicio dignos eos indicauit, qui cum malis assuescerent. *Diod. Sic. lib. 12.* Apud Cretenses acerbissima imprecatio iudicata illa fuit, omnibus voris expectere, ut hi, quos deuouerent, mala consuetudine delectarentur: quod hac imprecatione nullam ad excidium efficaciorē putarent: sic statuerent, eum, qui in praua lapsus semel sodalitia fuisset, amplius emendare se & ad frugales reuerti mores non posse. *Alexander ab. Alexan. lib. 3. cap. 22. Val. Max. lib. 7. cap. 2.* Testatur hoc exemplum M. Antonij Triumuii, quē Curioni familiaritas corripuit. Hic enim, quo magis obnoxium sibi Antonium haberet, eum in potationes, scortationes, sumptus graues luxuriosos coniecit: adeo, ut præter ætatis rationem sexages festerium æris alieni conflaret. *Plin. in vita eius.* Nec minus cauendum, ne in adulatores incendant: eosdem pro amicis veris ac sinceris habeant. Perdiderunt hi Alexandrū Magnum. *Sabell. lib. 6. Ennead. 4.* perdiderunt Agrippam, Iudæorum regem *Ioseph. lib. 19.* 7. perdiderunt Iulium Cæsarem. *Suet. perdiderunt Antonium Caracallam & plures alios. Xiphilinus.* Quemadmodum enim pardus odoris gratia allectas feras inuadit atque occidit: ita & adulatores blandiloquentia irretitos fallunt ac perdunt. *Plinius lib. 8. cap. 17.* Neque vlla in amicitijs pestis est maior, quam adulatio, blanditiæ, assentatio. *Cicero in Dialogo de Amicitia.*

*Adulator  
ab amico  
vero non  
dignoscendus.*

Quo vero pacto ab amico vero adulator sit dignoscendus (quia illud non, nisi calamitate aliqua accepta, vident adolescentes maxime) docet Plutarchus aliquot notis, quarum 1. est: quod ut teredines lignis innascuntur potissimum teneris & dulcibus: ita fere generosa, frugi, placida ingenia adulatorem recipiunt & alunt adhuc recentem. 2. Ut aurum quamētiuntur & adulterina sunt, fulgorem tantum & nitorem auri imitantur: ita adulatores suauitatem ac veritatem amici exprimunt: semper hilares se præbent, nunquam



nunquā resistunt. 3. Nec videntur, nec profitentur se adulari: nō deprehenduntur circa culinam oberrare, aut vmbra metiri. vt cœnæ tempus exploret: aut ebrios quouis modo sese substernere: sed plerunq; sunt sobrii; tū curiose agūt: actionū volunt esse socii: paucorum participes: omnes Tragici sunt, non Satyrici, aut Comici Histrones: amicorū personas gerētes. 4. Adulatores ministerijs vltro sese offerūt, conanturq; summo studio officiosi videri. 5. Molles & faciles sunt ad repræsentandos similitudine eos, quos adoriuntur, tū in ingenijs tū in moribus: sed varij interim, inconstantes, mutabiles sunt. *Plutarch in libro de discrimine adulatoris & amici.*

## Q V Æ S T I O LVI.

## QVO ET MODO ET TEMPORE

& loco recreationes ac exercitationes  
adhibende?

**A**D tempus quod attinet: est ludo vtendum, sicut somno & quietibus cæteris, cum grauib; & serijs rebus est satisfactum. *Cic. 1. Offic.* Deinde in ætate potius quam hyeme Aristoteles censet instituendas corporis exercitationes esse: quod tū calor naturalis languidus, ideoq; excitandus est. *Sect. 2. Probl. 21.* Hippocrates magis frigus probat, hoc argumento: quod in æstate & autumno calor alias languidus magis exercitationib; illis minuitur. *lib. 3. de Dieta.* Galenus contra habendam rationem esse censet cōstitutionis corporum: vt temperata in vere, frigida in calido, calida in frigido exerceantur. *lib. 2. de tuenda sanitate, cap. 7. Mercur. lib. 4. cap. 11.* Antè verò cibum non post plerique omnes, exercitationes esse instituendas statuunt: quia tum corpora sunt leuiora & ab excrementis magis libera. Deinde calor nativus ita excitatur & præparatur ad concoctionem, quæ impeditur, post cibum exercitationibus susceptis; Vnde peccant hodie illi, qui illico à cibo sumpto vel pilæ ludo, vel alijs grauioribus exercitijs

*Tempus  
exercitijs  
corporis  
cōueniens.*

citijs vtuntur. Quemadmodum & non probanda illa esse videtur ratio, quod ad vociferationem & Musicā grauem ac magnam post cibum se homines conferūt. Vocis enim exercitationem ieiuno volunt esse ore suscipiendam docti: quod alias illa exasperatur, asperā arteria exule scatur: vox denique corrumpitur. *Hippocras. l. b. de Diata, Plut. in libello de sanitate. Aristot. Sect. 11. Probl. 22. Mercurialis lib. 4. cap. 11.*

*Modus in  
exercitatio-  
nibus ser-  
mandus.*

Vt vero temporis est ratio diligēs eiusmodi in reb. habenda: ita de Modo quoq. cogitandum. Quemadmodum enim in iocis ac facetijs, ita quoque exercitationibus & recreationib. per admodū difficile est, modum ac decorū seruare. Scurriliter saltauit Philippus Macedonum Rex. Cantauit inepte Caligula. Nero ridicule delectatus currus agitatione. Caligula Imperator sagittandi abusus peritia est, *Sabell. lib. 4. Ennead. 7, Suetonius in Nerone & Caligula.* Et notū est illud Poëtæ de Lauro pilæ lusore, qui

*--Primus erat lusor, dum floruit ætas:*

*Nunc postquam desit ludere prima pila est:*

Hoc est, nullius existimationis homo. *Martialis lib. 1. Ep. grammatum.* Itaque Intemperantia erit cauenda: ratio habenda verecundiæ; non nimis omnia profindenda: aut Cōmittendum, vt voluptate elati in aliquā turpitudinem delabamur. *Cic. 1. Offic.* Modus seruandus in remissionibus; ne aut odium studiorum adferāt denegatæ, aut otij consuetudinem nimix: moneatur puer, ne quid cupide, ne quid improbe, ne quid impotenter faciat. Franguntur citius, quā corriguntur, quæ in parum induruerunt. *Quintil. lib. 1. cap. 4.* Finis vero & terminus æstimandus sudore, lassitudine citra fationem, anhelitu mutato, motu inæquali & inconcinno. *Celsus lib. 1. Mercurialis lib. 4. cap. 12.* Atque hinc Spartanorum exercitationes reprehendit Aristoteles: quod nimis essent grandes & vehementes: allatis his rationibus. Quod eiusmodi exercitijs corpora languescant & deformentur, frangantur deinde

*vires*



vires, tum augmentatio impediatur, postremo morū sequatur immanitas & barbaries. *Polit. 7 cap. 4.*

Ad locum postremo quod attinet, volunt probati *Locus ubi corpora exercenda.* auctores hunc esse apertum & tranquillum, ad Septentrionem & Orientem positum, liberū à labe regionis vicinæ: cuiusmodi sunt paludes stagna, lacus; & alia, quæ valetudini nocent. quod liberum aërem non habent, corpora minus agilia reddunt. Vnde etiam deambulationes extra ciuitatem magis, quam in hac, probari solent. *Plu. in lib. 1. Arch. cap. 4. Gal. de tuenda Sanitate lib. 1. cap. 7. Mercur. lib. 1. cap. 10.*

## QVÆSTIO LVII.

QVO PACTO IN INSTITVTIO-  
ne inuentus sit ratio  
habenda?

**E**Tiam huius in adolescentum educatione cura gerenda: quandoquidem recte hic illud vsurpatur: Adibus in proprijs quid recte, vel secus fiat, videndu. *Plu. in libello de Sanitate.* Et caput studiorum est bona Educatio, quæ Dixerat pars est. Nec aliud à Dijs Socrates petijt, quā vt intus pulcher efficeretur, exteriora amica essent interiorib. *Plato in Protagora.* Nec sine causa ab antiquis mos fuit ille seruatus, vt primis epistolæ verbis adijcerent: Si vales, bene est; ego valeo. *Senec. libro 2. Epist. 2.*

Sit igitur in præceptis hoc primum, vt in cibo & potu temperantia seruetur, Magna enim pars est libertatis bene moratus venter, & contumeliæ patiens. *Senec. in Epist. ep. 124.* Et victus cultusq; corporis ad valetudinem sunt referendi & ad vires, non voluptatem. *Cic. 2. Off.* Ideoq; hic primum cauendum cibi, qui non esurientes denuo ad edendum inuitant. *Plu. de tuenda Sanitate.* Vitanda deinde varietas cibi, vt quæ intemperantiam parit, gignit morbos: quod modum simplicitas in animis temperantiam, in moribus san-

nitatem

nitatem procreat. *Plat. lib. 3. de Legibus. Arist. in Probl. Sess. 1. Plinarch. in Probl. lib. 4. Probl. 1. Et notum est illud Poeta.*

--- *At simul affis*

*Miseris elixa: simul conchitis tardis:*

*Dulcia, et in bilem vertenti stomacho; inmultum*

*Lenta crepitant: vices, et pallidus omnis*

*Cana d' surgat dubia. Quin corpus onustum*

*Hesternis vijs animum pro; praegravata vna:*

*Atq; affigit humo dantia parva culam aura.*

Et dignum memoria est, quod de Alexandro M. fertur. Cum enim huic à matre secula multa quotidie mitterentur, & coqui & pistorum: nihil his sibi opus esse respondit, meliores se habere coquos à Paedagogo donatos; ad prædiū *νυκτοπορείαν*, ite fantelucanū; ad cœnā vero *ὀλιγαρίαν*, tenue prædiū *Plut. in vita eius*. Tū declinanda novitas ac peregrinitas: siquidē insolitis corpora abijciuntur: mutata temperie qualitas alteratur: morbi inde varij oriuntur. Vnde à cucumere, malis medicis, & peregrinis cibis alijs Romani veteres abstinuerunt. *Plut. lib. 8. Probl. conuivial. Prob. 9.* Nihil vero perniciosius aut turpius nimia ingestione & ingurgitatione ciborum: nec quicquā magis defæimat hominē literarum, quam Stomachi sui menturam non nosse. *Seneca in Epist. 83.* Et hac re non solum ventriculus læditur, impeditur somn⁹: capitis grauedo oritur, nascitur oris graueolētia, verum animi etiā & ingenij subtilitas impeditur: quandoquidē plenus venter *λεπτόν νόον & τίχλει*, subtile ingenium non parit. *Senec. in Epist. 15. Anic. tractatu 1. cap. 35.* Itaq; in Persarum legibus & hæc erat, vt pueri continentis essent ventris ac potus. *Xenophon lib. 1. padia Cyri* Apud Spartanos Ephori decimo quoq; die pueros inspiciebāt, & deprehensos molliores ac pinguiore puniebant. *Plut. in Lycurgo, Cic. 5. Tuscul.* Etiam illi olim mulctare iunt eos soliti, qui cœnā modum excessissent. *Strabo.*

Ad po-

Ad potum porro quod attinet, necesse minime est, *In potu quid faciendum?*  
 de Ebrietatis incōmodis hic agere. Oritur inde iecoris habitus vitiosus, vnde hydrops: destructio bonæ constitutionis cerebri, vnde phrenitis, epilepsia, apoplexia, paralytis, neruorum inbecillitas: vnde capitis & membrorum tremor: repentina denique & subita mors. *Gal. lib. 3. de temperamenti, Auic. lib. 2. cap. 8.* Vnde Plato vsq; ad ætatis annum 18. pueros bibere vinū noluit, quod existimaret non oportere ignem igni in corpus atque animum suggerere, antequam viri facti labores subire inciperent. 2. *de Legibus*: Nec solum recte de mulieribus dicitur, eas quæ vini vsum immoderare appetunt, & virtutibus inanē claudere, & aperire delictis: verum in alijs quoq; locum habet. Neq; quicquam ebrietas est aliud, quam voluntaria inania. *Sal. Max. l. 6. Seneca in Epist. Epist. 84.*

Tertio, in sanitatis & valetudinis cura, quietis & somni quoque ratio habenda. Somnus enim multus neque corporibus, neque animis, neque rebus gerendis a natura est aptus: nemo qui dormit, vilius est precij, nih. lo magis, quam qui non viuit. Ita q; Sapientix curam gerens plurimo tempore vigilat: tantu somni capit, quantum ad sanitatem pertinere potest. *Plato l. 7. de lege.* Maxime vero qui aliquando futuri sunt magistratus & politici, ad somnū sese breuem assuefacient: quod tales dum noctu vigilant, terrori sunt improbitum hostibus, tum ciuibus: in admiratione & precio apud bonos: vtilis libijplis: fructuosi toti ciuitati. *Plato ibidem.*

Et, vt non somno longo indulgendū: ita nocturnæ vigiliæ lucubrationes fugiendæ: cu oculo mundi, nostri quoq; oculi claudendi: fugiēda vita lucernaria: declinandum illud vitium, quo multi lucis & noctis officia peruertunt: atq; ita sibi morbos mortemq; præpropere accersunt: nō speciosiores illis colores habent, qui in valetudine diuturna premuntur. *Senec. Epistol. 123.*

In his

In his porro omnibus superstitio vitāda est; propterea quod, qui nimis sint aetarij, naturam reddunt somnolentam, deinde valetudinē dubiam ac periculofam, tum quasi vitam hanc edormiunt: & si, vel latū (quod aiunt) vnguem præscriptum excefferint, in magnos morbos incidunt: postremo ad obeunda negotia per totā vitam inepti sunt, & quasi in umbra degūt: dum didicerunt semel ad certos articulos & numeros vivere. *Plato 7. de leg. Plut. in libello de sanitate conservanda.*

## QVÆSTIO LIIIX. DE OFFICIO DISCIPV- lorum.

**Q**uemadmodū ea, quæ sunt allata superiora proxima in Quæstione, ad præceptoris & pædagogi boni ac prudentis officium pertinent: ita discipulorū est, frangi obediētes sese in ijs exhibere, quæ ab ipsis proponuntur: præbere sese dociles. Quemadmodum enim hominis ortus ex utroque gignentū confertur, & frustra sparseris semina, nisi illa premollitus fouerit sulcus: ita institutio coalescere nequit, nisi sociata tradentis accipientisq; concordia. *Quint. T. 2. lib. 2.* Et debent discipuli præceptores suos non minus, quam ipsa studia amare, & credere parentes hos esse, nō quidem corporum, sed mentium. Multum hic pietas confert studio. Nam ita & libenter audient, & dictis credent, & esse similes cōcupiscent; in ipsos denique cecus Scholarum læti atque alacres conuenient: emendati non irascuntur: laudati gaudebunt: ut sint carissimi studio merebuntur. *Idem.*

Ita Achilles, Græcorū fortissimus, Phœnicem Præceptorem suum coluit & amauit, & regni sui dimidium detulit. *Homerus Iliad. 9.* Criton, Atheniensis Philosophus, summo in precio Socratem habuit: accusatum defendit: omnia ad vitā necessaria suppeditauit. *Stobæus.* M. Cato Uticensis puer pædagogo in omnibus obtempe-

temperauit simul tamen rationem eorum, quę facere iubebatur, quęrebat. *Plinarchus de audiendis Poesis.*

## QVÆSTIO LIX.

DE VRBIS SEV CIVITATIS ALI-  
cuius partibus cur agendum? Et unde  
iste oriantur?

**V**sum hic locus insignem omnibus in causarum generibus habet: cum in Deliberatio, quinam admittendi in ciuium numerum, aut ab hoc excludendi, consulatur: inuestigatur, quodnam ciuium sit munus & officium: de eorundem cum præmijs, tum poenis deliberatur. Neque enim maior in vrbe, seu ciuitate aliqua, frequentię ciuium, quam nobilitatis aut probitatis ratio habenda. Et apud Herodotum laudantur ab Historicis *Ægyptij*, qui pacis in templo omnium ciuium non in publicis conscripta in tabulis, ac suspensa habuerunt: celebrantur *Athenienses* qui suas *ἀνὰ ξίφους* & excussiones ciuium obseruarunt, quinam veri ac legitimi, an adulterini essent. Commendatur hoc in *Augusto Cæsare*, quod in iure ciuitatis dando parcissimus extiterit: *Liuię* quoque *yxoti* suę, pro quodam intercedendi, responderit: ferre sese facilius posse, vt paucitate ciuium fisco aliquid detraha-  
tur, quam multitudine *Romanę* ciuitatis honos vulgetur. Memorabile denique est quod de *Veneris Sabellicus* scribit, eos cum in cōdenda vrbe occupati essēt, & multi confluerent: neminem admisisse vel seruilis fortunę, vel famę parum cōmodę, ne nascentē ciuitatē polluerent. In Demonstratione deinde valet, quādo bonorum ciuium virtutes collaudandę, vituperandę improborum vitia sunt. In iudiciali denique prodest, quones hic accusandi, illi defendendi: occurrendum ijs, qui ciuium nomine & titulo insolenter ad petulantiam, contemptū aliorum, omnis generis scele-



ra abutuntur, aut etiam pro ciuibus falso sese gerunt. Quin & priuatim idem plurimum commodat; quandoquidem nemo reperitur, qui ἀπολις & nullius Reipublicæ ciuis esse cupiat: vt ita res rationesque suas cunctas quisque instituat, quo charus sit ciuis, laudetur colatur, diligatur, non odio laboret & inuidia: aut sit naturâ quidem ciuis, voluntate vero hostis; semper memor illius definitionis, quæ in Vatiniana oratione legitur: Ciuis est, qui patriam suam diligit, ac bonos omnes saluos & incolumes desiderat.

Partes seu  
ordines vr-  
bis alicuius  
cur cogno-  
scenda?

Et quidem ad partes seu ordines vrbis alicuius quod attinet: necessarium omnino est, vt hi cognoscantur; quod pro quantitate & numero, qualitate deinde & moribus ciuium Respub. omnis constituenda, conseruanda, augenda amplificanda Secus si fiat, leges ferri ordo institui, vrbis negocia tractari, bella geri, hostes propulsari non possunt. *Aristoteles Politic. 3. cap. 2. & 4. cap. 12.* Et difficile factum Hippodamus Milesius existimauit, vt colluio quædam hominum, vnus manibus collecta quiete degat: nisi distinguatur. *Patr. ciuis de Repub. lib. 6. tit. 1.* Quia vere ciuitatis origo est χρεία, vsus ac necessitas vitæ: hæc propterea instituta, vt mutua communicatione sese homines iuuent, & è diuersis muneribus in vnam quandam harmoniam conspirent. *Platoz. de Repub.*

Partes &  
ordines vr-  
bis varij  
apud va-  
rios.

Hinc tanquam ex fonte, manarunt partes & ordines ciuium varij apud varias nationes. Indu septem genera suos distribuerunt: vnum Philosophorum, qui ab omni opere immunes & præstantissimi sunt habiti: secundum agricolarum: tertium pastorum & venatorum: quartum opificum: quintum milicium: sextum ephorum & præsidum; postremum consiliariorum & assessorum regionum. *Strabo lib. 15.* Egyptij septem habuerunt ordines: quorum primus fuit sacerdotum; alter pugnatorum; tertius bouum pastorum; quartus subulcorum; quintus rusticorum; sextus interpretum; postremus gubernatorum naualium. *Herodotus lib. 2.*

Arabes

Arabes trifariam partiti sunt Rempublicam; in sacer-  
dotes, agricolas & milites. *Diodorus lib. 6. cap. 10.* Galli,  
Iulij Cæsaris tempore, diuisi omnes in duo fuerunt ge-  
nera; Druidum & equitum: quorum illi rebus diuinis  
ac religioni operam dabant: hi bellis gerendis districti  
tenebantur. *Iulius Cæsar lib. 6.* Apud Athenienses tres  
fuerunt gradus: primus nobilium & doctrinæ dedito-  
rum *ἑταῖροι*: alter illorum, quib' agri erant assi-  
gnati: tertius plebis & artificum. *Diodorus lib. 1. cap. 2.*  
*Plutarch. in vita Thæsei.* Et inter hos illud erat discrimen;  
quod primi, nobiles scilicet & docti, dignitate;  
secundi & milites vsu; postremi, opifices, & artifices,  
multitudine præstarent in ciuitate. *Plutarch. ibid. Sigonius de Repub. Athen. lib. 2. cap. 2.* Romani tres quoq; or-  
dines ciuitatis constituerunt; vnum Senatorum; alte-  
rum equestrem; tertium plebeium. *Liuius lib. 1. à condi-  
ta vrbe.* Totidem constituit ordines & Plato, sed diuer-  
sa ratione: vt esset prim' agricolarum, opificum, mer-  
catorum, qui cæteris ciuibus, veluti horum ministri,  
ad vitam necessaria compararent; alter militum, qui  
ciuitatem tuerentur: tertius custodum, quorum auto-  
ritate & consilio res tum pacis, tum belli tempore ge-  
rerentur. *lib. 2. de Repub.* Aristoteles sex ad ciuitatē es-  
se necessarios ordines contendit; secundum res, quæ  
necessario in vrbe requiruntur: & constituit agricolas  
primum seu glebæ addictos, & pastores, propter vi-  
ctum: secundo opifices, propter instrumenta varia: ter-  
tio milites, propter arma: quarto diuites, propter pec-  
uniam: quinto sacerdotales, propter rerum diuina-  
rum procuracionem: postremo iudices & Senetores  
propter iudicationes & consultationes. *Polit. 7. cap. 9.*  
Et hos ordines qui non obseruat: non primum ani-  
maduerit, confusione & perturbatione nihil aspectu  
fœdius ac deformius esse. Non attendit deinde id,  
quod veteres affirmarunt, in tota rerum vniuersitate  
nihil maius ac melius reperiri, quam quod certo ordi-  
ne materiz quæque discretæ, inque suis collocatæ se-



dibus sunt. Non tertio perpendit, eos, qui ciues omnes sic æquare conantur omnibus, vt nihil primum in ciuitate, nihil postremum, nihil medium sit: perinde facere, atq; ii, qui hordeum, frumentum, milium, legumina alia in vnum æceruum accumulunt: qua ex re & singulorum seminum: & vniuersi æcerui vsum amittunt. *Bo-dinus de Repub. lib. 2. cap. 8.*

## QVÆSTIO LX.

QVAMOBREM CIVES OLIM PE-

*regini spurij, mercicij, serui non*  
*febant?*

**V**T ordines ac partes ciuitatis cognitu & vtilis & necessariae sunt: ita & illud prodest nosse, quinam in ciuim numerum admittendi aut reijcendi sint. Et quidē ad peregrinos quod attinet, quos Albinos nonnulli vocant, quasi alibinatos; Spartani esse ciues noluērunt, ne in urbem irrepentes, simul introducerent diuitiarum amorem ac studium, luxum, mollietatem, vitia alia. *Xenophon de Spartanæ Repub. Plutarchus in Lacedæmonicis institutis & in vita Lysanxi.* Apud Athenienses illi solum Athenienses habebantur: qui ex duobus nati Atheniensibus essent. *Plutarchus in Pericle.* Et propter morum dissimilitudinem contrariaque studia, grauius inter se factionibus, peregrinis admittis, laborāt. Testis Syracusana Respub. *Diod. lib. 11.* Testis Londinensis ciuitas. *Poljæorus lib. 27.* Testis vrbs Buda. *Confinius lib. 4. Decad. 3.* Vnde & conuersiones iape Rerum pub nascuntur. *Arist. Polit. 5. c. 3.* Etiam elati qui sunt ac superbi, assueti bellis, facile mansuetos opprimūt: qui mali & molles; alios corrumpunt. *Id. Polit. 3. c. 1.*

Secundo, habendi ratio generis, ortus, familiae: nothi ac Spuriij ciues fieri non poterant. Et Hebræi ex mandato DOMINI Spurijs in ciuitatem non recipiebant ad decimam vsque progeniem. *Deut. 23. cap. Est-*  
*que in*

que in promptu ratio: quia bene constituta in Repub. propterea instituta matrimonia sunt, vt certa proles nascatur. Deinde ciuitas est societas tantum liberorū hominum. Tum & exempla illa nocent plurimum: latam non modo fenestram, sed etiam portam aperiuunt ad libidines & scortationes. Huc accedit, quod illegitimo thoro incertoq; patre prognati. plerunq; turbulenti, alijsq; deteriores sunt, propter mala principia & institutionem minus diligentem. Postremo, si sparijs & nothis hæreditas recte negatur & successio: multo magis deneganda his ciuitas videtur. *Aristot. Politic. 4. cap. 6. & in hunc casus.*

Tertio beneficiorum aut maleficiorū habita quoq; ratio est: & Israëlitis Moses præcepit, ne Ammonitas aut Moabitas in ciuitatem suam admitterent, ne quidem decimam in progeniem: eo quod non suppeditassent illis cibum & potum, cū ex Aegypto progressi essent. Admiserunt contra Aegyptios, memores beneficiorum, quod aliquando in Aegypto peregrinati essent. *Deut. 23. cap.*

Quarto, sunt qui inter ciues non esse numerandos censent opifices. Fuerunt in ea sententia Paleas & Diophantus. Secutus horum opinionem est Epidamus, sed inepte, male, inique. Id quod his monstrat rationibus potest. Quia primum etiam opifices liberi sunt. Deinde, sublatis opificibus, ad paucitatē ciuitas redigitur. Tertio, iniquum est, excludere eos velle, qui maxima onera Reipub. portant. Quarto non minus benemerentur de ciuitate, quam milites, qui non excluduntur. Postremo inter partes ciuitatis numerati ante opifices fuerūt, de Platonis & aliorū sententia. Ne hinc obstet Aristotelis autoritas, qui *Polit. 3. c. 5.* optimam Rēpub. non facere ciues opifices affirmat. Loquitur. n. ille de sordidis & illiberalib. & mercenarijs, qui in excrementis ciuitatis versantur, & proximi seruis habentur: & loquitur maxime de Aristocratia, non reliquis Rerumpub. formis. *Arist. Polit. 3. & 3. cap. 5.*

Sed non negligendæ facultates sunt & opes: ideoq; Romæ census fuit ratio habita: & optima lege iudicabatur ciuis factus, qui domicilium, qui tribum, qui honorum potestatem esset adeptus. *Sigonius de antiquo iure ciuium Roman. lib. 1. c. 1.* Et mendici atq; supra modum pauperes nū vidētur in ciuitate ferendi, aut huius iure donandi: siquidē rationi difficulter obediūt. *Arist. Polit. 4. c. 11.* Sunt plerunque leues & petulantes. *Idem ibid.* Et lex est Platonis: Nemo nostra in ciuitate mendicus esto: quisquis id tentauerit & miserabilibus precibus stipem victumq; collegerit, eū præfecti è foro, ædiles tota vrbe, agrorū præfecti tota regione exterminent. *lib. 11. de Leg.* Rationes istæ sunt: quia miserabilis & commiseratione dignus non is, qui fame aut siti laborat, aut tale qd patitur, sed is qui virtute præditus, in miserijs & calamitatibus per aliquam occasionem versatur. *Idem ibid.* Deinde, qui è diuite pauper est temere factus & bona sua diuendit, nulla amplius ciuitatis pars est, non mercator, nō opifex, non miles, sed tantum pauper & egenus vocatur. *Idem lib. 8. de Repub.* Tertio, bonorum talis decoctor, quem admodum ficus in foro nascens, ex animis est morbus: ita in domo sua nascitur velut morbus Reipublicæ: perniciosus sibi & toti ciuitati est. *Ibidem.* Quarto, inde in ea ciuitate, in qua mendici cōspiciuntur multi, multi quoque reperiūtur fures, latibula quærētes, & βαλαντιόμοι, sectores crumenarum, sacrilegi, aliorum scelerum artifices. *Ibidem.* Et hoc obseruandum diligenter est propter mēdicos, dissolutos, prodigos & vagabundos, qui nusquam & tamen vbiq; manent: non laborant, & tamen manducant. Non enim Philosophi de illis loquuntur, qui orphani, qui decrepiti, qui egroti, qui infortunati & exules, & propterea commiseratione digni.

Postremo, etiam serui apud plerasq; nationes ex albo sunt ciuium exempti: propterea quod tales deformare Rempub. videntur. Quāquam hanc sententiā quidam

quidam oppugnant, & seruos eque atque liberos ciuitate esse donandos autumant his argumentis. Quod primum diuinum animal instar pecudis habere, arrogantis sit hominis. Deinde in humano quoque corpore membra reperiuntur nonnulla, ita pudenda, vt nemo verecunde ea nominare aut reuelare debeat: nec tamen propterea corporis esse membra desinant. *Boetius lib. 3. de Repub. cap. 8.*

## QVÆSTIO LXI.

### QVINAM FIERI CIVES ET RETINERE IN VRBE POSSINT AUT DEBEANT?

**S**equitur de illis vt agatur, qui ciuium numero & loco habendi, vrbis agnoscendi partes sunt: vbi breuitati studendum & ostendendum erit, quare cum literatissimi illiterati sint in ciuium album cōferendi? vt & reprehensionibus occurratur: commendentur illi, qui rebus publicis, & ornamento & emolumento sunt: etiam si a nonnullis vix quintæ, quod aiunt, classis esse iudicentur.

Et quidem ad facultates superiores quod attinet: sunt in Republica necessaria. Primo Theologi, sacrorum pietatis & religionis antistites, cuius præcipua cura in Republica est suscipiēda. *Plato 2. de Repub.* Quia finis vitæ nostræ primarius, & meta, ad quam collimandum, DEI cultus & honos est. *Plato 4. de legib.* Reipublicæ fundamentum ac propugnaculum religio. *Idem 4. de Repub.* Vera sapientia ac virtus, DEI cognitio: inscitia contra ac improbitas summa, ignorantia. *Idem in Theæte.* Fundamentum legum & virtutum omnium DEI metus & cognitio. *Cic. 2. de legib. & in oratione pro Plancio.* Fons felicitatis publicæ. Vnde illud Sibaritis oraculum redditum:

*Semper eris felix, venerans gens numina Diuum,  
Donec plus superis fueris venerata virum quem:  
Insima seditiorunc & sibi prælia surgent.*

*Athenæus lib. 12. cap. 6.* Et Romani non numero Hispanos, non robore Gallos, non calliditate Pœnos, non artibus Græcos, non denique hoc ipso huius gentis ac terræ domestico natiuoq; sensu, Italos ipsos, ac Latinos, sed pietate & religione atque hac vna sapientia, quod Deorum immortalium numine omni regi gubernariq; perspexerunt, omnes gentes ac nationes superarunt. *Cic. de Aruspicum responsis.* Priuatim quoq; religio plurimum cōmodat: quia minus illis insidiæ struntur, qui ob pietatis & religionis studium DEVM defensorem habent. *Aristot. 2. Rhetor. de confidentia.* Neque vlla sine DEO mens bona esse potest. *Seneca in Epist. 41. ad Lucinium.* Quod in naui est gubernator, in curru auriga, in choro choragus, lex in ciuitate, dux in exercitu: id DEVS in mundo est. *Aristot. in lib. de Mundo.* Et facilius vrbs condipi potest sine solo, quam ciuitas coire aut constare opinione penitus de dijs sublata. *Plutarchus aduersus Colotē.* Itaq; legimus translata esse & mutata & vastata regna & imperia propter vnicum contemptum religionis. *Dent. 28.* Et hic idem contemptus contemptum magistratus parit. *Pluto 4. de Repub.* Et ingentis pœnæ loco Propheta minatur, fore, vt multi in Israël dies absq; DEO vero, absq; sacerdote, absq; doctore, absq; lege abeant. *Paralip. 2. c. 15.* Aeschines quoque, in oratione de falsa legatione, audiēdos eos esse monet; qui patrijs de ritibus docere alios cupiunt. Et Iure consulti ac leges de sacrosanctis Ecclesijs & earundē priuilegijs, de Episcopis & clericis præclara multa habent. *Cod. li. 1. c. 2. & 3.* Hinc quoq; Galli cōmendantur à Cæsare, quod iuuentutem prius de his docerent, quæ ad religionem facerent: deinde quæ prodesse ad Rempub. capeffendam. *lib. 6. comment. de bello Gallico.* Laudantur Romani, qui singulis annis aliquot principum filios Hetruscis tradiderunt in disciplinam, vt sacra discerent ante omnia, negotiorum in vrbe post directores futuri. Et primas semper in deliberationibus religioni tribuerunt. *Valer. Max. lib. 1.*

Post

Post interpretes religionis, ad antistites legum Iureconsultos ut veniatur, necesse est. Videtur hos improbare Plato, cum *libro de Reipub.* 3. turpe esse docet, & magnum argumentum impetrat, in eas angustias adduci, ut cogantur uti iure quodam aduectitio & mutuo ab alijs propria iuris penuria. Indiciū idem esse affirmat male constituta Reipub si multi Iureconsulti in ea inueniantur. *Ibid.* Qui totum tempus vitæ in foro & controuersijs consumant. *Ibidem.* Et multi nō sine iure quidem, sed tamen Iureconsultis viuere volūt: quod de Vngaris refert *Vives li. 7.* de causis corruptarum artium. Et Cuspianus, *Fridericum III.* Iureconsultos mediocriter dilexisse refert: quod diceret, Iuris æquitatem ab illis inuerti, sædari iustitiam. Quod tamen non de Iureconsultis veris, sed fortissimiabulis & rabulis intelligendum, qui aliquot iuris formulis memoria mandatis dominari in foro conantur, elictulos suos eruant & exhauriunt, dū lites ferunt & alunt, non tollunt. Iureconsulti veri iuris sacerdotes merito appellantur. Iustitiam namque colunt: boni & æqui proficentur notitiam: æquum ab iniquo separāt: licitum ab illicito discernunt: bonos non solum metu pœnarum, verum etiam premiorum exhortatione efficere cupiunt; philosophiam veram, non simulatam sectantur. 1. *Digest. tit. 1.* Similes sunt Scholarum magistris, qui discipulis suis literas quasdam præscribunt, quas ipsi exprimant. *Plato in Protagora.* Vnde horum domus Cicero ciuitatis oracula vocat. Ad Iureconsultos enim olim sic veteres adibant, ut non solum de omni iure ciuili, verum etiam de omni officio & negotio referretur. 3. *de Orat.* Et sine Iureconsultis recte Aristoteles affirmat, ciuitatem recte feliciterque habitari non posse: propterea quod de commodis & iustis iudicium reddendum Iureconsultis. *Polit. 3. cap. 8.* Ac sane, sicut morbi corporum medicorum inuentis curantur: ita immanitas animorum legumlatorū exterminatur prudentia. *Demosth. Oracione 2. contra Aris-*



*Stagitonem.* Leges sunt Rerumpublicarum vincula. *Plato. 1. de Legibus.* Fundamenta libertatis. *Cicero pro Cluentio.* Vita humanæ solatia. *Cassiodorus lib. 3. variarum.* Velut muri magistratuum contra vulgi importunitatem. *Leo Imperator in præmio Constitut. novell.* Non excludendi & exterminandi è ciuitate Iureconsulti erunt, qui legum custodes & interpretes. Atque hanc ob causam Plato annum agens 86. iuris ciuilis peritiâ sibi acquisiuit. *Valer. Max. lib. 8. cap. 7.* Alexander Seuerus Imperator sine Iureconsultis magnum aliquid non decreuit. *Pomianus de magnanimitate.* Iustinianus Tribonianum, Theophilum, Dorotheum amauit & cõluit *Cuspinianus.*

### Medici.

Ad Medicos quod attinet, inuenti sunt quidã, qui his non vsque adeo honorem magnũ tribuerũt aut locum concesserunt in vrbe. De Græcis quæritur Cato, quod omnia corrumpant Romæ maxime cum Græcos medicos committunt. *Plin. libro. 29. cap. 1.* Et ibidem Æsculapij templum fuit extra urbem extructum, vt inde colligeretur, necessitate, non voluntate aliquid Medicinæ Romanos tribuere. *Plinius eodem in loco.* Ac notum illud Adriani Imperatoris: qui moriturus dixit, Multorum medicorum turba me perdidit. *Dion in Adriano.* Ac sentit ita Plato, profligatæ & turpis educationis, prostitutæ disciplinæ in Repub. argumētũ esse, si cuiusvis ordinis homines medicorum opera indigeant. Absurdum idem esse contendit, homines medicorum auxilio opus habere, non vulnerum sanandorum, aut popularium tantum morborum causa, quia æris in temperie pro anni constitutione nascuntur: sed illorum morborum gratia, qui ppter desidiam & dissolutum victum oriuntur. *3. de Repub.* Sed vt nō male hoc à Platone adfertur: ita non Medicorum interim auctoritatem eleuat. A Deo enim est omnis medela: altissimus de terra medicinam, medicum creauit. *Ecclesiast. 38.* Scripturā eadem medicum honorare iubet propter necessitatem. *Ibid.* Affectionibus enim varijs corpus



corpus nostrum obnoxium, nō impatibile est, vt adamas: duplices corruptionis habet causas: alteras internas, alteras extrinsecus incidentes: vbi medi dēdi scientia requiritur, sunt medici necessarij. *Galen. lib. 1. de sanitate tuenda, cap. 4. & 7.* Imo ægrotare incipimus mox vbi nascimur. *Augustinus super Psal. 111.* Quod magis est, tota hominis vita nihil, nisi morbus perpetuus, est. *Idem Sermon. 74.* Et hi morbi non per se curantur: aut valetudo solum sustentatur corporis notitia & obseruatione eorum, quæ aut prodesse aut obesse solent, & continentia in victu atque cultu corporis, & prætermittendis voluptatibus: verum etiā arte eorum, quorum ad sententiam hæc pertinent. Hanc ob causam, qui rem familiarem administrant & præfunt Reipub. magistratus; curare suorum valetudinē iubentur. *Aristot. Polit. 1. cap. 10.* sed ita, vt non quosuis Medicos in vrbe admittant. sed tantum ante exploratos & probatos, *Plato. 3. de Repub.* Et laudatur Iulius Cæsar, qui eos, qui veram Romæ medicinam profitebantur, ciuitate donauit. *Suetonius in eius vita.* Et Græci commendantur, qui Hippocrati eosdem, quos Herculi, honores decreuerunt: quod pestem venientem prædixisset, & discipulos ad auxiliandum circa vrbes misisset. *Plinius lib. 7. cap. 37.* Refert quoque Philippus Comminæus Ludouicum II. Gallorum regē, medico suo Cauterio singulis mensibus decem millia aureorum dedisse, vt vitam prorogaret. Et denique commendatum omnib⁹ esse illud Isocratis debet, qui discipulos suos monuit, vt valetudinis ante omnia curam haberent: ac partim à peritis, quæ possent, discerent: partim per omnem vitam se ipsi obseruarent: quinam cibis, qui potus, qui labor ipsis conduceret: & quo pacto his vti quam optima valetudine vterentur. *Xenophon memorabilium lib. 4.*

Quemadmodum vero facultatum superiorum est *Philosophi.* magnus in Repub. ac ciuili societate vsus: ita non negligendi illi sunt, qui in Philosophia excellunt. Sunt plures

plures quidem Domitiani tempore partim interfecti  
 partim pulsi vrbe totaque Italia: quod operam Philo-  
 sophiæ darent. *Xiphilinus in Domitiano.* Aristotelici  
 sunt libri combusti Alexandria. *Idem in Antonino Ca-*  
*racalla.* Et Socrates eos, qui in Philosophiæ studijs  
 longo sūt tempore versati, affirmat ridiculos esse, vbi  
 ad forū venerint: eo quod otio diuturno ac summa in  
 tranquillitate vixerūt. *Plato in Theæteio.* Personarum à  
 muneribus Valens Imperator immunes atque liberos  
 nō vult esse Philosophos. Reddatur, inquit, vnusquis-  
 que patriæ suæ, qui Philosophiæ habitum indebite &  
 insolenter vsurpare cognoscitur: addita hac ratione,  
 quia turpe est, vt patriæ functiones ferre nō possit, qui  
 etiam fortunæ vim se posse profiteretur. *Cod. lib. 10. tit. 52.*  
*de Professoribus ac Medicis.* Reipta deprehenditur, eos,  
 qui ad Philosophiam animum appulerunt, & diutius  
 in hoc studio versati sūt, morib. peregrinis & impor-  
 tunis præditos esse, aut reddi inutiles ad Remp. capes-  
 sendam. *Plato 6. de Repub.* Sed non quia indebite & in-  
 solenter Philosophiæ habitum vsurpant, sunt barba &  
 pallio sapientes: iccirco & veri Philosophi excludēdi:  
 nec illorum studium contemnendum, qui sapientiæ  
 dant operam: etiamsi multitudo imperita de histmi-  
 nus dextre sentiat: iudiciū peruersum adhibeat: huic  
 occasionem illi præbeant, qui falso Philosophiam sibi  
 vendicant. Nam & ille ipse Plato nō prius affirmat fi-  
 nem malorum futurum in Rebus publicis, quam Phi-  
 losophi in illis summam rerum obtineant. *6. de Repub.*  
 vel qui reges sunt & optimates, germana quadam ra-  
 tione philosophentur. *5. de Repub.* Et sunt Philosophi  
 Pentathli, Quinquertiones, quia omnium artium ge-  
 nerales rationes intelligunt. *Plato in Dialogo. qui Ama-*  
*sarias, seu Philosophia inscribitur.* Estq; magnum reuera  
 illud, quod qui vere philosophantur, sua sponte agunt;  
 quæ ceteri legum metu faciunt. *Plutarch. de amore vir-*  
*tutum.* Neque quicquam Philosophia est aliud, quam  
 vitæ lex. *Seneca epist. 95.* & gubernaculum per ancipi-  
 tia flu-

tia fluctantium dirigens cursum, monens, vt casum  
 quisque aduersum commodè ferat. *Idem epist. 16.* Ex-  
 trahens vitia radicitus, ad status accipiendos animos  
 praprans, *Cicero 2. Tuscul.* Atq; hanc ob causam Ari-  
 stoteles pacis tempore esse Philosophiæ operam dan-  
 dam scribit: quæ omnis societas, ciuilis ad bellum &  
 pacem est accomodanda. Ad bellum duo requirun-  
 tur: Fortitudo & constantia: ad pacem Philosophia,  
 ad vtrunque temperantia & iustitia. *Politie. 7. cap. 15.* Et  
 pulchre ratio redditur, quare artes liberales & studia  
 Philosophica negligantur à Plinio: Cum postquam,  
 inquit, senator censu lectus, index fieri censu, nihil  
 magis exornare magistratum ac ducem cepit: omnes  
 artes, quæ à maximo bono liberales sunt dictæ, in con-  
 trarium cecidere. *lib. 14. in Proemio.*

Quemadmodum vero sūt politia & vrbe digni vere *Oratores.*  
 Philosophi, non intolerantes & indocti Sophistæ: ita O-  
 ratorum quoque diligens ratio habenda, etsi apud  
 quosdam etiam ipsi minus commodè audiāt. Viden-  
 tur enim vti ea lege, vt omnia mendacio ac simulatio-  
 ne tegant: populorum motus, legum abrogationes,  
 mutationes religionū, rerum publicarum conuersio-  
 nes & interitus: mala alia his accepta ferātur. Deinde  
 oratio etiam quo magis ad splendorē & ornatum ac-  
 cedit, eo à veritate recedit longi⁹. *Plato in Axiocho.* Tū  
 & Lacedæmonij parum oratoribus tribuerunt. Acce-  
 dit huc & illud, quod iudicia Oratores corrumpere vi-  
 dentur: & plus his nocent, quam qui largitionibus v-  
 tuntur: quod pecunia corrumpere prudentem nemo  
 potest, dicendo potest. *Amianus Marcellinus lib. 30.* Ve-  
 rum hæc omnia non impediunt, quo minus Oratori-  
 bus in Repub. locus concedatur. Est enim omniū re-  
 rum & quidem præstantissimarum ea conditio, vt his  
 perperam homines vrantur. *Aristoteles Rhetoric. 1. cap.*  
*1. Quintilianus lib. 2. cap. 17. Cicero 1. de Inuentione.* Nec  
 sunt Oratores habendi, quorum orationes verborum  
 tantum splendorem habent & ornatum; sententijs  
 pruden-

prudentibus carent. Lacedæmonij vero etiam alia studia & liberales artes cōtemperunt, ut potest toti armis dediti. Et sunt amandiac colendi oratores: quia nullæ principum opes ac legiones plus valent, quā admirabilis dicendi vis & facultas eius, qui populorum animos languentes erigere, & ad bellum inflammare, & ad vim paratos exarmare, & ardentes ad virtutem cohortari, & à vitijs acriter reuocare, & ad mores hominum accommodare orationem; à benevolentia ad odium, ab odio ad benevolentiam deducere potest. *Bodin. de Repub. lib. 4. cap. vlt.* Est sceleratis exitio, innocentibus præsidio, improbis terrori, ornamento probis. *demibicem.* Et est necessarius vsus Oratorum in veritate ac iusticia defendenda. *Aristot. Rhetor. l. c. 1.* in constituenda arca salutis. *Idem in præfatione Rhet. ad Alexandrium:* in vertenda senatus grauitate, in ferendo auxilio supplicibus, in excitandis afflictiis. *Cic. 1. de Orat.* Neq; alia ratione regni multitudo, inq; potestate haberi potest, nisi orationis præsidium adhibeatur. *Plutarchus in præceptis Re pub. gerendæ.* Quemadmodum enim serpentes verborum quibusdam illecebris capiuntur: ita hominum ferocissimorū barbaries atq; teritas Eloquentiæ dulcedine ac suauitate mitescit. *Bodin. lib. 4. cap. vlt.* Et si seditiones tum in castris, tum in ciuitatibus sunt crebræ & summæ perniciosæ: compesci nulla alia ratione istæ possunt, quam si Oratores adsint, qui sapienter dicendo eas compescunt ac sedant. Idem faciunt, quod Medici, qui morbos & vulnera periculosa à putredine conseruant. *Aristot. Polit. 5. c. 5.* Ut nihil dicamus de legationibus. Est legatorū nomen apud omnes nationes sanctum. *Cæsar lib. 3. de bello Gallico Tacitus lib. 3.* Sunt legati oculi ac aures regnorum. *Quietiærdinus lib. 5. historiar.* At suam hi autoritatem non tuentur, nisi eloquentes & oratores boni exriterint: oportet enim tales lingua esse instructos ab omni parte: ut quouis disputationem genere possint palmam obtinere: nec aliena lingua yti cogantur.

Gregoras

*Gregoras lib. 6. historiarum.* Et refert in *Pyrrho*. *Plutarchus*, quod *Pyrrhus* ipse factus fuerit, plures à *Cynæa* Oratore ac legato suo oratione vrbes, quàm à se armis expugnatas esse.

Quod vero de Oratoribus est dictum, idem de Historicis quoq; affirmandū videtur. Habuit Imperator *Tacitus* eo in honore historicum *Cornelium Tacitū*: vt omnibus in bibliothecis eum collocari curaret. *Sabellius lib. 7. Ennead. 7.* *Hadrianus* Imperator *Dionysij Milesij* ita amauit historias, vt & ipsum sua dignum mentia iudicaret. *Philostratus in Sophistis.* *Tito Vespasiano* sic charus *Iosephus* extitit, vt *Hierosolymis* captis, potestatem ei faceret petendi & exportandi inde, quicquid vellet. *Iosephus in vita sua.* Rerum suarum scriptorem *Theophanem* ciuitate *Pompeius* donauit. *Cic. pro Archia.* Neq; sine ratione. Quod enim de Græcis dicitur, pueros illos esse, quod antiquitatis memoriam non habeant, apud *Platonem in Timæo*. *Cicero* affirmat in *Oratore perfecto*: Nescire, quid, antequam natus sis, acciderit, est semper puerum esse: de omnibus intelligendum videtur, qui partim viuus, partim in mortuis, de antiquitate erudire sese non sinunt: non historicos admittunt: non legunt historias. Et sane si Historia est thesaurus ad omnem posteritatem: non ludicrum quiddam, quo ad præsens tantum tempus aures demulceantur. *Thucydides lib. 1.* Testis temporum, lux veritatis, vita memoriæ, magistra vitæ, nuncia vetustatis. *C. 2. de Oratore*: quid & quantum sit tribuendum Historicis facile apparet: cum præsertim & illud accedat, vt mores, actiones, vitamque nostrā totam *Historici* recte conforment & instituant: sicque plurimum futuro Politico prolit. Est enim hoc præcipue in cognitione rerum frugiferum, omnis te exempli documenta in illustri polita monumento intueri: vnde tibi tuæq; *Reipub.* quod imitere, capias, vnde scđum incepru, scđum exitu, quod vites. *Livy lib. 1. Decad. 1.* Ostendunt legentibus *Historici* præteritorū exem.

exemplis, quid expetendum aut fugiendum nobis sit; quia cognitio, ex aliorum tum secundis, tum aduersis rebus percepta, doctrinam habet extra periculum constitutam, *ἡ δα σκαλίαν ἀπειρον*. *Diodorus Siculus libro. 1.* Quin & exempla cum proponuntur, ad æmulationem ingenia vere liberalia excitantur: quemadmodum Achillis exemplum currendi calcas Alexandro addidit: Cætare ad virtutem militarem impulit Alexander: Carolus V. ad gloriam tantam impulit æmulatio Ludouici XII. Galliarum regis, cuius historia à Cominæo descripta, charissima fuit. *Boetius in proemio o. methodi h. floriet.* Ut de illo nihil iam dicatur, quod Historici non tantum res præclare gestas ab obliuione vindicant: verum etiam conferuant laudem & gloriam clarorum virorū, imo integrarum nationum. Omnes enim omnium virtutes tanta sunt, quantas videri eas voluerunt, quæ aliorum facta descripserunt. *Vopiscus in proemio.* Et ex historia accuratè scripta hæc duo eueniunt, quæ sunt æquissima & optima: ut viri fortes, qui fatum suum impleuerunt, gloriam immortalem consequantur, laudentur à posteris: deinde, ut horum progenies non otio se turpi dedat, sed labores honestos suscipiat. *Dionysius Halicarnassensis lib. 1.* Et quomodo de Deo tum essentia, tum voluntate certi essemus, eiusdem exequere mur mandata: nisi Historiæ & literæ sacræ essent? Vbi esset cognitio eorum, quæ in Ecclesiâ post acta sub viris sanctis: nisi essent Epiphanius, Origenes, Eusebius, Paulus Diaconus, Nicephorus, Euagoras, Scholasticus, Socrates, Sozomenes, Theodoretus, Cassiodorus? Quam turpi obliuione sepultæ iam iacerent res Germanorum: nisi essent Cornelius Tacitus, Albert<sup>9</sup> Krantzius, Beat<sup>9</sup> Rhennus, Birkhaimerus, Vilibaldus, Glæcanus, Tritemi<sup>9</sup>, Wimphelingus, Cuspinianus, Auantinus, Sleidanus? Et Gallorum: nisi essent Bellaius, Amylius, Verroni<sup>9</sup>, Gregorius Turonensis, Frossardus, Cominæ<sup>9</sup> Gilbertus Co-



rus Cognatus, Massouius, Tritemius? & Hispanorum? nisi essent Antoni? Negliffensis & Franciscus Taraffa? Et Polonorum? nisi essent Gromerus, Callimachus, Quagninus? & Anglorum? nisi essent Polydorus Virgilius, Bēda, Gregorius Linus? Et Scotorum? nisi esset Boētius & Buchananus? Et Vngarorum, nisi Cortheſius, Bomphinius Ricus, Lasius, Soiterus? Et Bohemorum: nisi Aeneas Syluius & Buprouius? Et Moscovitarum: nisi Baro Herberſtenius, Boſſeninus, Iouius? Et Danorum? nisi Albertus Krantzius, Saxo Grammaticus, Egenbergerus? Et Succorum? nisi Albertus Krantzius, Ioannes Magnus, Olaus Magnus? Et Turcarum? nisi Egnacius, Lonicer?, Soiterus, Iouius, Stella, Pomponius Lætiſ, Folietta, Bomphinius essent?

Sed de Historicis minus laborandum eſt: in dubitationem illud magis venit, an ſint Poētæ ferēdi? Videtur enim hic aduerſari primum Plato, qui Poētas ſuā de Republica exterminauit: hoc maxime nomine, quod moribus illi noceāt: frena laxent ad omnis generis vitia: cum introducunt peſſima exempla non ſolum heroum, verū etiam ipſorum Deorum: deinde venenum melle conditum inſtillent pueris: in hominum inſuāt animos admodum molliter: fabulis, oratiōis genere, ornamentis, pigmentis verborum & figuris, *lib. 3. & 10. de Repub.* Tum etiam Zeno Stoicus ad perceptionem disciplinarum nihil eſſe ineptius Poēſi dixit: quod tamen recti⁹ de diſcendi modo, quam ipſa Poēſi intelligendum videtur. *Lærtius lib. 7.* Huc & Epicurus accedit, qui vt alia artes, ita quoq; Poēſin riſit: tanquam anicularum deliramenta. *Plutarchus de Poētis audiendis.* Omnium vero illud grauiffimum, quod Pphilippus Imperator ſtatuit, ne immunitate Poētæ donarentur, vt alij. 10. *Cod. tit. 52. de Profeſſoribus & Medicis,*

Verum non hæc obſtare omnia debent, quo minus veris Poētis locus bene conſtituta in Republica relinquitur. Eſt enim Poëtica antiquiſſima: etiā ante bellum Troianum ſunt Poēmata inuenta. *Plin. lib. 7. cap.*

36. Cic. 4. *Tuscul.* Et Poëtæ ipsi longe antiquiores historicis & ipsis oratoribus. *Seneca de vita tranquillitate lib. 1.* Vera & germana Poësis non tam industria & labore cōparatur, quam divino quodam impetu existit: autorem DEVM seu Musam habet, cuius vi versus effunduntur. *Plato ni Ione Cic. 1. de divinis. & in oratione Archiana.* Vnde illud Poëtæ Ouidij:

*Est Deus in nobis, agitante calescimus illo.*

Hoc etiam nomine sunt Republica & honore digni Poëtæ: quia res gestas clarorum & illustrium virorum celebrant. *Plato 2. de Repub.* ut recte à Poëta Lucretio sit dictum:

*Carminē sit viuax virtus experiq; sepulchri.*

Et à Lucano

*Osacer & magnus vatum labor: omnia fatō*

*Eripis, & donas populi: mortalibus æuū.*

Et felix idcirco Achilles iudicatus ab Alexandro Magno fuit, quod Homerum virtutū suarum præconem nactus esset. *Plutarch. in vita Alexandri, & Arrianus lib. 1.* Quin & meliores reddunt homines. *Aristophanes in ranis.* Et vniuersæ vitæ conformandæ rationem monstrant: affectibus nostris pacem ferunt ac subdunt: ut nihil his melius haberi queat. *Seneca lib. 1. Epist. 8.* Excitant præterea & inflammant homines ad res præclaras capellendas. Et Spartanos legitimus in fugam tam conuersos, restitutos fuisse carminibus *Histræi Pausanias in Messenicis.* Huc accedit, quod artes plurimæ ac necessariæ à Poëtis sunt traditæ: Phisica à Lucretio: Mathematica ab Arato: Ethica à Pythagora, Theognide, Hésiodo, Phocylide: Historia ab Homero, Virgilio, Lucão, alijs. Postremo mirā voluptate afficiunt homines & oblectant. Quā de causā custodibus Remipub. lectio Poëtica etiā à Platone est permissa: ut reficiant ac recreent animos defatigatos, ac paratiores reddant ad Reipub. munera obeunda. *Plato de Repub.* Itaque mirum non est, regibus ac principibus charos semper Poëtās extitisse. Cræsus Lydorum rex Pindarum tanto est

po est amore profectus, vt eum auferre iubefet auri, quantū posset nūc vellet *Zofes de varia historia*. Huius familię Alexāder pepercit, Thebis iā occupatis *Ælianus variar. historiar. lib. 13*. Vergilius sic acceptus Augusto extitit, vt eius diem natālem singulis annis celebraret. *Plinius lib. 7. cap. 30*. Vespasianus primus ex fiscoalaria Poëtis constituit. *Suetonius in eius vita*. Martialis ocos vnice Ælius Ferus Imperator amauit. *Crinus de Poëtis*. Poëtārum certamina Domitianus instituit. *Suetonius in eius vita*. Carolus Magnus versus, res gestas Romanorum cōtinentes, magnū fecit; decantari etiam iussit. *Ælianus lib. 4*.

Sed & requiri nunc videtur: vt de alijs quoque, & *Milites.* quidem primo Militibus agatur. quorum summa dignitas, honestas, vtilitas ac necessitas bene constituta in Repub. deprehenditur. Ex ijs enim, è quibus honestas atq; officium manat, splendidissimum cum primis illud est, quod animo factum magno & elato est. 1. *Officior. Cicero*. Et prima laus atq; gloria comparata adolefcentibus est rebus bellicis. *Idem 2. Officior.* Neque Romę vlli cūm licuit vllum magistratum vrbānum gerere, qui decem annos non militasset. *Linus lib. 10. Decad. 4*. Et quo fuerint loco numeroque milites habiti, & qui castra sequuntur ac Martia iura tractant, tituli satis testantur. Duces enim à ducendo nomen habent, quod illorum sit, ducere exercitum: Comitēs, qui reges & principes comitantur, quietos & periculi expertes, limites regnōrū custodiunt. Marchiones, qui ad Marcham custodiendam sunt cōstituti, id est, tractū limitā eos. Barones *ἄρχοντες βασιλῆως*, quod ceteros dignitate antecellere debent, beneficiarios: seu vt alijs placet, quod domos vndiq; occlusas habeant turribus barreis, & regiones ita defendant, *Cælius Rhodogianus lib. 8. cap. 30. & Kranzius lib. 3. historiarum*. Habent nomen Nobiles, quod illorū maxime nobilis in

bello esse nota virtus debeat. Et apud Germanos ab Aquila dicuntur. Aquilæ vero insignia Romani imperij. Milites quoque nuncupari videntur à mollietate per *ἀντιφερον*, quod minime sint molles, sed duram vitam traducant: vel à malo, quod suo periculo mala & incommoda auertant. Vnde Philemon Comicus non homines esse milites; sed quasi victimas, singulis pene momentis duci velut ad sacrificiū affirmat. Sunt præterea militibus constituta insignia præmia: laudationes & gratiarum actiones pro concione factæ. *Cornel. Tacit. lib. 2. Annalium.* Orationes habitæ in celebrationem eorum, qui in bello occubuerunt: maxime Athenis: vbi quotannis in festis Februarij & publico funere fuerunt laudib. celebrati, qui in bello pro Repub. cecidissent: vt inde quisque disceret patriam suam amare, commoda publica priuatæ salutis antepone-  
*re. Plato in Menexeno.* Fuerunt illis datæ coronæ graminæ & obsidionales, quernæ ob ciuium aliquorum vitam defensam: castrenses, itidem murales. *Polybius lib. Zonaras lib. 2. Plutarch. in Mario. Plinius lib. 7. cap. 28. Gellius lib. 5. cap. 6.* Et Torques; tam duplares, quam simplices. *Vegetius de re militari Libro 2. cap. 7.* Armillæ: *Linus lib. 10.* Hastæ: *Pompeius Festus.* Vexilla: *Suetonius in Augusto.* Vestes: *Linus lib. 10.* Statuæ: *Plinius lib. 38. cap. 5. Agri: Carolus Sigonius lib. 2. de antiquo iure Italiae. Et Stennegius in Vegetium lib. 2. cap. 7.* Priuilegia etiam alia fuerunt militibus concessa & immunitates ab oneribus publicis: vt municipale nullū illis iniungi munus possit, nisi in fraudem munerum nomen quis militiæ dederit. *Cod. lib. 10. tit. 49.* Et Alexander Seuerus magis se milites seruare velle dixit, quā seipsum: eo quod salus in his publica posita esset. *Lampridius in Severo.*

Neque id sine causa: quod milites, cum se negligi & cōtemni vident, si sunt boni, redduntur alacres: si sunt mali, prouincia propensius fiunt ad contumeliam. *Xenophō lib. 5. de Padiæ Cyri.* Nec sine causa Romulus ita populum

pulum ciuitatis diuisit in maiores & minores. vt altera pars consilio, altera armis Rempublicam defenderet. *Macrobius libro primo cap. 12.* Et naturæ lege sapientia & potentia excellens in idē tēdunt, semperq; ista duo coniuncta in Repub. requiruntur. *Plato Epist. 6.* Et alter alterius semper eget auxilio, & tā militaris res legibus in tuto est collocata, quam ipsæ leges armorum seruata præsidio sunt. *Plato Epist. 7.* Et parum per se tutata semper probitas finit. *Sallustius in libello Iugurthino.* Hinc illud: Militibus & pecunia omnia superantur. *Cæsar lib. 2. de bello Gallico.* Milites tam sunt necessarij, quam denarij. *Dion lib. 53.* Romani quoq; nullā realia orbem terrarum subegisse videtur, nisi armorū exercitio & disciplina castrorū. Neq; enim aduersus Galorum multitudinem paucitas Romana valuisset: aut aduersus Germanorum proceritatē breuitas: aut aduersus Afrorum dolos & Græcorum artes ac prudentiam: nisi apud eo ius armorum & exercitia militaria quotidie fuissent. *Vegetius de re militari, lib. 1. cap. 1.* Et quid verbis hic opus est? Deus ipse exercituum Dominus vocatur. Et idem de Cyro affirmat: Apprehendi dexteram eius, vt subiiciam ante faciem eius gentes. *Esaiæ. 45.* Ab hoc animati & armati sunt Iosua, Gedeon, Samson, Dauid & alij. Iubentur milites non arma abijcere, sed suis stipendijs contenti esse. *Luc. 3.* Vt male videantur cōtra milites illa obijci, quæ ab usu tantum indicant, plerumq; inopes ac homines vagos militiam sponte sumere. *Cornel. Tacit. 4. Annalium.* Ciuitatum mala exoptare: quemadmodum Medicinoli tuos amicos commode valere. *Philemon Comicus.* Totam denique disciplinam militarem non nisi in hominum perniciem occupatam esse: bellum nihil aliud, quam cōmune multorū homicidium ac latrocinium: milites stipendiarios & in Reipub. exitiū armatos latrones. *Cornelius Agrippa de arte militari, cap. 79.*

Quemadmodū vero milites non omnibus placent: Mercatores  
ita nec apud cunctos bene & cōmode Mercatores au-



*Cēramer-  
satiram.*

diunt. Est vtrique illud Scripturæ notum: Duæ species difficiles & periculosæ: difficile exiit negotians à negligentia seu deceptione: & nō iustificabitur caupo à peccatis labiorum *Eccles. 26.* Et inter medium emptionis ac venditionis peccans angustabitur. *Ibid. c. 27.* Stadijs Octaginta à mari remota commendatur ciuitas: minus probatur situs maritimus: eo quod faciat, vt commerciorum copia ac licētia bonis moribus noceat, ciues diffuant delicijs, quæ importantur. *Plato 4. de Legib.* Phœnices arguuntur à Cicerone, qui primi mercatores Græciam impleuerūt auaritia & inexplebili cupiditate. *Nonnius ex 3. Cicer. de Republica.* Idem Cicero sordidos eos vocat, qui mercantur à mercatoribus, quod statim vendant: neq; quicquam tales proficiant, nisi admodum mentiantur, *lib. 1. Officior.* Mercaturam sordidam esse iudicandā censet si tenuis extiterit. *Ibidem.* Sunt alij, qui Germanorum hoc institutum probant, quod vinum ad se importari non fuerint passi: eo quod arbitrarētur ea re ad labores perferendos emollescere homines & effœminari. *Auentinus lib. 1. Annal. Boiorum.* Cornelius quoque Agrippa, vt alia taxat, ita quoque Mercatores perstringit: quod merces inuehant damnosas, & quæ obraritatē vel deliciās à mulieribus & pueris appetuntur: quæ ad nullam vitæ faciunt necessitatem, sed tantum ad luxum, ad pompam, ad fucum, ad ludum, ad mollietiē, ad voluptatem: quod immensa pecunia quotannis prouinciās & regna spoliānt, quod bonos mores vitij peregrinis introductis corrumpunt: & denique sublato patrio ritu semper externis & nouis rebus studentes, perditissimis implicant consuetudinibus. *De Mercatura, cap. 72.*

Verum sunt de abusu ista intelligenda omnia: non mercaturam ipsam damnant: nō mercatores esse minus vtilēs & necessarios euincunt. De v's ipse statueram iustam, æqua pondera, modum iustum, sextarium æquum requirit: negotiationes ergo probat, quibus  
ista in-



Ista inferuiunt. *Leuitici* 19. Prohibet idem DOMINVS ne circumueniamus fratrem in negotio, vindex ipse hac de re futurus. Cicero magnam & copiosam, multa vndique apportantem multis sine vanitate, laudata ac probat. *i. Offic.* Est apud Platonem insignis mercaturæ diuisio: cum vna illorum cōstituitur, qui vendunt, quæ ipsi emerunt, αὐτοπωλική: altera, quæ aliena opera mutat & distahit, μεταβλητική. Et hæc rursus duplex: Cauponaria, καπηλική, quæ in vrbe fit, distractio: vel mercatura proprie ἐμπορική, quæ ex alia vrbe in aliam emptione & venditione rerum occupatur. *Plato in Sophista.* Hinc quoque mercatores distinguuntur: quod alij sunt proprie caupones, καπηλοι qui in vrbe, in qua emerunt aliquid, illico vendunt: alij mercatores proprie ἐμπροι, qui vndiq. per ciuitates commeant. *Plato 2. de Repub.* Aristoteles quoque, cum de ratione ac. quærendæ pecuniæ agit, quatuor huius species cōstituit: mercaturam, fœneratoriam, mercenariam, & mixtam seu metallicam. *Polu 1. cap. 7.* Et negotiatoribus immunitates maximas Alexander Severus cōcessit, numerum & tributum auri iustralis dedit. *Lampri- dius in eius vita.* Sunt præterea de emptionibus ac venditionibus apud Iureconsultos præclara multa: *Instit.* 3. tit. 23. *Digest. lib. 2. tit. 24. Codicis lib. 4. tit. 38. vsque ad 59.* De nundinis & mercatoribus *tit. 60.* De commercijs *tit. 63.* Neque id iniuria. Si enim ciuitatis origo est necessitas, vt est: communicationem hæc requirit in dando & accipiendō positam, commercia libera equis ex legibus flagitat. *Plato 2. de Repub.* Et quia nō omni in terra omnia abundant, multa defunt vtilia & necessaria: mercatores creati sunt, vt, quæ præsto non habentur, alijs, & quidem ijs ex nationibus petantur, in quibus abundant. *Aristot. Polit. 6. cap. 4. Rodinus de Repub. lib. 3. cap. 8. de ordinibus ciuium.* Et sunt mercatores

in Republica, veluti pedes in corpore humano, qui reliquis necessaria transferunt. *Gregorius Tolosanus 4. de Repub. cap. 7.* Accedunt huc & aliæ utilitates: quod ex mercatura amicitie contrahuntur cum Regibus, Principibus, Rebus publicis. Deinde communio gratiæ instituitur. Poterat DEVS Opt. Max. unicuique regionis omnes fructus dare: verum si vna alterius fructu non indigeret, communiohem cum altera non haberet: per communionem vero gratiæ sibi simul coniunguntur regiones, quæ longè alias diuise sunt. *Gregorius homilia 10. in Ezechielem. Simancade Repub. lib. 9. c. 28.* Tum ex negotiationibus varijs multarum & maximarum rerum vsus atque experientia paratur. *Plutarchus in vita Solonis.* Et celebres multæ emporijs atque mercimoniis vrbes factæ sunt: Corinthus, Chrysopolis, *Xenophon.* Lugdunum, *Bonsinius lib. 4. Decad. 1. Delus, Strabon lib. 14. Iulium, Crantzius in Vandalia lib. 2. c. 33.* Frācofurtum ad Mœnum à Carolo IV. mercatu annuo gemino donatum est, Anno 1350. *Stumpfius. Caletum, Polydorus lib. 10. Cerciæcum, quod & Tiberii tempore floruit, Stumpfius.*

Opifices.

Contra opifices.

Vt vero suos censores & zoilos Mercatores habet, ita reprehensores quoque inueniunt opifices. Platonis lex obstat, ne ciuium quispiam opificio ulli operam nauet: quod sit cuique ciui onus magnum impositum: vt cui hoc à natura tributum est muneris, vt publicam ciuitatis salutem & ornamentum commune tueatur. *li. 8. de Legibus.* Apud Scythas, Persas & Lydos pro ignobilioribus sunt habiti, qui opificia didicerunt. *Herodotus lib. 2.* Spartiani, de Lycurgi legē ciuibz interdixerunt sordidis artibus, commiserunt easdem hilotis & seruis suis. *Plutarchus in Lycurgo.* Etiam Romæ Numæ instituto non licebat ciuibz opificia ac sellarias artes tractare: seruis illæ committebantur, ne quid moliri in Rempub. possent. *Plutarchus in Num. 2.* Cicero præterea illiberales ac sordidos iudicat quæstus eorum, quorum operæ, non quorum artes emuntur: quia in illis ipse

illis ipsis merces auctoramentum seruitutis est. Verū quānam sordidæ sint habendæ artes, nō inter omnes constat propter diuersas leges & rationes diuerforū: & habuerunt illi suas causas: vt recte cōcludi hic videatur, ordinum ciuitatis dignitatem pro moribus & legibus temperandam ac dijudicandam esse, *vt Rodinus statuit lib. 3. de Repub. c. vltimo.*

Opifices vero ipsi si spectentur, nō tanquam vtilēs ac necessarij, aut etiam honesti parum; excludendi à Republica sunt. Qui, inquit Scriptura, gloriatur in saculo, omnis faber & architectus, qui noctem tanquam transijt, faber ferrarius sedens iuxta incudem, figulus conuertens pedibus suis rotam, vnusquisq; horum in arte sua sapiens est: sine his omnibus non ædificatur ciuitas. *Eccles. 28. cap. Et in Exodo.* Beselelem legitur vocatum à Deo, & impletum fuisse Spiritu eius: sapiētia, intelligentia, scientia ac doctrina omni in argēto, auro, ære & ferro, sculpendis lapidibus & opere carpentario, quicquid faber inuenire potest. *cap. 25.* Etiam Alexander Seuerus artium omnium corpora instituit, non paucis immunitates largitus est. *Lampridius in Seuero.* Et extat lex de excusationibus artificum: Artifices artium breui subdito comprehensarum per singulas ciuitates morantes ab vniuersis muneribus vacare præcipimus, Et adfertur ratio. Siquidem in discendis artibus otium est accōmodandum, quo magis cupiant & ipsi peritiores fieri, & suos filios erudiri. Recensentur vero artifices architecti, medici, pictores, statuarii, & cæteri, *to. Codicis, tit. 64.* Multū vero ad cōmendationem Opificum facit, quod non pauci reges & opifices sunt inuenti, qui vel exercitii causa, vel valetudinis ergo, vel etiam propter vtilitatē & necessitatem opificia tractarunt. Demetrius rex Asiæ in machinis bellicis conficiendis fuit excellens. *Plutarchus in eius vita.* Nero in pingendo satis fœlix. *Sueton. in eius vita.* Albertus IV. dux Austriæ in dolando, tornando, & Architectura se exercuit. *Cuspin. ann.* Gambriuius

*Pro opificibus.*

Thuisconum rex primus decoquere ceruiciam docuit. *Gassur. in Ptoleme Chronici.* Et hodie non pauci sunt, qui vel propter valetudinem, vt ostensum, vel causas alias commendata sibi habent opificia. Et lex sui insignis apud Athenienses, vt iuuenes postquam ad pubertatem venissent, artibus adhiberetur: proponeretur publice variarum artium instrumenta, vt ad ducti adolefcentes in ea arte instituerentur, cuius instrumentis maxime delectarentur. *Gregorius Nazianzenus in Epistola ad Endonium. 160.*

Quem idmodum vero honesti sunt & laudabiles Rebus publicis opifices: ita quoque simul necessarij & vtilites sunt: quando quidem in omni Republica & ciuitate sex requiruntur. Arma, quæ milites tractant: diuitiæ, quæ opulentos spectant: sacra, quorum sacerdotibus cura mandatur: iudicia, quæ magistratui cordi: alimenta, quibus agricolæ intersunt: & denique instrumenta varia, quæ artificum sunt. *Aristoteles Politic. 7. c. 9.* Maxima quoque pars ciuitatis constat opificibus: neque sine his onera promoueri publica & cōmoda possunt. *idem Politic. c. 5. Patricius 1. de Repub. lib. 8.* Sunt preterea ad militiam quoque opifices eligendi, non quidem piscatores, aucupes, dulciarii, & qui ea tractant, quæ ad gynæcea pertinent: tales conueniunt castris, vbi calceatis, vt ille ait, dentibus pugnatur. Sed conueniunt militiæ, societati, fabri ferrarii, carpentarii, macollarii venatores ceruorum & aprorum. *Vegetius lib. 1. de re militari. cap. 2.* Vnde Solon Atheniensis in Republica vt ad artificia ciues suos ab ocio traduceret: legem tulit, ne filius patrem alere cogeretur, qui artem aliam eū non docuisset. *Plutarchus in Solone.*

*Agricola ac Hortulani.*

*Contra agricolas.*

Reliqui sunt adhuc Hortulani & Agricola, quorū & ipse ordo laudabilis est: etsi sint, qui improbare hūc ipsum conentur. Videtur enim genus hoc hominum esse Ephemerion, quod ad *Φθνησιον*, tantum diurna sapere & curare. *Homerus Odys. 6.* Et vulgaris existimatio; rē rusticā sordidū opus esse, & nullius præceptoris Magi-

Magisterio egere. *Columella lib. 1. de re rustica.* Agricultura res infinita est neq; vnquam absoluitur. Serendū enim vt metamus, & metendum vt seramus, absurdo rei circuitu. *Stobaeus ex Favorino, Serm. 55.* Speciem mentitur saepe, leges fallit non raro, crebro mendax est fundus. *Cornelius Agrippa de vanitate scientiarum, cap. 78.* Agricola modo siccitatem deplorant, modo imbres, modo vredinem, modo nubiginem, modo calorem intempetium vel frigus. *Plato in Axiocho.* Vere quoque illud à Cicerone putatur dictum. Ipsi ratio arandi spe magis & iucunditate, quam fructu atque emolumento tenetur. Etenim ad incertum casum & euentum certus quotannis labor & certus sumptus impenditur: annona porro pretium, nisi in calamitate fructuum, non habet. Si autem vbertas in percipiendis fructibus fuit, consequitur vilitas in vendendis: vt aut male vendendū intelligas, si processit; aut male perceptos fructus, si recte licet vendere. Tertia. Totę autem res rusticae eiusmodi sunt, vt eos non ratio atq; labor, sed res incertissimę, venti & tempestates, moderentur. *lib. 3. in Verrem.*

Sed contra hæc dici potest, voluntatem & facultatem citra scientiam in agricultura magnam dominis iacturam adferre. *Columella lib. 1.* Pessimè mulctari eū agrum, cuius dominus non dominatur, sed villicū audit. *Idem ibidem.* Et ad ventos, tempestates, vredines & his similia, quod attinet, adferri illud potest, quod Xenophon habet; cum Deus etiam rusticarum rerum sit dominus & gubernator, eum quoq; adeundum & compellendum precibus esse, vt frugibus & fructibus benedicat. *in Oeconomis.* Recte ergo omnium rerum, ex quib. aliquid exquiritur, nihil agricultura melius, nihil vberius, nihil homine libero dignius habetur. *Cicero 1. Officiorum.* Et si voluptas spectatur, nullum genus antiquius agricultura reperitur. Etenim cum vię sint hominum traditę, rustica & urbana: antiquior multo rustica urbana est, quod fuit tempus, cum rura colerent

Pro Agri-  
colis & hor-  
tulanis.



colerent homines, neque urbem haberent. *Varro lib. 3. de rer. rustica cap. 1.* Neque mirum: quia diuina natura dedit agros: ars humana ædificauit vrbes. Neq; vnquam defuerunt agri in terris, qui coli possent, cum interim artes multæ non essent. *Varro ibidem.* Et ex Genesi Adamum Protoplastum culturæ agrorum dedisse operam constat.

Honestas deinde si est proposita: non agricultura turpis iudicanda, cui operam sanctissimi & nobilissimi viri dederunt. Sancti Patriarchæ coluerunt terram. Etiam rex electus agriculturæ dat operam. *1. Reg. 1.* Diocletianus Imperator depositâ purpurâ post viginti annos Salonæ agris se oblectat, redire ad imperium recusat. *Auentinus lib. 2. Annalium Boiorum, Rome. Cincinnati, Fabricij, Serrani. Catones, Stolones, ab aratro ad magistratus vocantur. Alexander ab Alexandro lib. 3. cap. 11. Columella de rer. rustica, Eutropius lib. 1. Cicero de Senectute, & in Rosciana Oratione, Plinius lib. 18. & 19. Lodiuius lib. 3. de Republ. cap. vlt. Pontanus lib. 2. de fortitudine.* Cyrus apud Xenophontem de nulla re tantopere gloriatur, quam agris & hortis sua manu cultis. *Xenophon in Oeconomicis. Cic. de Senectute.*

Ad necessitatem animum & oculos si coniiciamus: vel hoc etiam nomine Agricultura commendanda. In Repub. ferendi agricolæ sunt: quod sine his nulla consistere aut conseruari Respublica potest. *Aristot. Politic. 1. cap. 5.* Quia alimenta necessaria sunt Reipublicæ, hæc autem agricolæ suppeditant. *Idem lib. 7. Politic. cap. 9.* Quin & vestimenta suppetunt, quod pascendis pecoribus soli agricola incumbunt. *Parricius de Republ. 1. tit. 7. di agricolis & rusticis.* Et est horum ars acquirendi victum maxime naturalis. Nec mater, sed nouerca esset natura, si animalia solum produceret, non nutrirer & aleret. *Aristot. Polit. 1. cap. 5.* Quæ ratio Romanos mouit: vt non is modo diebus urbanas res vsurparent, reliquis septem rura colerent: & hoc instituto seruato consequerentur, vt & culturâ agros haberent. *fœcundissimos,*



cundissimos, & ipsi valetudine firmiores essent. *Varro lib. 2. de rer. rustica.*

De utilitate porro esse dubium nullum potest: quādoqui sem agricultura animo inseruit, prodest corpori, fortunis & facultatibus commodat. Est enim diligentiae, iustitiae, parsimoniae illa magistra. In rusticis moribus, in victu arido, in horrida incultaq; vita maleficia non facile gigni solent. *Cicero pro S. Roscio*: minima mala cogitant, qui in agricultura occupati studio sunt. *Cato de rer. rustica ab initio*. Ideoq; Aristoteles in Democratia agricolas pastoribus & mercenariis praefert, quod in re rustica multae quasi sensibiles sunt virtutes: ut labor corporis, humilitas, finita diuitiarum appetitio, contemptus honorum, animi simplicitas, frugalitas vitae, victus parsimonia & moderatio. *Polit. 6. cap. 4.* Romani quoq; cum virum bonum laudabant, eum bonum agricolam & bonum colonum appellabant: ita laudari eum amplissime putantes. *Cato de rer. rustica ab initio*. Valetudini iam agricultura quantum prodest, vel vnicum Cyri exemplum demonstrat: qui comoda valetudine perpetuo usus dicitur, quod ante nunquam cœnaret, quam laborem aliquem rerū bellicarum aut rusticarum obisset. *Xenophon in Oeconomicis*. Quod & in fortunis monstrari facile potest: quia mater & nutrix est natura omnium reliquarum artium, quae bene habent, cum terra bene colitur: iacent, cum terra neglecta iacet. *Xenophon in Oeconomicis*. Et monet Poëta, ut, si opibus indigeamus, curam habeamus pinguis agri: quod agri ferant copiae cornu esse. *Phocylides*. Atque est quæstus praestantissimus, ex agricultura diligenter percipitur: est honestissimus: est minus inuidiosus aut etiam cum mendacio aut fraude coniunctus. *Aristoteles & Xenophon in Oeconomicis*. *Cato & Columella de re rustica*. Fatetur quoque Cato, duobus tantum generibus quæstus se usum esse, agricultura & parsimonia. *Plutarch. in Catone Censorio*. Et prisca Romani dicere solebant: nequā esse in domo matrem familias, vbi indi-

vbi indiligens hortus esset: quod à carnario aut macello viuendum esset. *Plinius l. 6. c. 4.*

Sed neq; illud negliendum: quod ad res bellicas maxime agricolæ idonei: hinc strenui ac fortes milites prodeunt. *Cato de re rustica. Plinius l. 18. c. 5.* Nec ratione hoc caret: quia agricolæ sub dio & in labore nutriuntur, sunt solis patietes, negligentes umbrarum, balnearum nescij, ignari deliciarum, simplicis animi, paruo contenti, duratis ad omnem laborum tolerantiam membris: quibus gestare ferrum, ducere fossam, ferre onus, consuetudo de iure est. *Vege. in de re militari lib. 1. capite 3.*

## QVÆSTIO LXII.

### QVÆNAM CIVIVM ESSE OFFICIA debeant?

**V**erum vtut recte hæc sese habent: tamen vt beata sit Respub. non sufficiunt: sed, virtus vt adsit ciuium, necesse est. Nullum, inquit ille, oppidis firmitus ornamentum est, quam ciuium numerus. *Plinius in iur. lib. 7.* At optima & amplissima virtus est custos Reipub. *Aristot. Politic. 3. cap. 3.* Et ciuitatis laus est, nō quod Senatum habet, numerare consules aut mercium copiam potest: sed quod populum habet pium, & audiendi verbum Dei studiosum. Quandoquidem & Plato nullam malorum quietem fore illis in ciuitatibus scribit, in quibus Deus non dominatur. *lib. de legib. 4.* Nec deest ratio: quia ciuitas virtute carens, nomine tantum, non re ciuitas est. *Aristot. Politic. 3. 6.* Et vna sunt congregati homines, non solū vt vivāt, verum etiā & quidem magis, vt recte viuāt. *Aristot. ibid.* Nec ciuis ab hoste natura & loco sed animo & factis distinguitur. *Cicero in Paradoxis.* Reperiuntur quoq; multi ciues natura, at non voluntate. *Idem Philipp. 8.* Ciuis ergo virtus est & officium primo, curare probe munus suum, quem-

quemadmodum ciuitatis forma & cōstitutio flagitat. Quia ciuitas est similis naui, cines iūter naurarium se habēt, magistratus quasi naui est gubernator. Quemadmodum ergo in naui, vī illa seruetur, non oportet tantum nauclerum, verū etiam remiges & alios suū officium facere. ita quoq; in Republica non solum magistratus, sed & ciues rite suis fungi officijs debent. *Aristot. Politic. 2. cap. 3.*

Secundo ciuis est, patriam suam diligere, bonos omnes saluos & incolumes cupere. Cicero in Vatiniū: quod nihil humanis in rebus præclarius, quam de Republ. & alijs bene mereri. *Cicero pro Plancio.*

Tertio laudati est & boni ciuis parere rectoribus & legumlatoribus: legibus obtemperare scriptis per totā vitam. *Tit. 107. de Legib. Arist. Polit. 3. c. 3.* Quia omnis generis bona ibi sunt speranda, vbi homines Deos colunt, tractant res bellicas, principum & magistratuum suorum audientes dictis sunt. *Xenoph. de Agesila: laudib.* Et absurdum omnino est, principem in Tragedia actorem Theodorum vel Polum sæpenumero mercede conducto Histrioni tertiaro obsequi, & humiliter cum eo colloqui, nimirum diadema & sceptrū gerente. in rebus autem serijs ac publicis diuitem aliquē parui facere plēbeium aliquem & pauperem, qui cum Magistratū sit: cum hac ratione vrbs tota contumelia afficiatur ac deprimatur. *Plutarchus in præceptis Repub. gerendæ.* Et laudatur Spartanorum mos ac cōsuetudo, apud quos etiam reges Ephoris decedebant: & reliquorum vt quisq; vocatus erat, non lento gradu, sed cūr simpliciter forum sese propiciens, obedientiam suam ciuibz ostentabant, exultantes ob habitū magistratus honorem. *Idem. b. d.* Sacræ vero literæ omnem animā sublimioribus potestatibus subditam esse, necessitati parere iubent, non solum propter iram: sed etiam conscientiam. *Rom. cap. 13.* Et ijs, qui sunt sub iugo, mandant, dominos suos omni digno honore iudicet. *1. Timoth. cap. 6.* Etiam ob oculos Coræ, Dathan & Abironis exem-

nīs exempla constituunt, qui Moysen & Aronem, & Magistratum suum continentēs, viui terræ absorpti hiatu fuerunt, *Num. 16. cap.*

Quin & quarto istud ad ciues pertinet: vt interdum conuicium & iram Magistratus ferant, atque istud cogitent, quod de Demosthene dictum fuit: non ipsum nunc Demosthenem solum, sed & legumlatorem & choragum esse, & coronam gestare. *Plutarchus in præceptis Re. pub. gerendæ.*

Sed & quinto ciuis probi est, æquo ac pari cum ciuibus iure viuere, neq; submissum & abiectum esse, neque etiam nimis sese efferre. *Cic. 1. Offic.*

Et sexto in Repub. ea velle, quæ & trāquilla, & honesta sunt. *Idem ibid.* Ideoq; intercludere omnes seditionem vias, munire Reipub. præsidia, summum in consulibus præsidium, summum in senatu consilium putare, laude & honore dignos eos iudicare, non pœna & supplicio, qui illa secuti sunt. *Idem in Crat. pro Caio Rabiri perduel. reo.*

Sed & illud septimo ciuis est, solutum esse à cupiditatibus, alienum à delictis, cautum in periculis, non timidum in contentionibus. *Idem 1. in Agraria.* Et Temperantiæ studere: quod nulla ciuitas legibus vllis pacate studebit, si ciues arbitrentur, in ea omnia superuacuos in vsus effundenda: alijs quoque rebus prætermittis, conuiujs, comessationibus, alijs indulgendum esse. *Plato Epist. 7.*

Postremo etiam ciuis boni est, rem suam, & quidem vnicam agere; non pluribus rebus occupari. Ideoque bene constituta in Repub. agricola, agricola, coriarius, coriarius manebit; neq; rei alteri operam dabit. *Plato. 3. de Repub.*

### QVÆSTIO LXIII.

QVIBVS ÆSTIMANDVS VRBIS  
accinitatis alicuius situs?

Vtilis cū primis ac necessaria hæc quæstio est: propterea

pterea quod, nisi bene recteq; illa sese habeat, reliqua cuncta inutilia esse videntur. Vsum quoque magnum habet in deliberationibus: cum consultatio instituitur de vrbibus ac ciuitatibus exstremendis, mutandis aut corrigendis ijs incommodis: quę in his ipsis deprehenduntur. Deinde Demonstratio genere, quando laudationes sunt instituendę ciuitatum: vt teneatur, quid in his ipsis aut commendandum aut improbandum ac vituperandum sit. Tum etiam necessaria hęc esse videtur ad peregrinationes obeundas: in quibus Homerus duo requirit, cū Vlyssē suum celebrat: vt vrbes plurimę cernantur: ac inhabitantium in his ingenia, mōres, instituta cognoscantur. Primo verq; sit alicuius vrbs diligenter obseruāndus est: inq; hoc ipso spectāda aeris salubritas. Aër enim spiritus reddit viuāces, si purus ac subtilis extiterit: suffocet cōtra crassus. Hippocr. de aëre, aqua & loco, & de Humana natura, Galenus lib. 1. de curanda valetudine, & Methodo medendi cap. 14. lib. 9. Atque hinc vrbes illę laudantur, quę versus Orientem ac Septentrionem sunt constitutę: minus commendantur, quę Austrum & Solis occasum spectant. Arist. Polit. lib. 7. cap. 11. Ibi enim a Solis ortu spirantes venti vapores dissipant, temperant æstum, fouent vitales æstus præcordiorum. Aristot. Polit. 7. cap. 11. & in hunc casus. Deinde commendatur illa vrbs seu ciuitas, quę in locis sublimibus est exstructa: quia talis est munitior. Plaut. 6. de Legibus. Et locus excelsus, non est nebulosus, neq; etiam pruinosus. Virruuius de Architect. lib. c. 4. Ideoq; ad aëri salubritatem cum primis confert: quia ventis patet, quibus aër purus & subtilis redditur. Thomas lib. 2. cap. 2. Simanca lib. 1. c. 4. Tertio & illa laudatur vrbs, quę stagnis & paludibus non est vicina: ppter nebulas scilicet & spiritus venenatos bestiarum palustrium. Virruuius lib. 1. c. 4. Vnde magistratus negligentia conspicitur: cū nō datur opera, vt ciuitates sint munda: non oblitę fimo aut putredine animalium vel olerum. Oribasius lib. 9. cap. 1. Quarto etiam



ignis & indicijis quibusdam iudicatur loci commoditas: si quæ ex terra nascuntur sint bene picta & probe colorata: & reposita diutius maneant. *Simonea lib. 1 de Repub. ca. 4.* Si pueri ibi multi & viuaces, ac senes multi reperiuntur. *Thom li. 7. c. 2.* Vt contra signū malū est, vbi mali coloris homines, aut deformes, corpora debilia, pauci pueri, pauciores senes inueniuntur. *Idem ibidem.* Atq; hinc laudatur veterum consuetudo, qui oppida aut castra statiuā constituturi, pecorum, quæ ibi pascebantur, inspiciebant iecinora: & si essent liuida aut vitiosa, alio migrabant: quod statuerent, idem in humanis quoq; corporibus metuendum esse. *Varronius li. 1. c. 5.* Quinto. laudantur ciuitates & vrbes, quæ fructibus abundāt ad alendos homines: etiam commodæ ad ciuiles actiones instituendas sunt. Atque inde optimus vrbis situs habetur, qui nō procul à mari abest, aut flumine nauigabili: ppter ea quod inde & euehi, quæ superfluent, & quæ desunt, aduehi possunt. *Plato de Repub. lib. 5. Aristoteles Politicorum 7. cap. 12 Thomas lib. 1. cap. 13. Paricius de Reipub. Institut. lib. 7. tit. 11. Sexto.* & illæ Vrbes commendantur, quæ re militari inserviunt: sunt *ἑξῶδοι*, exitus habent faciles ad deducendū exercitum: sūt *δυσπρόσοδοι* & *δυσῥεῖδοι*, aduersariis accessu difficiles, impeditam viam circumfrendendi suppeditant. *Aristoteles Pol. 1. 7. cap. 11.* Postremo etiam aquarum opportunitas plurimum potest, maxime propria & natiua: aut, hæc si desit, aqua pluuiæ receptaculis cæcis asseruata. Est. n. aqua maxime necessaria ad vitam cōseruandam, ad victū, ad belli pericula auertenda, ad negotiationes & commercia: possunt homines facilius cuiusque re penduriam, quam aquæ ferre: Commendatur autē aqua illa, quæ motu est velocissima, aspectu limpidissima, pondere leuissima, concoctu facilima. *Arist. Pol. lib. 7. ca. 11. & in hunc Casus Paricius lib. 7. tit. 10.*



## QVÆSTIO LXIV.

VTRVM PROSIT, MVLTÀ INRE-  
gione aliqua præclare munita lo-  
ca esse?

**D**isputari non raro de propugnaculis & munitioni-  
bus solet. In negantem istæ affectu rationes pos-  
sunt. Primum quod laudatur cum à Platone, tum alijs  
Poëticum illud, quo monemur, ænea & ferrea magis,  
quam terrea mœnia exstruere. *Plato 6. de Leg. 2.* Muros  
circumducere parum ciuium ad salubritatem prodest,  
*Plato ibidem. 3.* In animis ciuium mollis quidam & lan-  
guidus animus ingeneratur: vt non de hoste propul-  
sando, sed de suis propugnaculis ciues cogitent: salu-  
tem contineri suam abirentur in munitionib⁹ & pro-  
pugnaculis. *Plato ibidem. Bodinus de Republ. lib. 3. cap. 5.*  
Vnde Clemones oppidum munitissimū cum videret,  
exclamauit, ô muliebres latebras. *Bodinus ibidem 4.*  
Spartanorum institutum laudatur, qui muros habere  
noluerunt: cuius hanc Lycurgus causam attulit, quod  
vrbs illa munitione non careat, quæ viris, non late-  
ribus cincta sit. *Plutarch. in vita Lycurgi. 5.* Etiam pu-  
gnare inter se videntur, vrbes valde munitas, & fortes  
ciues habere: cum nec strenui videri possint, qui mu-  
rorum præsidia quærunt: nec hostium impetum me-  
tuant, nec egeant disciplinæ militaribus, qui oppidis  
munitissimis cinguntur. *Bodinus lib. 5. Republ. c. 5. 6.* Si  
vrbes bene muniuntur, metuendum erit, ne hostes il-  
las captas pertinaciter retineant, atque inde incolis  
damnum inferant. *Machiavellus disput. Politic. libro. 1.  
cap. 24. 7.* Etiam in principibus improbis metuenda  
tyrannis est. Vnde iuga subditorum & flagella princi-  
pum munitæ arces appellantur. *Bodinus lib. 5. cap. 5.* Fa-  
ciunt 8. loca munita, vt diffidentia oriatur inter prin-  
cipes & subditos, suspitiões perniciosæ, numusculi pa-

rum commodi origine in sumant. *Bodinus ibidem. Et Machianellus in loco ante citato. 9.* Quin & experientia testatur, murorum substructionibus confidentes vrbes tandem expugnatas perijisse funditus, cum alias cōditionibus vsæ & quis fuissent. Testatur exemplum Sagunti, & vrbs Hierosolymitæ. *Bodinus eodem in loco.* Postremo vix hodie vrbes adeo munitæ reperiuntur, quæ diuturnâ obsidionē ferre queant: nō vel fame vel ratione alia coactæ tandē se dedant, aut in hostiū potestatem veniant: propter bellicarum machinarum quoque vsum, quarum impetum arces, aliaque loca munita sustinere diu non possunt. *Machianellus lib. 2. cap. 34.*

*Munitio-  
nes viles  
ac necessa-  
ria.*

Pro his contra faciunt, quæ sequuntur. Quod primum qui negant munitas ciuitates esse debere, nimis *ἁπλοῦς* antiquæ & simpliciter iudicant. *Arist. Polit. 7. capite 11.* Deinde etiam Plato ante omnia sapientibus cam in curam incumbendum esse monet, vt aduersus hostiū impetus munita sit regio habeat propugnacula ad eorundem arcendam vim accommodata. *6. de Legibus.* Tum simile esse videtur statuere vrbes ac ciuitates muniendas non esse, ac si quis regionem quæ rat hostiū incursionibus expositam. *Aristoteles Polit. 7. cap. 11.* Præterea ad ornamentum & magnificentiam vrbs munitiones faciunt. *Aristot. ibidem.* Huc accedit, quod antiquissimæ quæque vrbes cinctæ muris fuerunt. Et arte & natura, Hierosolymam Iudæorū extitisse metropolim Iosephus *lib. 6. cap. 6.* testatur. Vetus urbem Hetruscorum munitissimam decimo demū oppugnationis anno, & quidem nō aperta vi, sed in arce æstis cuniculis Camillus expugnauit. *Plutarchus in Camillo.* Babylon muri ambitum 385. stadiorum habuit: viam quoque super incenibus tam latam, vt quadrigæ occurrentes facile pettransire possent. *Calvus lib. 8. cap. 12. antiquarum l. 1.* Nec domus vlla reperitur, quæ non parietibus, ianuis & similibus munita sit. Etiam bestię sua lustra & loca tutiora habent. Et aues in aptis ac securioribus locis nidos construunt. *Gregorius*

*Tolo-*

*Tolosanus lib. 2. de Repub. cap. 1.* Præterea naturam videmus quasdam ciuitates paludib<sup>9</sup>, montibus, fluminibus munire. *Vegetius de re militari lib. 4. cap. 1.* Et si clypeo & armis corpora nostra tegimus: quid ni vrbes aduersus hostium impetus muniremus? *Bodinus de Repub. lib. 5. cap. 5.* Oppida quoque dicta quidam esse volunt à murorum oppositione: atque ita à pagis sciungunt, qui munitione nulla cinguntur. *Isidorus.* Ac proinde muri ciuitatum sunt sancti habiti: lex punire capite iubet eum, qui muros violauerit: & Romuli lex duodecima neminē, nisi per portas vrbis, ingredi, aut egredi iubet: Sacrosancta habet mœnia, utpote in quibus viri boni fortiter pugnare & mortem oppetere nō dubitent. *Plutarchus in vita Romuli & in problematibus.* Prouinciarum etiam Rectores in Iure literis mouentur: ut sciant incolas vrbium singularum muros vel novos debere facere, vel veteres firmius renouare. *li. 8. Codicis tit. 12.* Nec etiam argumentis hic multis opus esse videtur: cum constet, vrbes ac ciuitates propterea primum extructas, post firmatas muris fuisse: ut contra hostium incursiones tutę essent fortune, alua bona, libera ac soluta à periculis reliqua. *Plato in Protagora. Virruuius de Architectura. lib. 2. cap. 11 Bodinus lib. 5. cap. 5.*

## QVÆSTIO LXV.

AN BENE CONSTITVTA IN CI-  
uitate Asyla constituenda ac permit-  
tenda?

**I**N vtramq; quæstio hæc tractari partem solet; siquidem Augustus Cæsar Asyla à veteribus constituta abrogauit, ne proposita immunitatis spes causam facinoribus daret. *Alexander ab Alexand. lib. 3. ca. 20. ex Suetonius & Dione.* Et Tiberius, cum templa Græcorum pessimis seruitiorum complerentur, eodem subli-

Contra A.  
syla.

fidio obtrati aduersum creditores, suspectiq; capitalium criminum receptarentur: neque vllum satis validum imperium esset coercendis seditionibus populi, flagitia hominum, vt cæremonias Deum, protegentis: Asyla Græcorum lustrauit & repurgauit. *Corn. Tacitus lib. 3. Annal.* Et Impp. Arcadius ac Honorius legem sanxerunt: vt Iudæi, qui reatu aliquo vel debitis fatigati simulant se velle Christianæ religioni coniungi, arceantur: nec ante suscipiantur, quam debita vniuersa reddiderint, vel fuerint innocentia demonstrata purgati. *lib. 1. Cod. tit. de his, qui ad Ecclesias confugerunt.* Quin & ipse DEVS ab altari suo auellere eum iubet, qui datâ operâ & ex insidijs proximum suum occideret. *Exod. 21.* Nec Asyla conceduntur latronibus, homicidis, virginum raptoribus, sacrilegis, reis diuinæ & humanæ Maiestatis. *Iustin. in Nouella 17. cap. 7. & Nouella 117.* Quandoquidem legis indigni auxilio iudicandi, in legem qui peccant.

Vt vero de abusu Asylorum recte ista afferuntur: ita verum eorundem vsum minime tollunt. Et fuerunt hæc cōcessa priuilegia ob religionem; veterum statuta, merita & virtutes præclaras maiorum. Vt Græcarum ciuitatum *apud Tacitum lib. 3. Annal.* Et fuit Romæ Asylum constitutum. *Dionys. Halicarn. lib. 2.* Et Athenis ara misericordiæ, *βωμὸς ἐλέη.* *Plut. in Thesei vita* Etiâ Dominus Moyse præcipit, vt loquatur ad filios Israël: vt vbi Iordanem transierint, ac terram Chanaan intrauerint, ordinent sibi ciuitates, quæ sint ciuitates REFUGII: vt illuc scilicet fugiat omnis homicida, qui percusserit animam per ignorantiam & errorem, donec steterit ante Synagogâ in iudicio. *Num. 35. & Deuteronomij c. 19.* Moyse, cum, inquit, eradicauerit tibi Dominus Deus tuus: successerisq; in hæreditatem illarum, & habitaueris in ciuitatibus earum, atque in domibus earum; separabis tibi tres ciuitates in medio terræ tuæ, quam Dominus DEVS tibi possidendam dat: vt scilicet illuc confugere possit omnis homi-

homicida. Hac vero de causa illuc confugere debet omnis homicida: vt viuat, qui percusserit proximum suum **N O N S C I E N S**: nec **O D I V M** habuit contra eum ab heri & nudiustertius. Et reperitur illud *Iosue 20. cap.* vbi itidē **D E V S** illi mandat, vt filios Israël iubeat dare ciuitates **R E F V G I I**: vt illuc scilicet confugiat homicida, qui percusserit animam **I G N O R A N T E R** & **A B S Q V E S C I E N T I A**. Sed & ciuili in iure Imp. Honorius & Theodosius fideli deuotaque perceptione sanciunt, nemini licere ad Sacrosanctas Ecclesias confugientes abducere, sub hac videlicet definitione: vt, si quisquam cōtra hanc legem venire tentauerit, sciat se Maiestatis crimine tenendum esse. *lib. 1. Cod. tit. 12. de his qui ad Ecclesiam confugiunt.* Et ibidem Imper. Leo; Præsenti lege, inquit, decernimus, per omnia loca valitura, nullos penitus, cuiuscunque conditionis sint, de Sacrosanctis Ecclesijs orthodoxæ fidei expelli, aut trahi aut protrahi confugas: hi, qui hoc moliri, aut facere, aut nuda saltem cogitatione atque tractatu ausi fuerint tentare, capitali & vltimi supplicij animæ aduersione plectendi.

## QVÆSTIO LXVI.

### IN PRIVATIS ÆDIFICIIS

*quanam spectanda?*

**N**ON negligenda, quæ ad priuata ædificia pertinet in quib⁹ hæc sunt obseruanda: vt primum seruetur *συμμετρία*, videatur qd deceat: vbi op⁹ est ingenio, vt qd *συμμετρίαν* inueniat; vsu, vt cognoscat; iudicio, vt seligat; cōsilio, vt componat; arte, vt perficiat *Vitruius li. 6. cap. 2. de ædium proportionibus ac mensuris.* Alterum; vt sic ab initio priuatæ domus condantur, vt tota vrbs de qualitate vp⁹ sit murus ac similitudine: & ita ad omnes vias ex illis firmus aditus pateat: Hæc dispositio spectantibus incunda, ad custodiæ fa-



cilitatem opportuna est: nec etiã vias publicas impedit. *Plato 6. de Legibus. Patricius libro. 8. de Reppb. titul. 11.* Tertium vt regionis illius ratio habeatur, in qua priuata ædificia constituuntur. Sub Septentrione testudinata & maxime cõclusa non patentia cõstituantur: simul etiam conuersa ad calidas partes. Contra sub impetu solis Meridianis in regionibus, quia premuntur à calore; patentiora ad Septentrionē atq; Aquilonem conuersa. Hoc nodo, quod vltro natura tegit, arte emendatur. *Vitruuius libro 6. cap. 1.* Quartum est materiæ, quæ talis eligenda, vt facile incendium concipere non possit. Ideoque Augustus Cæsar gloriatus est, se vrbem Romā inuenisse lateritiam relinquere Parmoream. *Suetonius in Augusto.* Quintum est, vt in ædificijs priuatis duo spectentur, splendor & robur: vt sint ad amœnitatē hæc accõmodata, in iisdem deprehendantur viæ hosti inexplicabiles, non suppedientem facilem exitum, non occultent & tegant insidias. *Arist. Polit. 11.* Sextum est, vt in ipso splendore & magnificentia modus teneatur, vitetur luxus. De Megarensibus dictum fuit, eos ædificare, quasi semper victoribus comedere, quasi altero die morituri: *Plutar. de diuitiarum cupiditate.* Ad paupertatem quoque ædificando perueniunt multi, cum illustrium magnificentiam æmulantur. Vnde illud in Nerone est scriptum: Roma domus fuit, Veios migrate Quirites. Si non & Veios continet ista domus: *Patricius libro 8. tit. 11.* Septimum est, vt in altitudine non peccetur. Vnde Imperator Traianus legem ædificatoriam tulit: ne ædificiorum priuatorum altitudo 60. pedes superaret: idque propter ruinas faciles, incendia damnosa, exitiosos sumptus. *Aurelius Victor in Caesarum Epitome.* Octauum est, vt habeatur ratio vrbis. Neq; enim domus transferenda aut conformanda, vt publicus aspectus deformetur. *lib. 8. Codicis, tit. 10. de priuatis ædificijs.* Nonnumquam etiam sanitatis vt geratur cura, necesse est: ideoque requiritur, vt quod inchoatur ædificium, sit in loco non mortis obnoxio: constitutur in regionis aut



urbis parte saluberrima. *Columella lib. 12.* Decimum est, ut cōmoditas spectetur: detur opera, ut quod in villa reperitur, etiam in dōmo reperiatur. In villa autē requiritur, ut neque maior neque minor agro sit: quia vtrumque contra rem familiarem: & maiora tecta pluribus ædificamus, & tuemur maioribus sumptibus: minora fructus perdunt. *Varro lib. 1. cap. 11.* Ita priuata domus esse descripta debet ad familiæ vsum & cōmoditatem: ut in ea nulla sit pars vna & inutilis: aspectus eius ad decorum accedat. *Patricius lib. 8. de Reipub. tit. 11. de priuatis ædibus.* Undecimum est, ut fenestræ & portæ ædium sint ita constructæ, ut venti Orientales structuras illas ingredi valeant: & ut Sol vnumquemque locū intrare queat. Ratio est: quoniam Sol est, qui aērē reſtificat. *Auicenna lib. 1.* Verum non parum & illud instituto inseruit duodecimum: ut loca sic exstruantur, & distinguantur, ut rebus ipsis asseruandis accommodata sint: thalamus in munitiore domus parte stragula & vasa charissima habeat: sicca tecta frumentū: frigida vinum: illustrata, quicquid operis & supellectilis lucē petit: cœnacula reficiendis hominibus ita exstruantur, ut æstate frigida, hybernis calida: vniuersa domus meridianæ plagæ & australibus ventis sit aperta: hyeme locus aprius, vmbrosus estate. *Xenophō in Oeconomico.* Decimum tertium, ut personarū qualitatatis ratio habeatur: & sic domus vel exstruantur, vel conducantur. Qui enim rusticis fructibus seruiunt homines in eorū vestibulis stabula, tabernæ: in ædibus cryptæ, id est, fossæ ad triticum referuandum factæ, horrea, apothecæ, & cætera: quæ ad fructus seruandos magis, quā ad elegantiae rationem facienda. Fœneratoribus & publicanis commodiora & speciosiora erunt ædificia. Forensibus & disertis elegatiora & speciosiora ad cōuentus excipiendos. Nobilius, qui honores & magistratus gerūt, præstant officia ciuib. faciēda vestibula regalia, alta, ampla, ambulationes laxiores: ut perfectæ maiestatis splendor seruetur. Præterea etiam Bi-

bibliothecas, basilicas, piñapothecas eodē modo magnificētiz oportet esse comparatas: quod in corū domib⁹ sepius & publica consilia & priuata iudicia atque arbitria conficiuntur. *Vitruuius libro 6. cap. 8.* Quod si vero quædam sint vitiosa: quemadmodum pessima domus censetur, quæ nō perflatur, aut tenebricosa, aut hyemi ac tempestatibus obnoxia. Decimum quartum; adhiberi potest quasi medicinæ loco: vt vel deferatur talis domus: vel si propter consuetudinē placeat, fenestris transpositis, muratis scalis, ianuis nonnullis apertis, alijs clausis, splendidior, perspicabilior, salubrior domus fiat. *Pluarchus de curiositatē.* Et vt hæc omnia recte constituantur: postremo illud obseruandum, vt qui exstruit domum, & a fabris, & ab idiotis consilia accipere non erubescat. Naniq; omnes homines (nō solum architecti) quod est bonum possunt probare; Inter idiotas & architectos hoc tantū discriminis est, quod idiota, nisi factum viderit, scire non potest, quid futurum sit: architect⁹ vero simul animo constituerit, antequam inceperit, venustate & vsu quale sit futurū, definitum habet. *Vitruuius lib. 6. cap. 11.*

### QVÆSTIO LXVII. AN BELLVM GERENDVM?

**I**Nterea de quibus consilia tractari solent, *Arist. in libris in Rhetoricis* etiam bellum recenset. Et est utiq; deliberatio illa longe grauissima magnaq; indigens sapientiz. Hodie vero cum primis & vtilis & necessaria, vbi sæuus Mars vbiq; dominatur, gaudens Bellona cruentis colitur, Vt feræ in syluis, in fluminib⁹ pisces; in aère volucres à robustiorib⁹ deuorantur: ita potentū iniurijs inferiores sūt expositi: ideoq; requiritur, vt, q; in Cretensium Repub. Plato cōmendat, de bello semper sint homines solliciti, obseruent, quod sapientes flagitant, vt in bello de pace: in pace, de bello cogitetur simul etiam illud considerent, eo maiorem sollicitudinem postulari, quod, vt *Vegetius scribit*, præliorum de-

liſta emendationem non admittunt, nec in bello bis peccare licet. Et vero, hoc nomine de bello vt agatur, neceſſe eſt, quod ſunt, qui vel imperitia quadam, vel ambitione ſtulta bella ex bellis ſerunt: caneq; (quod aiunt) angueque peius oderunt pacem: comprimendi vero ſunt, vt diſcant intelligere quod ſit & bellum, & quot ac quantis cum periculis coniunctum.

Et quidem, quod non gerendum bellum, probare illa argumenta videntur: quod quæſere Sacriſiſ Lite-  
*ris iubemur pacem, & pro ea ad Dominum orare. Ie-rem 20.* ſapientes monent à bello abſtinendum eſſe, etiamſi graues cauſe ſe offerant belligerendi. *Xenophon libro 6. de reb. geſtis Græcorum.* Beatiffimæ iudican-  
tur Rebus pub. quæ plurimo tempore in pace fuerunt. *Idem de veſtigalibus.* Eſt dulce nomen pacis: res vero ipſa cum iucunda tum ſalutaris. *Cic. Phil. 13* bellum à beluis dictum. *Foſtus Grammaticus.* Imo bella etiam ſuo generi beſtiæ non gerunt. *Auguſt. lib. 22. de ciuitate Dei.* Repugnat humanæ naturæ arma tractare, vt quæ eſt mitis & placida à Deo creata, diuinæ naturæ proxima: non munita cornibus, vt tauri: non inſtructa dentibus, vt apri: non abvnguibus parata, vt leones. *Seneca lib. 1. controuerſiarum, cent. 1. Eraſmus in adagiis Chiliad. 4. cent. 1. Prouerb. 1.* Dulce bellum inexpertis. Et vt pacis commoda multa: ita incommoda plurima ex bello oriuntur. In pace enim cauſæ & merita ſpectantur: vbi bellum ingruit, innocentes ac noxi iuxta cadunt. *Cornel. Tacit. 1. Annalium.* In pace filij parentes ſuos in bello contra patres filios ſuos ſepeliunt: *Herodot. lib. 1.* Ac vt dracones exuentes ſanguinem Elephantorum perdunt Elefantos, ſed & ipſi pereunt: ita in bello vtraq; pars damno afficitur; perimit & perit. *Plin. lib. 8. cap. 12.* Et qui victorias perunt armis aut his cupiunt diſceſcere: ſimiles ſunt ijs, qui hamo aureo piſcantur, cuius abrupti & amiſſi detrimentum nullo capturæ lucro penſari poteſt. *Aurelianus Victor in Auguſto.* Sumptus enim hic ingentes requiruntur, & definita bellum non quærit. *Plin. in Laconicis Apophthe-*

*gmatus*. Nec etiam diuturna possessio est, in quā gladio inducimur. *Curtius lib. 8.* Accedit huc, quod bellum facile suscipitur, at non ita deponitur: non in eiusdē est potestate initium & finis: incipere cuius etiam ignou licet; deponere, cum victores volunt. *Salustius in bello Jugurthino.* Et ut syluam si quis accenderit, nō amplius ad ipsius arbitrium incendium fertur, sed ventis regitur, obuia quæq; perdit & consumit: ita bellum, quod ventis accersunt, excitatum audacia vel ignorantia non amplius in autorū est manu, sed à fortuna regitur. *Polybius lib. 11.* Et hæc ipsa fortuna admodum est anceps & lubrica. *Thucyd. lib. 2.* Leuissimus sæpe casus ex victo victorem, ex victore victum ex exercitu reddidit: *Ionianus lib. de bello Neapolitano:* & nunquam minus, quam in hoc euentus respondet. *Linus Decad. 3. lib. 10.* *Herodianus in Maximino.* *Polybius libro 11.* *Cæsar lib. 7 de bello Gallico.* *Procopius lib. 2. de bello Gallico.* Priuatim quoq; multis bellum nocet: quia iudicia hic libera & parum commoda plerunq; oriuntur: cuiusvis est verbis bella administrare. *Dionysius Halicarnass. lib. 9.* Quæ sunt feliciter gesta, omnes sibi vindicant; aduersa vni imperatori imputantur. *Corn. Tacit. in vita Agricola.* Et deniq; magna facinora magnis periculis emuntur. *Dionys. Halicarnass. li. 9.* Mors optimum quemque ex acie pignerari solet. *Cic. 14. Philippica.* Sunt hæ rationes contra bellum.

*Pro bello  
rationes.*

Contra, bellum esse gerendum euincunt, quæ sequuntur, rationes. 1. Plena iustitia est fortitudo, quæ patriam, socios, congressus alios tuetur ac defendit. *li. 10. Cod. tit. 19. 2.* Pax non, nisi bello, paratur. Et qui hac uti diuturna nolunt, in bello exercitari coguntur. *Æmylius Probus in Epaminonda.* *Aristot. Pol. 8. cap. 7.* *Cic. 1. Off.* Neque 3. verbis sed armis hostes vincuntur: neque sine viribus tuta sapientia est. *Plat. epist. 2. 4.* Et fortunę nullibi melius quam in bello parantur: liquidē quæ bello capta iure nostra fiunt. *lib. 12. Institut. tit. 1.* *Thucyd. li. 5.* *Xenophō li. 3. de rebus gestis Græcorum.* *Cæsar li. 1. de bello Gallico.* *Plutarch. in Alexandro Magno.* *Salustii in Iugur-*

aba. Ad depellendas iniurias necessario arma sumantur & quæadmodum est modestiæ cõquiescere, nisi iniuria affectus fueris: ita stultitia est & improbitas, illatas iniurias non vlisci. *Plato 5. de Repub. Aristot. Polit. 7. c. 8. & in Rhetoricis ad Alexandrum. Thucyd. lib. 1. Linius li. 2. Decad. 3. 6.* Laus hinc & gloria magna paratur: quicquid enim in pugna patiuntur homines, illud omne virorum est. *Quintil. declamatione.* Inter officia omnia maximum & splendidissimum est illud, quod magno animo & elato fit. *Cic. 1. Offic.* Et sunt duæ artes, quæ possunt locare homines in amplissimo dignitatis gradu; vna Imperatoris; altera Oratoris: quod ab hoc pacis ornamenta retinetur, ab illo belli pericula repelluntur. *Cic. pro Mur. Plutarch. in libello, Bellone an pace clariores Athenienses fuerint?* Neq; vlla re alia. Populus Romanus orbem subegisse terrarum videtur, nisi armorum exercitio, disciplina castrorum, usu militiæ. *Veget. libro 1. de re militari, cap. 1.* Et sunt præterea alia commoda bellorum. Cogunt enim homines esse iustos ac temperantes. *Arist. Polit. 7. cap. 9.* Continent alios in officio, quia nemo audet prouocare eum, aut iniuria afficere, quem intelligit promptum & expeditum esse ad defendendum. *Linius Decad. 3. lib. 5.* Auocant Vasallos à vitij, rusticorum insolentiam corrigunt, mercatorum constringunt arrogantiam, inutili turba & ignauia liberant Respub. quæ non secus, atque virioli humores in corporibus, dat damna *Bodin. de Repub. lib. 5. cap. 6.* Prohibent seditiones, excitant ad officium: ideoq; Scipio, cum in Senatu Romano deliberaretur, an Carthago esset delenda? hoc dissuasit illo argumento, quod vtile esset relinquere hostes quosdã, quibus cum de virtute ciues certarent, *Polybius lib. 6.* Et Deus quibusq; poculis & nationibus aduersarios suos dedit, vt periculorum metu in officio continerentur: quemadmodum Israelitici populi exempla hoc abunde testantur. *Bodin. de Repub. lib. 7. cap. 5.* Quam obrem Sapientes adolescentes & liberos suos voluerunt



runt etiã armorũ tractandorum rationẽ discere. *Plat. in Lachete, & s. de Repub.* Fuerũt hac in re diligẽtes Spartani. *Plutarch. in L. curgo, & Persæ: Herod. l. 1. Strabo li. 5.* Etiã Germanis nostris la<sup>9</sup> hæc tribuitur: quod molestũ illis fuerit, quiescere domi, non arma capessere. *Cornel. Tacit. de moribus Germanorum. Cæsar lib. 4. de bello Gallico. Æmylius in vita Caroli Magni.* Neq; postremo negligendum illud est, quod Sacris in literis *Deus* minatur se ablatum hominem bellatorem. *Esa. 3 ac de Cyro affirmat: Apprehendi dexteram eius, vt subijciam ante faciem eius gentes, & dorsa regum vertam. Esaia 45.*

## QVÆSTIO LXIIX.

## QVANDO BELLVM GERENDVM?

**N**ON satis est scire esse gerendũ bellum: verum etiã illud consideradum, hoc maxime tempore, quomodo scilicet bellum gerendum? & ob quas causas. Sunt enim qui belli semina conquirunt, vt strenui videantur: qui muscas imitari videntur, quæ tantum in locis scabris consistere possunt, specula polita ode rūt. *Bodin. li. 1. de Repub. c. 5.* Sunt, quibus aurum placet, propositæ sunt diuitiæ & facultates; domi consistere per egestate nnequeunt. *Tacit. li. 4.* Sunt, quibus cupiditas nocendi alijs aut imperandi est proposita. *Salust. in fragm. Cominæus li. 3. Historiarum.* Habent causas leuiculas alij armorum induendorum. Ab Acquis & Arcadibus sunt bella gesta propter apri caput: à Pyrrhis & Scotis propter canes erectos: à multis propter mulierculas abductas, aut iniuria affectas. *Athen. li. 3 c. 4.* Melius & rectius Romani, qui dicuntur propterea felicia bella gessisse, quia iusta gesserunt & gloriosa, non tam exitũ quã principijs, quia non sine causâ graui suscepta. *Linus li. 5. Decad. 5.* Etiam laudantur in Historijs Lucullus & Scipio, qui dixerunt malle se vnum tiuem seruare, quam mille hostes occidere. *Plin. in Lucullo.*

Julius



*Iulius Capitolinus in Augustino Pio,* Neque enim Imperatori arma capiendā, dum pacem agere licet. *Zonaras in Marliano:* neque temere in acie versari, & manus cum hoste configere oportet: quod immane hoc & beluarum simile. *Cicer. 1. Off.* Ideoque tum demum bellum gerendum, cum primum est causa iusta: quod huc, Imperatoria stat acies. *Theodosius ad Valentinianum in Caesarum viis.*

Iusta vero causa est: propulsatio iniuriarum: defensio legum diuinarum: propugnatio finium, sed conueniens & iusta. *Demosth. in Oratione de Rhod. Libertate.* Et disciplina honesta: conseruatio: vt, qui parere magistratui recusant, in officio contineantur. *Arist. Polit. 7. cap. 8. Thucyd. lib. 2.* Secundo, quando pax non est pax, sed pactio seruitutis, & nimio pretio emptā: potētem reddit hostem. *Sosymus in vita Arcadii & Honorii Cic. 10. Philipp.* Tertiō, cum res sunt ante repetitā, impetrari vero non potuerunt. *Thucyd. lib. 1. Cic. 1. Offic.* Quartō, cum omnia illa tentata, quibus declinari bellum potest, nec amplius nisi in armis spes relinquitur: sapientes enim viri magis finem quā initium spectare, & priusquam ad arma prarumpunt, experiri omnia consilia solent. *Plutarch. in Annibale.* Postremō, quando bellum ante denuntiātum & indictum est: id quod Romae olim per Facciales fieri solebat, qui nonnullis adhibitis testibus hastam in terram coniciebant, cui bellum illaturi erant. *Liuius lib. 1. Decad. 1. Plutarch. in vita Camilli. Gellius lib. 16. cap. 4. Elondus lib. 4. Pompon. Latius cap. 9. Feneftella cap. 16. Plinius de Viris illustribus, cap. 5. Alexander ab Alexand. lib. 5. cap. 3.*

*Cause belli  
in, & quæ-  
nam.*

## QVÆSTIO LXIX.

**A QVIBVS BELLVM GERENDUM aut non gerendum & suscipiendum?**

Non

*An priuatis, liceat bellum suscipere?*

**N**on vtilis & necessaria minus quæstio est, A quibus in bellum gerendum & suscipiendum sit: propterea quod & hic non raro peccatur, temere multa fiunt. Quæritur ergo primo, An a priuatis sit suscipiendum bellum? Et negatur: quia competit hoc tantum principibus & Magistratibus, quibus commissus gladius est: & mortis poena digni iudicantur, qui priuatim & sine scito publico bellum aut pacem faciunt, *Plato 12. de Legibus.*

*An subditis arma contra Magistratus sumenda?*

Secundo, controuersum est, an a subditis contra Magistratus, qui imperant tyrannice, seditiones mouendæ: arma sumenda? In affirmantem sententiam hæc adferri possunt: quod primum seditiones sæpe prosunt: quia cautos & prudentes Magistratus reddunt: quemadmodum Romæ illud est factum, cum Tribuni plebis nobilitati sese opposuerunt. *Machiavellus in Discussionibus suis politicis. Et lib. 1. in Linium cap. 3. & 4.* Secundo, seditiones tales tyrannorum frangunt potentiam, id quod summe est vtile Reipublicæ & simul æquum, quia contra naturam est omnis tyrannus. *Aristot. Polit. 4. cap. 2.* Ideoque; (tertio) sapientes, excellentes virtute viros iustissime seditiones commouere posse affirmant. *Aristot. Polit. 5. cap. 1.* statuit neminem ingenium & liberum tyranni ferre iugum posse. *Idem Polit. 4. c. 10.* Neque scelere se obstringere iudicantur, qui tyrannum, etiam familiarem, interficiunt. *Cic. 1. Offic.* Imo censetur esse hoc pulchrum, beneficio gratum, famam gloriosum. *Idem Philop. 12.* Et notum illud Senecæ: Victima haud vlla amplior potest magisve opima mactari Ioui, quam Rex iniquus. In Hercule furente. Atque hinc quarto tyrannicidæ sunt plurimi reperti: In Sacris Gedeon, Samson: in Scriptis alijs septem Persarum reguli, qui Smerdem sustulerunt. *Herod. lib. 3.* Et Dion Dionysium, Atratus. Nicoclem. *Plutarch. in vtrisque vitis.* Romani Caligulam: qui cum dicere soleret, optare se, ut Romani omnes vnicam ceruicem haberent, quo ictu vno omnes conficerentur: tandem sensit, sibi vnam ceruicem, populo plures manus esse. *Xiphilinus in Caligula.* Sunt denique;

deniq; præmia etiã data olim tyrannorũ interfectori-  
b' diuinos illis honores Græci tribuerũt, prope ad im-  
mortalitatem & religione & memoria. *Cic. pro Milone.*

Verum plura sunt & meliora argumẽta, negantẽ in-  
sententiã. Et quidẽ ad seditionem q̃ attinet, nunquã  
illam esse bonã experientia testatur: cõfirmat ipsorũ  
Romanorũ exemplum: apud quos miserabilis tamen  
extitit status, cũ seditiones à tribunis motæ fuerunt.  
Nec mirũ, q̃a domestica actionũ dominatiõ sēper tri-  
stior est peregrino in imperiõ. *Thucyd. li. 4.* Priuata vul-  
nera plurimis Reip. malis operire cõnãtur. *Corn. Tacit.*  
*li. 1.* Idẽ hisce hominibus, quod Salamãdrex accidit: quẽ  
magnis imbribus crescit, serenitate deficit. *Plinius lib.*

*10. c. 7.* Secundo improbos ac tyrannos necare, aut ex-  
turbare velle, etsi speciosũ & excelsi spirit' esse vide-  
tur. tamẽ probandũ neutiquam est. Et DEVS in popu-  
lo Iudaico, cũ Reges voluit improbos punire; per As-  
syrios & Babylonicos, nõ Iudæos puniuit. Saulẽ per-  
didit nõ Dauidis; sed Philistinorũ manu. Et, vt ciuita-  
tes iustitiæ ministros & carnifices habet: nõ quod eos  
laudẽt, sed q̃ per hos facinorosos puniãt: ita DEVS pa-  
titur, tyrannos, seu quosdã carnifices, esse, vt per hos  
ab impijs pœnas exigat. *Theod. Serm. 6.* Et si extirpandi  
aut exturbandi quoq; tyrãnos potestas concederetur  
populo: nulli principes & Magistratus etiã boni tui  
essent futuri; quãdoquidẽ populi hæc natura; vt noua  
experat. *Tacit. li. 1.* odio ociũ & quietẽ habeat. *Salsusti' in*  
*Iugurtha:* ex opinione multa, veritate pauca iudicet. *Cic*

*pro S. Roscio.* Tertio, Tyrãnicidia ipsis tyræγονοις,  
interfectores tyrannorũ, esse periculosa solẽt: quẽ-  
admodũ exemplũ probat Bruti, Cassij, & aliorũ inter-  
fectorum Cæsaris: quorũ nemo placida est morte è vi-  
uis abreptus: pleriq; semetipsos interfecerũt. *Plutar-  
chus in viã Bruti & Cæsaris.* Quãto, nec Dinarchijs, &  
Rebuspub. & regnis res hæc multũ prodest: quia raro  
sine conuellentiu exitio tyrãnus cõuellitur: oriuntur  
plerunq; seditiones, factiones, bella intestina. *Cornel.*

*Rationes in  
negatiuam  
sententiam:*

*Tacit. lib. 4.* Quinto, exempla quoq; testantur bonorū, manus iniicere principibus suis recusarūt. Et Moy-  
 atq; Aaron crudelitatem suggerunt Pharaonis, vl-  
 onem Dēo reliquerunt. Ac memorabile est dictum  
 Ursapi Vngariæ Palatini: quiscum proceres quidam  
 Matthiam Regem exturbare regno vellent, locum  
 nisce sese adiungere recusauit: & Quemcunq; inquit,  
 sacra corona coronatum videris; etiamsi bos fuerit,  
 & adorato & pro sancto Rege ducto. *Bonsinius in Hi-*  
*storiis Vngaricis lib. 3. Decad. 4.* Itaque ferendi sunt ty-  
 ranni & imperiosi Magistratus: vt sterilitates & im-  
 bres nimii. *Corn. Tacitus lib. 4.* Contra eos scuto magis  
 quam gladio vtendum *Luuius lib. 3.* vindicta permit-  
 tenda Dēo, qui nullam tyrannidem ad tertiam vsque  
 generationem propagare solet: sed eas, tanquam pro-  
 ceras arbores, extirpat. *Ælianus lib. 6. cap. 13.* facit, vt  
 tyrannorum flagitia in propria supplicia vereantur:  
 nec eos aut fortuna aut sollicitudo protegat. *Cornel.*  
*Tacit. lib. 6.*

Num Sa-  
 cerdotibus  
 aut mulie-  
 ribus arma  
 tractanda?  
 bellum ge-  
 rendum?  
 Pro mulier  
 culis ratio-  
 nes.

Vt vero non à priuatis, nec etiam subditis contra  
 magistratus sunt arma sumenda: ita neq; hæc Mulie-  
 ribus tractanda aut Sacerdotibus. Pro mulieribus qui-  
 dem videntur ista facere: quod primo Plato eadē ex-  
 ercitia militaria mulieribus, quæ viris, præscribit: illas  
 quoq; vult in bellum proficisci, & instar canum vna  
 venari. *lib. 5. de Repub. & lib. 7. de Legib.* Deinde, idem  
 constituit Lycurgus in Spartana Repub. *Plut. in vita*  
*Lycurgi, Pausan. in Messeniis & Arcadiis.* Tertio, quod  
 si iracundia est eos fortitudinis: iracundæ, & sic for-  
 tes quoq; mulieres erunt: quemadmodū foemellæ in-  
 ter beluas, & iracundiores & fortiores esse solēt. *Arist.*  
*Polit. 2. cap. 4. Et in hunc Casus.* Postremo, multæ fue-  
 runt deprehensæ fortes & militares foeminae: Iaël, De-  
 bora, Iuditha, in Sacris. Amazones, de quibus *Diodo-*  
*rus Siculus lib. 4. cap. 3. Iustinus lib. 2. Curtius lib. 5. Bon-*  
*finius lib. 2. Decad. 1. Ioh. Magnus lib. 1. Historiæ Gothiæ, Po-*  
*laterranus lib. 23. Fr à Plinarcho: Semiramis, Troades,*  
*Phocides, Chix, Argiua, Perfides, Celticæ, Meliæ, Tyr*

hentæ, Lucifæ, Salmantifæ, Milefifæ, & alifæ mulieres propter fortitudinem cōmendantur, in libello de virtutibus mulierum.

Sic & à Sacerdotū stant partibus illa: Quod Moyfes cum Leuitis idolorū cultores interemit. *Exod. 32.* Agagum occidit Samuel. *1. Regum 15.* Oſtingentos & quinquaginta Baalenses Elias trucidauit. *3. Reg. 18.*

*Rationes  
pro Sacer-  
dotibus.*

Sed negans sententia melior iudicanda. Et quidem ad Sexū fœmineum quod attinet, fœminarum est officiū domum custodire & studere pudicitifæ: virorum arma tractare: muliercularū telā & eolum in manus sumere: ancillas iubere sua opera facere. *Il ad. 6. Homerus.* Deinde, natura hoc requirit, quæ fœminas molliores & imbecilles corpore nō robustas effecit. Tertio, postulat decorum, vt virilibus negociis fœminæ non se immisceant. Quarto, vtilitas hoc suadet, quia fœminæ meticulosæ & inconstantes. Nec (postremo) exemplis, sed legibus & rationibus agendum est, id eo recte in *Politicis* Aristot. Platonis sententiā damnat. Quod idem de Sacerdotibus est statuendum: vbi exempla allata singularia sunt, nec mandato diuino carēt. Valet alias regula illa: Clericorum arma sunt lachrymæ, preces & ieiunia. *Thomas in Quæstionibus 23. lib. quæst. 8.* Repugnat deinde sacerdotio sanguinem fundere: idcoque Dauid prohibitus est templū ei ædificare. *1. Paral. 32.* cum demonendi officium Sacerdotibus iniungitur: aut summa vrget necessitas. *Deut. 20.*

*Negans sen-  
tentia de-  
fenditur.*

## QVÆSTIO LXX.

PER QVOS BELLVM GERENDUM? *Quinam in militiam legendi?*

**L**atius quæstio hæc patet: Per quos scilicet bellum gerendum? Qui accersendi, vt opem nobis in bello ferant. Est enim hic iudicio magno ac delectu opus: oportet diligenter legere milites & enucleatim ascribere, non temere: quia non vires, sed pondus habent, sine iudicio milites lecti. *Seneca lib. 6. de beneficentia. 6.*



31. & impedimento magis sunt quam auxilio, qui vel necessitate quadam, vel imprudētia, vel auaritia promiscue & confuse in militiam cooptantur. *Linus lib. 9. Lipsius lib. 5. c. 8. Polit.*

*In milie legendo quæ nā sunt spectanda?*

Est vero hic spectāda primorētas: & legendi adolefcentes, qui nō minores sunt septē & decem annis, nec maiores 6. & quadraginta. *Linus Decad. 2. li. 2. Polybius li. 6. Salustius in Iugurtha. Suet. in August. Calius li. 10. c. 38. Vegetius de re militari li. 1. c. 4.* Rationes istę sunt: quia primū iuuenes inde dicti, quod in remilitari iuuare Rē pub. possint. Deinde parendo mature imperare recte discūt. Tertio, melius est, vt exercitatus iuuenis cause- tur, ætatē nondū venisse pugnandi, quam doleat præterijisse. Quarto, discendi spatiū habeatur, necesse est: quia nō parua aut leuis ars est armorū. *Vegetius de re militari. li. 1. c. 4.* Quod, si impuberes olim aut milites aut tribuni facti imperatorū licentia, non magis Reipub. cōmodo fuerunt: quæmadmodum senes, necessitatē cita flagitante; aliquando ira pugnarunt. *Plutarch. in Scipione. Alexander ab Alexandro lib. 1. cap. 10.*

*Virum melius peregrini an indigena milites legantur? Pro peregrinis rationes.*

Secundo, Natio consideranda: vbi quæstio se offert nobilis: Vtrū melius sit, milites peregrinos & mercenarios, an vero domesticos & indigenas esse? Pro peregrinis faciūt argumenta, quæ sequuntur. Quod primum non esse tutum videtur, Principibus & magistratibus alijs subditos armari: propterea quod arma semel sumpta, nō facile deponūt, sed cōtra ipsos Magistratus sepe vsurpāt. Secūdo, experientia ipsa testatur, nō omnes æq; ad armā tractāda esse idoneos; sed nationē, nationem aliam hac in re superare: suppeditare hāc bonos equites: aliā bonos pedites. Tertio, sūt meticulosi & timidi plerunq; indigenę: dum de vxoribus, liberis, ædibus & villulis suis cogitant. Quarto, Cyprius sapientissimus longinquos & peregrinos, vt equos, ita milites quoq; oportere quærī cōsuevit Alexandrini nullos milites nisi peregrinos admiserunt: prudentissimū quiq; viri in ea fuerunt sententia; nihil m. creatura illa nobilius esse, quā viri re militari peritū parātura, Pri-



*nius li. 37. Vegetius li. 1. c. 2. Xenoph. lib. 1. Padiæ Cyri. Alexā-  
der ab Alexand. lib. 1. cap. 20. Iovius in vita Galeacij, Lipsius  
lib. 1. cap. 9. & 10.*

Verū sunt plures rationes cōtra peregrinos pro in-  
digenis. Et quidem 1. q̄ vilius cōstat erudire armis su-  
os, quā alienos mercede cōducere *Veget. li. 1. c. 28. 2. Mi-  
nus fidi sunt externi, mercede maiore fas & ius exu-  
unt. Corn. Tacit. 3. Sunt cōtumaces & petulantes, regi se  
nolunt, ex libidine cuncta agunt. Idē li. 4. 4. Facile mo-  
uēt seditiones ac tumultus, maxime cū ad proeliū iam  
cundum. Idē li. 3. 5. Quia nō pro suis pugnant, rebus, sed  
alienis: cū est ad pugnam peruentum, fugiunt. Idē li. 8.  
6. Graues & molesti sunt incolis: fiunt deuoratores &  
populatores terræ, quā defendere debebant. *Curcius  
li. 3. 7. Imo sæpe regna & imperia ad se trahunt: depre-  
henditur verū, quod ille canit: Fraus fidem in paruis  
sibi prestruit: vt cū opere precium sit, cum magna mer-  
cede fallax. Linus 38. Testantur exempla, Saladini in  
Ægypto, Longobardorū in Italia, Francorū in Gallia,  
Anglosaxonum in Britannia: qui conducti mercede,  
eiectis incolis, ipsi regnat occuparunt. Quemadmodū  
& Turcæ dominari cōperunt, cum à dissidētibus prin-  
cipibus Græcorū in auxilium sunt accersiti. Bodin. li. 5. c.  
5. 8. Cū sunt peregrini & externi milites inter nationes  
varias; dissensiones magnæ, etiam rixæ de principatu  
& imperio oriri solent: vbi idem accidit, quod illis qui  
nauigant, dum inter se nauclerū de gubernatione cō-  
tendunt. 9. Soluēdis quoq; stipendiis erarium exhau-  
ritur: ad alienos pecunia transfertur. Bodin. lib. 5. c. 5. de  
Rep. 10. Verisimile est, promptiores homines ad sua  
propugnanda, quam aliena esse. Probant hoc ipsum e-  
xempla plurimorum, qui freti exterorum auxiliis, de-  
fectiones magnas sunt experti: vt Scipiones in Hispania.  
*Linus 35. Siphax rex apud eundē lib. 30. & Pōpeiani  
in bello Pharsalico. Appianus. Et Galli ad Mediolanū.  
Quicciardus lib. 10. Et Carolus Gallix Rex octauus.  
Arnoldus li. 2. Gallicarū Historiarū. Et si nihil esset, aliad,***

*Contra pe-  
grinos ar-  
gumenta.*

contemni saltem ab his inquilini videntur: idque egre molesteque ferunt. Quod si vero omnino hi necessarii, danda opera, vt plus roboris nostri quam externi militis in castris dux habeat. *Linus lib. 35.* Et Romani diligenter illud obseruarunt, vt totius exercitus robur Romano ciue & Italo homine constaret. *Fulgosius lib. 2. cap. 1.* nec numerus amplior auxiliariorum ex peregrinis copiis, quam ciuium esset. *Alexand. lib. 1. cap. 5. & 20.*

Ex quibus-  
nam nationi-  
bus exter-  
na auxilia  
accersenda.

Cum autem externa auxilia accersenda, non inutiliter illud quæritur, Ex quibus nationibus maxime accersenda illa sint; Et si vero in omnibus locis ignaui sint, sicut & strenui: tamen gens gentem in bello præcedit. Probantur maxime milites, qui ex locis & plagis temperatis veniunt, quia nationes soli vicine plus quidem sapiunt, sed minus sanguinis habent, id eoq; constantia in his ac fiducia cominus pugnandi non deprehenditur. Contra Septentrionales populi remoti a solis ardore, sanguine largo redundat, id eoq; nimis præcipientes sunt in vulnera. Medium temperatæ plagæ homines tenent, mortem contemnunt, non destituuntur prudentia seruiant modestiam: quæ non solum in consilijs, sed etiam dimicatione prodest. *Vegetius de re militari lib. 1. cap. 2.*

An ad bel-  
licum idorei  
magis opi-  
fices an a-  
gricolæ?

Tertio delectus quoque habendus in arte & conditione vitæ: nec male quæritur, meliores ne ad militiam agricolæ & vitatores, an opifices sint. Pro agricolis plures faciunt: quia sub laboribus & dio tales nutriuntur solis sunt patientes, deliciarum ignari, simplicis & erecti animi, paucis contenti, mortem quoq; minus timent, quia deliciarum in vita minus norunt. *Plin. lib. 18. cap. 5. Plauto 2. de Repub. Plutarch. in vita Coriolani. Cato in principio de rusticis. Varro lib. 1. cap. 2. Vegetius lib. 1. de re militari. cap. 3.*

Opifices non  
excludendi  
sunt.

Verum nec opifices omnes excludendi: sed minus placent piscatores, aucupes, dulciarii, qui aliquid tractant ad gynæcea pertinens: conueniunt ijs, qui, vt *Plautus in Capitiis* ait, calceatis dentibus milites ad pugnam cunt. Probantur fabri ferrarii, carpentarii, macellarii, venatores, sed non omnium animalium & fu-

gacium

gacium lepufculorum, fed ceruorum & aprorum. *Vegetius lib. 1. c. 7. Et in hunc Strenegius.*

Quarto, morum quoq; requiritur & vitæ probitas. *Vita atque probitas morum in milite requiritur.* Dici solet, in bello malum neminem esse, nisi qui malus non extiterit, sed contra prudentes sentiunt: quia 1. honestas idoneum militem reddit. 2. victorem facit virum, dum verecundia fugere prohibet. 3. ignauus & improbus frustra aut exercetur, aut in officio continetur. 4. ab omni virtute degenerat voluptatum assuetudine miles. *Tacit. lib. 2. Vegetius lib. 1. c. 7. Et experientia testatur.* 5. Tum ab hostibus clades inferri, cū feruantur, per gratiam aut dissimulationem indicti tyrones: sunt qui in scortis & conuiuijs quam armis & militaribus equis libidinem maiorem habent. *Salustius in coniuratione Catilinaria: quibus ad populandos finitimorum agros, capienda pecora magna vis: nulla in acie ac signis collatis. Lin. lib. 38. Nec sine causa leges, quæ de remilitari agunt, vetant, admittendos in bello eos esse, qui status controuersiam sunt passi, crimi- nosi, adulteri, iudico aliquo publico damnari.*

Neq; illud etiam inutiliter mouetur, vtrum melius *Vtrum melius sit equi- faciant an pedites.* sit, pedites multos an equites habere. Pro equitibus ista faciunt: quod in campis & pugnis cito parant hi victoriam: sunt ad fugandum parati atque prompti: pedites contra in locis angustis, in fossis, paludibus, arboribus impeditis, montuosis valent, vt etiam propugnandis aut expugnandis ciuitatibus. *Tacit. de moribus Germanorum; Polyb. lib. 3. Veget. lib. 3. cap. 9. Ionijs lib. 2. Historiarum. Machiavellus libro 2. discuss. cap. 18. Lipsius lib. 5. c. 7. Et quo rationes hæ bonæ, exempla testantur Persarum ad Thermopylas: & in Heluetia, vbi in locis montuosis nullius feruntur momenti equites? coacti prælium inire pedites sunt. Collatione ergo facta, magis Reipubl. necessarii pedites esse videntur, quod vbiq; possunt prodesse; deinde sumptibus & impensis minoribus & comparari & nutriri, quam equites. *Vegetius lib. 2. cap. 1.**

QVÆSTIO LXXI.  
QVÆNAM IN BELLI DVCE  
observanda?

QVemadmodum in bellimateria recte parāda ratio militum habetur: ita non sunt negligēdi Duces & Imperatores belli, quandoquidem sine Duce, militaristurba est corpus sine spiritu. *Curr. li. 10.* Et ferunt, Philippum Macedonum Regē reprehendisse hoc nomine Atheniēses, quod temere & singulis annis novos duces crearēt: cum per totam vitam ipse non, nisi vnicum bonum ducem, Phormionem scilicet, habuerit. *Parr. lib. 7. de Repub. lit. 2.* Et sunt hac ipsa in re cōtroversa & dubia non pauca, quæ agitari hodie solent.

An genere  
ac familia  
Dux eligē-  
dus?

Quaritur enim primo de genere, an in eligēdo Duce familiæ splendor sit spectandus? Et sane hoc optandum est, ut illustres ac nobiles potissimum deligātur: quia prodest hoc plurimum ad autoritatē comparandam & cōsequendam. Deinde parit amorem ac benevolentiam apud milites. *Sesellius li. 2. de Repub. Gallia & Regum officio.* Tertio, veri quoque simile est, fortes à fortibus creari, simile sibi simile gignere. *Aristot. Polit. l. 1. c. 4.* Quarto commodat plurimum æmulatio & memoria *Diodorus lib. 44.* Turpe ducitur ab his degenerare. *Plato in Menexeno.* At contra, cætera si defuerint, quæ Duci necessaria, genus solum non spectandum videtur. Quemadmodum enim in nauigando gubernatio navis non illi committitur, qui natalibus, opibus, aut fortuna cæteris antecellit, sed qui gubernādi peritia, & vigilātia alios superat: ita belli administratio eimaxime committēda, qui reliquis fortitudine & sapiētia antecellit. *Parr. lib. 9. de Rep. lit. 1.* Et virtutis est, non dignitatis ratio habenda in officijs mandandis. *Plut. in vita Sylla, Salustius in bello Jugurthino.* Neque tam homines considerandi, quam hominum actiones spectandæ. *Aristot. Polit. 3. cap. 8.*

Itaque sic concludendum: ut tum habeatur ratio dignitatis

gnitatis ac splendoris familiæ, cum moderato quis est primū ingenio præditus: deinde libenter audit re militari peritos: tū iudicio, ut disceptata causa quod est optimum eligat: præterea non destituatur animi alacritate & promptitudine: postremo ferat ac patiatu ad iungi sibi ciues prudentes, qui suppleant id, quod in eo forte desideratur. *Sesellius lib. 2. de Repub. Gallia.* Ita Themistocles obscurioribus ad gloriam natalib<sup>9</sup> fuit. *Plutarch. in eius vita.* Et Iphierates Atheniensis, vir militaris scientia insignis, sed patre tutore natus. Quod cum quidam ei obijceret: Meum, inquit, genus à me ipso sumit initium: tuum autem in te desinit. Et Phocion, cuius pater cochlearia conficere, indeq; victum quærere est solitus. *Plutarch. in vit.*

Secundo, etiam Patria in Duce consideranda: ubi quæritur nō incommode, utrum peregrinis sit hoc officium committendum. In negantem sententiam istæ sunt rationes: quod 1. Duces peregrini magnis stipendijs & præmijs conducuntur. 2. Cum veniunt, pleræque innovare conantur. 3. Non ita, atq; indigenæ, militi grati sunt: unde factiones & seditiones oriuntur. 4. Adducunt secum suæ nationis homines, qui nō secus, atque locustæ segeti, indigenis dant damnum. Postremo, non habent perspecta hominum ingenia, aut etiam cognitam & exploratam regionū cōditionem. *Aristot. Polit. 5. cap. 3. Cominaeus lib. 5.* Melius itaq; esse videtur: indigenam aliquem quā peregrinum habere Ducē. Sed si hic desit, aliunde erit accersend<sup>9</sup>. Quem admodum Carthaginenses Xantippum Spartanū Ducem elegerunt: qui ingenti prælio Romanos vicit. Et Athenienses elegerunt ducem Heracitum Clazomenium. *Ælianus lib. 14. Patricius de Repub. lib. 9. tit. 2.* Et Artoxerxes Persarum Rex, Ægypto bellum illaturus, Iphicratem Atheniensem Ducem quasiuit. *Plutarch.* Nec ita male: quia maior sæpe autoritas peregrinorum, quam domesticorum. Magis honorantur extra patriam, quam in illa, homines. D. Thomas in Matthæum. Minor est ibi invidia, & æmulatio, unde



factiones & contentiones oriuntur. *Bodin. lib. 6. de Repub. cap. 8.*

In Duce ætas virum consideranda?

Tertio, neq; ætas hic negligēda, & quæri posse vtiliter videtur, satius ne sit senes an iuuenes bello præficere. Pro senibus faciūt quæ sequūtur: quod in his mēs est & intellectus. *Arist. Polit. 7. c. 16.* ætate homines prudētiore, vsu tutiores euadere affirmat. Habēt tertiu quasi oculū experientiam, qua rerū principia & euentus facile perspiciunt. *Plutarch. libro 3. de Repub.* Maior quoq; in Senibus autoritas est. *Plut. in libello, An senē Rebus pub. gerēda.* Cōtra ab Adolescentū stant partibus ista: quod senes sint meticulosi, ac timide gelideq; omnia administrāt. *Plato in Axiocho. Arist. Rhet. 2. c. 12.* Sūt deinde morbis varijs obnoxii, imo senectus, vt ille ait, ipsa morbus est: fortes cōtra adolēscētes. *Aristot. ibid. 3.* Ab excellēti quoq; & eximia virtute ætatis progressus nō est expectandus. *Cic. 5. Philipp. 4.* Et, si expectanda sēper ætas, sæpe magna indoles virtutis exincta prius fuisset, quā Reipub. prodesse potuisset. *Cicero ibid.* Nec (postremo) exempla desunt illorum, qui adolēscētes res magnas gesserunt: vt P. Scipionis Africani, Cn. Pompeij, Alexandri Magni, Annibalis, Augusti Cesaris, qui adolēscens, pene puer, interfecto Cesare, Rempub. defendit. *Cic. 5. Philipp. Plinius de Viris illustribus. Plutar. in vitis Illustrium Græcorum & Romanorum.*

Rei militaris peritia potius an virtus in Duce requirenda?

Quarto, est & illud coniunctum cū dubitatione, & controversum inter Aristotelē & alios: Vtrū rei militaris peritia potius, quā virtus in Duce spectanda. Pro rei militaris peritia faciunt: quod primum ducis officiū melius sciētia quā virtute perici videtur. 2. hac ipsa victoria cōparatur. 3. Quemadmodū Leo est fortis & tamē rapax: ita dux peritus etiam non bonus esse potest. Exēpla hæc testantur Syllæ, Marij, Antiochi, aliorum. *Aristot. Polit. 5. c. 9. 4.* Peritia illa dimicandi audaciā nutrit. Neq; facere quicquam metuit id, quod bene sese didicisse nouit. *Veget. li. 1. c. 1.* Postremo imperitia cladiū magnarum sæpe causa est. Exemplo sit Xanthippus lib. 1. apud Polybium cladis Cannensis autor.



Contra pro virtute afferri possunt : quod ubi virtus *Dux sit bo-*  
est ac morum probitas, conciliatur reuerentia & amor *nus ac pre-*  
Ducibus. Deinde ad imitationem excitantur plurimi. *bis.*  
Tum longe plus effici potest consilio, quam sola scien-  
tia virtute destituta. Quod in Alexandro, Scipione, a-  
liis multis videre licet. *Sesellius l. 2. de Repub. Gallia.* Pre-  
sentem deniq; opem Dei probitas habet: qui neq; gla-  
dio neq; hasta præliantes seruat. *1. Reg. 12.*

Sit ergo in Duce commēdata maxime virtus. Sit hic *Dux sit*  
primo prudens: quando quidem vnicū rectū con- *prudens.*  
siliū magnā militū multitudinem vincit: maiora  
in bellō animi, quam corporis viribus peraguntur. *Xe-*  
*nophon li. 1. Pædia Cyri.* Ideoq; solos prudentes esse for-  
tes Agesilaus dixit; mandauit suis, vt in prælio vnicū  
Epaminondam Ducem sapientem obseruarent & in-  
terficerent quod, hoc sublato, reliquā turbā supe-  
rari facile posse statueret. *Plutarch. in Apophtheg. Laco-*  
*nicis.* Neq; quicquam tam est pulchrum, quam vt miles  
strenue factis, ductor prudenter consultis exultet. *A-*  
*mianus Marcellinus lib. 17.* Et hæc virtus in Pericle, Iphi-  
crate, Arato, Annibale prædicatur.

Secundo, sit diligens, vigilans, laboriosus: eo quod *Dux sit dili-*  
publica videtur iniuria, cuius culpa aliqd in bello *gens ac vi-*  
euenit. *Veget. li. 3. c. 16.* Hostiū consilia sentiat, propterea *gilans.*  
quod magna iactura cōditiones & consilia hostium i-  
gnorantur. Neq; vlla pecunia rectius collocatur, quā  
quæ in exploratores collocatur. *Polyb. li. 3. Xenophon li.*  
*6. Plutarch. in Aristide & Themistocle.*

Tertio, seuerus sit & omnes culpas militares legib. *Seueritas*  
vindictet: nulli errantium ignoscere credatur. *Veget. li. in Duce na-*  
*3. cap. 10.* Ita enim primo autoritas conciliatur: deinde *cessaria.*  
melius res militares geruntur parendo imperio Ducū  
quam sciscitando. *Cornel. Tacit. in Ottone.* Nec male tria  
boni militis officia constituuntur: corpus habere va-  
lidum, animum ad imperia paratum, arma apta: *Liuius*  
*lib. 44.* Vbi seueritas abest, tumultuose ac perturbate  
omnia fiunt: disciplina enervatur. res hostiū au-  
gentur. Claruit hac virtute M. Curius. *Valer. Max.*

*lib. 6. cap. 3. Papyrius Cursor, Eutrop. lib. 2. Alexander Seuerus Imp. Lamprid. in Seuero Maximi. Scipio, qui in lustris Hispanicis mercatores, meretrices, diuinatores eiecit: nihil, nisi quod necessarium, in castra importari in his non nisi paucos lixas ac calones esse voluit. Appianus de bello Hispanico, Paulus Diaconus Histor. 4. Li-  
nius 57. Florus lib. 2. cap. 18.*

• Verum danda hic opera est, ne quid nimis. Parum enim fidos nimis acerbi Duces inueniunt milites. Quæ admodum hoc Lucullo accidit, qui à militibus suis hæc de causa est desertus. *Plutar. in vita. Et Caio Carboni, qui interfectus est à suis Val. Max. lib. 9. c. 7. Et Quintilio Varo à Gallis occiso. Dion in Augusto. Et Alexandro Mammææ filio Imperatori, qui hanc ipsam ob causam interemptus à suis est. Iustinianus in Caesaribus.*

*In Duce ta-  
citurritas  
laudatur.*

Quarto, sit taciturnus, occultet sua consilia. Vinculum enim optimum est rerum gerendarum publicarum Taciturnitas. *Val. Max. lib. 2. cap. 1. Teneberrimum creditur in expeditionibus, facienda nesciri. Veget. de re militari lib. 2. cap. 7. Claruit hæc virtute Iason, Pyrrhus, Aratus, Q. Metellus Pius: & parentum nostrorum tempore Mauritius Saxonie Elector, qui ne pileum quidem suum se retenturum dixit, si nosset arcana illum sua scire.*

Quinto, continens sit & Temperans. Neque enim potest exercitum is continere Imperator, qui seipsum non continet: neque seuerus esse in iudicando, qui alios in seseueros esse iudices non vult. *Cicero pro Lege Manilia. Neque etiam meditari aut agere fortia possunt, qui voluptates admittunt. Ælianus lib. 4. Variarum Hist. Commendati propter hanc virtutem fuerunt Agesilaus, Agis, C. Fabricius, M. Cato, P. Scipio Africanus. Plutarch. in Agide, Catone & Pyrrho. Val. Max. lib. 4. cap. 3. Florus libro 4. c. 3. Frontinus lib. 4. cap. 1. Eutropius lib. 4. c. 7.*

Sexto, & fortis sit Dux, necesse est: quia melior est exercitus ceruorum, Duce Leone, quam Leonum. Duce ceruo. Et cum exemplo non minus quam legibus homines ducantur: animosi & fortes redduntur milites,  
cum

cum Duces suos fortes conspiciunt, Exemplo sunt Cyrus Persarū Rex; Alexāder Magn⁹, Demetri⁹ Poliorcetes, Pyrrh⁹, Romāorū & Athēiēnsiū Duces plurimi,

## QVÆSTIO LXXII.

## VTRVM PUGNÆ INTERESSE

*ipsum Ducem oporteat?*

**D**Vbium & controuersū inter politicos est: Liceat, nec ne, Ducem pugnæ interesse? Agitata hæc est QVÆSTIO inter Dauidem & populum Iudaicum, cum contra Absolomium pugnandum esset. 2. Reg. 18. Extat quoque grauis de eadem deliberatio inter Proceres & Consiliarios Ottonis Imperatoris *apud Tacitum*. Nec desunt rationes in vtramq; partem. Et quidē in negantem sententiam istæ: quod primo conducit, vt Dux ac Princeps maxime de seipso sit sollicitus. *Veget. de re militari, lib. 3. cap. 10.* Summæ rerum & imperij seipsum referuet, dñi ijs præliorum exemptus. *Cornel. Tacit. 17. 2.* Vnius Ducis salus pro decem milibus reputatur: reliquorum non ita magna censetur iactura. *lib. 2. Reg. cap. 12.* Cum periclitaretur Dauid in prælio contra Philistæos: noluerunt viri eius, vt egrederetur secum in bellum, ne extingueretur. **LV-CERNA ISRAEL.** *ibidem.* Et est exercitus similis corpori humano: ybi cum manib: cōferuntur pedites, pedibus equites, acies ipla cū pectore ac thorace, capite vero ipse Dux & Imperator. *Plutarch. in Apophtheg. Græcis. 3.* Imperij dignitas magnificianda, non temere prostituenda est. *Plutarch. in pelopida.* Dissimilitudinem esse oportet & differentiam inter Ducem & militum iura: his laborandum, illis consulendum. *Plut. in vita Sertorij, Tacit. lib. 3. 5.* Per vicarios & legatos suos plurimi res præclare gesserūt in bello: vt Augustus, Iustinianus, alij. 6. Negligens seipsum Dux nō sibi solum, verum etiam toti exercitui nocet. Sint exemplo Pelopidas & Marcellus, qui temeritate sua & se & suos perdidit.

perdiderunt. *Plutarchus in Pelopida & Marcello.*

*Pro affir-  
man: sen-  
tentiaratio-  
nes.*

In affirmantem contra sententiam afferri istæ pos-  
sunt: quod, quando certare vident Ducem suum mili-  
tes, vehementius & ipsi in prælium ruunt. *Curt. lib. 10.*  
*Appianus de prælio inter Annibalem & Scipionem:*  
*Appianus lib. 3. de Alexandro.* Incitamentum magnū est  
animorum, cum Dux & Princeps adest: obseruat cu-  
iusq; fortitudinem & ignauiam. *Appianus lib. 2. de prælio*  
*Pharsalico. Frontinus Probus Historiarum Gall. lib. 6.* Victo-  
ria non tam militum robore ac fortitudine, quam au-  
toritate præsentis Ducis constat. *Cæsar lib. 3. Comment.*  
*belli Gallici.* Præterea fieri plærunq; solet, vt cum Duce  
militum manus valida discedat: fortissimi quiq; bello  
se se subtrahant: animus cæterorum frangatur. *Tacit.*  
*lib. 17.* Et in vniuersum: vbi summus non adest, citius;  
quod non factum est opus, fit, quam quod factum est opus.  
*Plautus in Amphitruone.* Hinc Macedones contra Illy-  
ricos & Thraces pugnaturi, etiam infantem Regē secū  
in prælium tulerunt. *Iust. lib. 7.* Concludendum itaque  
videtur, interesse prælio debere Ducem & Principem:  
modo absit temeritas, absit temeritas, absit periculū  
magnum, in discrimen salus regionis vocetur.

*Eloquens sit  
Dux, necesse  
est.*

Septimo, sit & eloquens & facundus dux, necesse  
est: vt moueat & inflammet militum animos ad forti-  
ter pugnandum: vt seditiones ac tumultus compescat:  
vt in officio exercitum contineat. Tali valuit dicendi  
facultate Cæsar, valuit Alexāder Magnus, valuit apud  
Thebanos Epaminōdas, qui lingua prius, quā armis  
hostes vicit. *Probus in eius vita.* Valuit quoq; Philippus  
Macedonum Rex, qui magis gloriari est solitus, si quā  
verbis adeptus victoriam esset, quam armis: quod ho-  
rum sibi partem milites vindicare existimaret, illa ve-  
rō ad suam ipsius laudem pertineret. *Poliænus li. 4.* Va-  
luit deniq; Pyrrhi legatus Cyneas, de quo ipse Rex est  
falsus: plures sese vrbes Eloquentia, quā armis suis  
occupasse. *Plutarch. in vita Pyrrhi.* Etiam autoritate sit  
præditus Dux & Imperatoribus bonus. Homines in  
bello non minus opinione famæ, quā certa aliqua ra-

*Autoritate  
valere  
Ducem.*

tione commouentur: vt contemnauit, aut metuât, aut odio vel amore proſequantur. *Cic. pro Leg. Manil.* Fama quoq; plurimum bella conſtant. *Herod. lib. 7.* Et hac re excelluiſſe Q. Fabium, Alexandrum Magnum, Scipionem, Pompeium, & alios conſtat.

Sed & Non illud requiritur: vt vnus ſit Dux, non plures imperent. Itaq; Conſules Romani in caſtris, nō ambo ſimul, ſed alternis diebus imperarunt. *Liuius 31.* Et cum ſex eſſent in legione Tribuni, ſinguli per duos meſes legitime imperarunt. *Idem libro 40.* Notum eſt & illud proterb. Duces multi Cariam perdidērunt. *Eraſmus Chil. 3. cent. 7. proverb. 7.* Nec rationes deſunt: quia parum ab ἀναρχία πολυαρχία differt: conſilia optima impediuntur: occaſiones præclaræ è manibus efluunt: forum inueniunt æmulationes, diſſidia, cōtentiones: alter alteri præferri cupit: veriſſimū deprehenditur, quod Thucydides ſcribit, ſemper duo illa obefſe in bellis gerendis: ἀναρχίαν, & πολυαρχίαν, multitudinem imperantium. *lib. 6. hiftoriarum.*

Postremo, illud accedat, neceſſe eſt, vt felix quoq; ſit & fortunatus dux. Sunt enim quidam quarta, quod aiunt, Luna nati; equo Sciano ſemper vehuntur; rem gerunt infelicitè: alij contra ita ſunt felices, vt (quod *Liuius* ſcribit) de cœlo in eorum ſinum victoriæ defluant, *lib. 7.* Et occulta quadam ratione, alij contra alios dimicant melius: & qui fortiores vicerunt, ab inferiorib; ſæpe vincuntur. *Veget. de re militari, lib. 3. cap. 16.* Itaq; fortunæ quoq; templum Romæ extructum fuit: & cū virtute hæc neceſſario coniūgenda. Fundamenta etiam imperij Romani iecit tempus cū Deo, ſed fortunam ſimul ac virtutē vna adiunxit. *Plutarch. in libello de fortuna Romanorū, & orationib; duabus de fortuna & virtute Alexandri.* Clariuit hac maxime Timotheus, quē pictores pinxerunt, fortunæ beneficio, veluti reti, vrbes capere. *Ælianus lib. 13.* Clariuit etiā Sicilius Dētatus, qui 220. prælijs interfuiſſe dicitur. *Blondus lib. 6. de Triumphis Romanorum. Plinius de Viris Illuſtribus.*

Vnus Dux  
non plures

QVÆSTIO LXXIII.  
 QVO LOCO BELLVM GE-  
 rendum?

DE loco consultationes extant grauissimæ apud Herodotū *li. 4.* inter Cyri Proceres de bello Mafagetis inferendo: & apud Xenophontem *lib. 4.* ubi Timolaus Corinthius suadet, vt in finibus Spartę bellum geratur. & *lib. 8. Thucydidis:* cum in consilio Græcorum quæritur, vtrū apud Salaminem, an vero Isthmū sit cum Persis pugnandum. Et apud *Liuium li. 28.* quod in loci acris est decertatio inter Q. Fabium & P. Cornelium Scipionem: vtrum exercitus Romanus traducendus in Africam, an relinquendus in Italia sit. Et hodie illud non raro controuertitur, an sit melius domi hostē expectare: an vero illius in finibus bellum gerere, & eundem præuenire. In vtramq; ergo partem adferri hæ rationes possunt. Et quidem bellum inferendum, non expectandum domi esse, istæ probant.

*Hostis domi non expectendus.*

*Præuenire, quam præueniri melius.*

Quod primo, cum hostis domi expectatur, metendum est: ne fugati, ditione tota exuamur: quando quidem clades non ita facile sarciri potest; aut nonus illico exercitus cōparari: alieno contra in solo clades leuior. *Herod. li. 4. Machiauellus disputat. de Repub. li. 2. c. 12. 2.* Victoria amplior eorum, qui non sua, sed aliena in terra bella gerunt: recta ita pergere non solum ad bona occupanda, verum etiam totam ditionem inuadendam possumus. *Herod. ibidem. 3.* Cū bellum domi geritur, agri deuastantur, bona subditorū diripiuntur, nec horum opera tuto vti licet nobis, aut etiā tributum flagitare. Atq; ita exiccatur fons belli, vnde præsidia manant. *Machiauell. ibidem 4.* Qui aliena in regione milites suos habet, maxima necessitate cōstringuntur, pugnandi, quia videt periculū imminens; atq; inde fortiores euadunt. *Idem ibidem. 5.* Qui hostem inuadunt, semper sunt audaciores: & maior ipes & animus inferētis vim, quā arcentis est & propulsantis periculum. *Liuius li. 20.*

*in oratio*



in oratione Annibalis, & 28. in oratione Scipionis lib. 13. Multum quoque interest, alienos ne populere fines, an tuos vri & excindi videas. *Linus lib. 38.* Huc accedit 6. quod etiam maior rerum ignotarum esse terror consuevit. *Linus ibid.* Et res hostium 7. fluuiorum referre naturam videntur. Quemadmodum enim fluuii ad fontes suos non alti, sed vado permeabiles sunt; quo longius a fontibus defluunt, eo cursus illorum fit acrior, alijs scilicet fluminibus exceptis: ita crescunt & confirmantur, qui exercitus longius educunt: soli sunt, quibus bellum domi inferitur. *Xenophon lib. 4. de rebus gestis Græcorum.* Et quemadmodum 8. qui vespas volunt excindere, cum egressas infestant, multarum aculeis traduntur; qui vero ignem admovent, cum adhuc sunt inclusi in suo alucri, tacite vespas necant: ita qui domi inuadunt hostem, non expectant dum ille veniat; feliciter rem gerunt *Idem eodem in loco.* Et si 9. nihil esset aliud, tamen ad dignitatem & famam pertinet, videri animum esse non modo ad defendendum, verum etiam inferenda alijs arma. *Linus lib. 28.* Itaque commendatam sibi hanc rationem summi Ducis habuerunt. Obseruauit Cyrus, cum Massagetis bellum intulit: obseruauit, Antiochus Romanis bellum inferens: obseruauit Agathocles, qui cum Carthaginiensium domi sustinere impetus non posset, foris pugnans, eos ad petendam pacem compulit: obseruauit Scipio, qui bellum ex Italia in Africam transtulit.

Verum in contrariam partem sunt etiam quæ adferri possunt: cuiusmodi est 1. illud, quod ducere exercitum alienam in regionem, simul & sumptuosum & periculosum est. Exemplo sit Cyrus a Massagetis tandem interfectus. *Herod. lib. 4.* Et Moto, cuius meminit *Polybius lib. 5.* Et Athenienses, qui bello domi relicto, magna classe in Siciliam transmissa, vna nauali pugna Rempub. florentem in perpetuum afflixerunt. *Thucyd. lib. 2. Linus lib. 28.* Et apud Romanos M. Attilius Regulus, infeliciter in Africa pugnans. *Linus ibid. 2. Ibi*

*In partem  
contrariam  
rationes.*

graue est bellum gerere, vbi nullus est portus classica-  
 pertus, non ager pacatus, non ciuitas socia, non consi-  
 stendi aut procedēdi locus: quocunq; circumspexeris,  
 hostilia sunt omnia *Litani* 28.3. Non etiam tutum est  
 fidem habere ijs, qui se itineris comites, duces, soci-  
 os & amicos expeditionis profitentur: quod fraus fi-  
 dem in paruis sibi præstruit, vt cum operæ est premium,  
 cum mercede magna fallat. Ac licet nonnunquam ho-  
 mines æmulatione inter se acuat, cum externus motus  
 procul est: tamen cū alienigena est exercitus: qui se o-  
 stendit; velut ad commune incendium restinguendū  
 omnes concurrunt. *idem ibidem*. 4. Aliter quoque ali-  
 ena, aliter Patriæ mœnia, tēpla, aras, focos defendūt;  
 cum euntes in prælium pauida cōiunx sequitur, parvi  
 liberi occurrant. *Linus lib. 28. in oratione Q. Fabij*. 5. Do-  
 mi bellum cum geritur, commeatu & rebus necessari-  
 is alijs sine periculo munire nos possumus. *Machiavel-  
 lus lib. 2. cap. 12*. Melius pugnatur denique 6. propter si-  
 tus loci peritiam: res etiam minus prospere si geratur  
 in prælio, plures sibi fuga consulere & vires reitaura-  
 re possunt. Concludendū ergo hic videtur distin-  
 ctione locorum & regionum. Sunt enim quædā regi-  
 ones munitæ vel arte vel natura, instructæ quoq; viris  
 reimilitaris peritis & fortibus: aliæ cōtra his destitute  
 Vbi munitæ sunt & instructæ regiōes, melius est domi  
 quam foris bellum gerere, & hostem expectare, non  
 præuenire. Vbi defect⁹ est, sati⁹ est longe à patria bel-  
 lum gerere; id quod Carthaginēses obseruasse legim⁹.

QVÆSTIO LXXIV.  
 AD BELLVM GERENDVM  
 quenam requirantur?

*Ante bellū  
 quæ consi-  
 deranda.*

QVæstio hæc latissime patet, sed paucis compre-  
 hendetur distinctione facta secundum tempora,  
 quæ ante bellum, in ipso bello, & post, consideranda.  
 Et quidem ante bellum DEI placandum & exoran-  
 dum

dum numen est: quemadmodum Israelitæ pugnaturi, DEVM consulere sunt soliti. *Iud. 20. Reg. cap. 14. & 23.* Daud Rex laudatur, quod nunquam in bellum profectus fuerit, nisi diuino oraculo prius consulto, & sacrificijs peractis. *1. Reg. 23. Platina lib. 1. de optimo cive* Quin & Ethnici sine auspicijs & augurijs bella non susceperunt: & inter x i i. T A B. leges, lex est prima; Ne quid inauguratò faciunt.

1. Religio.

2. De pecunia cura suscipienda: idque tamen controuersum est: quandoquidem negari potest, id quod dicitur Prouerb. pecuniam neruos belli esse. Cræso sane monstranti thesauros suos Solon respondit, bellæ geri & cõmitti prælia ferro non auro solere: fieri potest, vt qui sunt thesauri facile eripiantur. *Plutarch in Solone.* Deinde Romani nõ auro, sed ferro soliti sunt militare, & rē feliciter gerere. *Polyb. lib. 6.* Etiam Spartani homines bellicosissimi non nisi ferri vsum habuerunt: ademptus his fuit auri, argenti vsus, ex Lycurgi instituto. *Plutarch. in Lycurgo, Machianellus lib. 7. cap. 10.* Contra plerique statuunt, cum militibus & pecunia rem bene geri: recte nummos belli neruos appellari. *Cæsar lib. 2. Pharsal. belli. Dionys. lib. 33. Appianus lib. 4. Plutarch. in Cleomene. Tacit. lib. 1. Historiarum. Xiphilius in Vespasiano. Procopius lib. 3. de bello Gothico. Iouius l. 6. 13.* Curandū monent sapientes, vt semper aliquid in *Ζώνηλα* haberent milites Nec sine ratione, quod mendicitas ad omnem desperationem armatum vocet. *Lamprid. in Seuerò.* Disciplinam seruare miles non potest, dum, quod decet, semper armatus resumat. *Cassiodorus lib. 4. variarum cap. 13.* Non sunt vtilia & efficacia arma sine sumptibus & pecunia. *Thucyd. lib. 1.* Itaque cum Philippus oraculis consulisset de victoria, responsum fuit: Hastis pugna argenteis, & omnia vinces. *Erasmi Chiliad. 2. cent. 7. Prouerb. 43. & de Philopœmene* Arreorū duce, qui multos equites & pedites, sed nullam pecuniam habebat, T. Flamminius est dicere solitus, cum manus & crura, at non interum

2. Pecunia.

ventrem habere. *Plutarchus in Apophthegm Romanis.* Et ipsi Spartani, quando extra patriam bellum gesserunt, mutuo ab aliis pecuniam sumpserunt, quâ exercitus suos alerent: ut in Agesilao, Cleomene, Lyasandro & aliis factum. *Iodinus de Republ. lib. 6. cap. 2. de avario constituendo.*

*Pecunia  
conficienda  
various.*

Verum non argumentis hic multis opus est, quando quidem experientia testatur: male bella geri, cum in crumenta vacuum deprehenditur. Illud potius considerandum, quibus rationibus pecunia conficienda & paranda sit. Neque hic utendum falsis accusationibus & delationibus, ut intersectorum aut proscriptorum bona in fiscum transferantur: id quod fecit Sylla. *Plutarch. in eius vita.* Et Alexius Comnenenus. *Zenoras in eius vita.* Non rapinis aut captationibus aut portoriis & exactionibus nimis, quibus exuguntur subditi: quod Vespasianus fecit, Caligula, & nonnulli alii. Non nundinationibus & mercimoniis parum commodis: id quod Hippas Atheniensis fecit, qui ædium ascensus & portas, quæ foris aperiiebantur, vendidit. *Aristot. in Oeconom.* Non mutuo petitis nummis, ita ut Calendis (quod aiunt) Græcis restituantur: id quod Dionysius fecit teste *Aristot. in Oeconom.* Fecerunt olim & Galli, qui neminem in ciuitatem suam admisserunt, nisi qui pecuniâ dedisset mutuo, quæ apud inferos redderetur. *Valer. Maxim. lib. 2. cap. 1.* Non moneta vel adulteratione vel imminutione. Id quod Timotheus fecit, & Dionysius Syracusanus & Hippas, ut notat in *Oeconom.* *Aristot.* Et Iustinianus, quemadmodum *Suidas refert.* Non sacrilegiis & spoliis templorum aut eorum, quæ sacris usibus destinata sunt: quemadmodum Iulianus fecit Apostata, & Dionysius Tyrannus, Verres itidem, teste *Cicerone lib. 4. in Verrem.* Meliores sunt rationes pecuniæ conficiendæ: cum illa colligitur ac paratur 1. ex agris publicis, 2. hostium spoliis, 3. amicorum ac sociorum liberalitate ac contributione, 4. mercatura & negotiationibus, 5. subditorum vectigalibus & tributis. Ita stipendia & pecunias com-  
p

rarunt: Voudanus Nausoripræfectus, Antimenides Rhodius, Cleomenes, Alexandrinus, Charigenus, Orites. *Aristoteles in Oeconom. Bodin. libro sexto de Republica capite 2.*

Sed ratio hæc postrema, molesta esse videtur & ingrata subditis: commode tamen fertur: si vectigalia & tributa non sint nimia: non alia subditorum damna accedant: re ipsa deprehendatur, hæc exigi subditorum salutis gratia, vt tuto reliquis frui possint: Magistratus & principes continenter, non prodige, viuant: nec se ipsos suspectos reddant, quasi in proprium, non commune commodum, tributum exigant. *Dionys. lib. 52. in Mecnatis Oratione ad Augustum.* Tertio, etiam com-  
meatus parandi sunt, quia 1. qui bellum gesturi frumentum & com meatum necessarium nõ præparant, sine ferro vincuntur. *Veget. lib. 2. cap. 26. 2.* Cum esurit, strenue agere humana natura non fert. *Procopius de bello Gothico lib. 3.* Ferro fauor 3. fames est. Grave admodum cum natura & hoste simul pugnare. 4. Et reliquis casibus potest in tempore subueniri: pabulatio & annona remedium in necessitate non habent, nisi ante condantur. *Veget. de re militari. lib. 3. cap. 3. 5.* Neq; disciplina militaris ibi seruari potest, vbivictus est penuria, miles ieiunus. *Cassiodorus libro 4. Variarum, cap. 13.* Mouentur hinc milites: vt ad spoliandos amicos, & prouinciales, licentiam quoq; quamuis & proditio-  
nes veniant. *Idem ibid.* Atque hinc 6. expeditiones multæ impediuntur, aut tollantur prorsus. Exemplo expeditio Cambyfis in Aethiopes: vbi sorte decimum quintum milites comederunt. *Herod. lib. 2.* Et illa, cuius in H norio Zosymus meminit: vbi hæc audita non fuere horrenda: Precium humanæ carni pone. Et in Iouiano *Amianus Marcellinus l. b. 25.*

Quarto, societates & fœdera quoque necessaria requiruntur: de quibus vtramque in partem sæpe agi in deliberationibus solet: Vt apud Herodotum *libro 8. vbi Alexander legatus Persarum fœdus & societatem ab*

*Tribus: a quo modo non sint molesta subdiis.*

*3. Com meatus ad bellum parandi necessarii. Societas & fœdera requiruntur.*



Atheniensibus petit: & ibidem legati Lacedæmoniorum dehortantur Athenienses à fœdere Persarū. Athenienses quoq; simul & Persis & Spartanis respondent. Et apud Thucyd. *lib. 1. in Orationibus contrariis Corcyreorum & Corinthiorum. Et lib. 6. in oratione Nicias Syracusani*: ubi hortatur ille Camarinōs, ne societatem meant cum Atheniensibus. Et huic respondet Euphemus Atheniensium legatus. *Et apud Xenophontem lib. 1. de Cyri expeditione, in oratione Clearchi.* Et apud Cornel. Tacitum *in Vespasiano*, ubi Tenterorum ad Vbios oratio est, & Ciuilis ad Gállos: & apud Demosthen. *in Oratione de fœdere Alexandreo*: & Isocratem *in oratione de pace seu sociali*: & apud Cicer. *in Philippicis*: ubi agitur de societatibus & auxiliis Romanorum. Et hæc exempla quæstionis huius vsum monstrant: rationes quoque audiendæ sunt vtramque in partem probantes & improbant es fœdera: obseruandum, quibus cum fœdera & quomodo iucunda sint.

Contra societatem & fœdera rationes.

Et quidem negantem in sententiâ ad ferri istæ possunt rationes: quod primum ubi plures principes, qui se pares exillimant, fœdere & societate cōiunguntur; facile inter ipsos suspiciones & controuersie oriuntur. Vnde fit, vt res magnæ spe incerta in difficultates multas incidant, & tandem euancescant. *Quintilianus lib. 7. Historiarum.* 2. Nouarum rerum molitionibus studet socii ac confœderati, propter vel metum potentie vicinorum, vel emolumenti ac commodi spem, quibus nolentes volentes fœderati ac socii implicantur. *Thucyd. lib. 2. in Oratione Corcyreorum.* 3. Opes leuiorum ita exhauriuntur: quandoquidem ingenti mercede societates ac fœdera parantur: non minoribus sumptibus aluntur & conseruantur. *Bodin. de Repub. lib. 5. cap. 6.* Non denique tutum semper est, fœderatis & sociis credere: & his nimium qui fidunt sæpe se & suos perdunt: vt verum sit; quod dicitur, optimum hoc esse munus datum a Deo, non facile & temere ab his credere. Exemplo sunt Athenienses, qui sociale fœdus in patrociniū post dominatū mutarunt;



*Xenophon. de Repub. Atheniens.* Exemplo sunt Romani, apud quos sub vmbra fœderis æque seruitutem pluri-  
mi sunt passi. *Iulius libro 18. Decad. 33. Bodin. de Repub. li-  
bro 5. cap. 6.* Exemplo est Iohan. Transylvaniæ Prin-  
ceps, qui ad Solymanni fœdus & auxilium, sed infeli-  
citer, confugit. *Iulius lib. 28.*

Contra vero affirmantem in sententiâ adduci ista  
possunt: quod 1. ad bellum feliciter gerendum fœ-  
dera & societates necessaria: cōsiderandum, Aristo-  
teles quod monet, quæ nam copiæ iam paratæ aut ad-  
iungi paratis queant, qui socii & amici Reipub. *Reth. 1.  
cap. 5.* Cicero docet Senatori necessarium esse, nolle  
Rempub. quibus sociis, amicis, stipendiariis illa uti-  
tur, *lib. 3. de legibus.* Augent præterea societates & fœ-  
dera, tum gloriam, tum potentiam nostram, *Thucid.  
lib. 1. in Corcyraeorum oratione.* Communibus, ijsque po-  
tentibus hostibus nulla ratione commodiori, quam  
societatibus & fœderibus occurripotest. *Idem ibidem.*  
Natura denique ipsa societates & auxilia communia  
conquirere videtur: quandoquidem ipsi homini du-  
plices manus, socias aures, oculos geminos tribuit: ut  
robustius perageretur officium, quod duorum socie-  
tate cōplendum fuit: *Cassiodorus libro 3. Epistolarum.*

Quibus vero cum sint cōtrahenda fœdera, societa-  
tes institutendæ, controuersum est. Et quidem 1. que-  
ritur, an sint in fœdus admittendi & societatem, qui a  
vêra religione sunt alieni. Et est cōtrouersia hæc mō-  
ta tum, cum Franciscus 1. Gallorum Rex cum Impe-  
ratore Turcico fœdus iniit. In affirmantem sententiâ  
primo videtur illud facere: quod DEVS ipse per inimi-  
cos suos punire inimicos voluit: excitauit non solū Cy-  
rum, verum etiam malos populos, quib. Israëlitas suos  
puniit. Deinde occurrunt exempla quoq; ut Abraha-  
mi, qui cū Abimelecho fœd<sup>o</sup> iniit. *Genes. 22.* Iosue, qui  
cū Gabbionitis societate cōtraxit. *Ios. 9.* Dauidis, qui cū  
Ioram Tyri Rege 2. *Reg. 5.* Salomonis, qui cū Pharaō-  
ne. 3. *Reg. 3.* Iudæ Machabæi, qui cum Romanis. 1. *Ma-*

Quibusci  
fœdera con-  
trahenda:  
an cum a  
veræ religio-  
nis alienis.

*Contra fœ-  
dera & so-  
cietates.*

*chab.* 8. Simonis sacerdotis, qui cū Spartanis & Romanis pepigit fœdus. 1. *Machab.* 14. *Ioseph. lib.* 12. *cap.* 17.

Sed in negantē contra sententiam adduci recte illa posse videtur: Deum per prophetas & vates suos eiusmodi facta cum impijs fœdera minus probare. 2. Exitus plerunq; habere talia parum faustos & secundos. Ideoq; concludendum, fœdera talia rara esse debere. & cum summa ingruit necessitas, hostiumque crudelitas, nec alia ratio euadēdi sese offert: deinde Reipublicæ salus & causa fidei postulat: & vt caueatur, ne quæ insidiæ vitæ ac religioni struantur: quantum deniq; fieri potest, cito & bono modo dimittantur.

*Primum me-  
lius sit cum  
Principibus  
an Rebus-  
publicis so-  
cietatem ac  
fœdus inire?*

Est & illud dubium, vtrum sit melius societatem & fœdus inire cum Principib. an Rebus publicis. Pro Rebus publicis facere illa videntur, quod primo Respub. paulo firmiores sunt & cōstantiores, vel ob motus tarditatem. Magis enim lente progrediuntur & diutius deliberant. Atq; ita mora quædam interijcitur, antequam fidem frangant. 2. Non ita ob utilitatem priuatam, societates & fœdera mutant: quemadmodū exemplum hoc ostendit Atheniensium Persico in bello, qui magnis promissis & pollicitationibus, tamen à fœdere communi Græcorum recedere noluerūt. *Herod. lib.* 4. 3. Fœdera quoque cum Principibus & Regibus facta, horum morte finijuntur & irrita fiunt. *Machiavellus lib.* 1. *cap.* 59.

Contra tutius alij censent, cum Principibus, quam Rebus publicis fœdus inire: quod potior dignitatis cura Principi quam populo sit: cuius proprium quasi inconstantia & mutabilitas. Deinde, vt annui plerunq; sunt Magistratus, ita sæpius quoq; fœdera hic mutantur, quem in Monarchia. *Bodin. lib.* 6. *de Repub. ca.* 4. Verum dici hic potest tritum illud:

*Italicos intra muros peccatur & exera.*

*In fœderi-  
bus facien-  
dis quamam*

Nec defunt exempla tam Reumpub. quā Principum, in quibus fœdera parum tuta ac firma extiterunt: Idcoque hic cautione observandæ aliæ, vt societates & fœdera

fœdera tuta ac felicia sint. Quorum 1. est causæ bonitas & æquitas: vtrum res illa, ob quam petitur fœdus, sit iusta: non pertineat ad oppressionem religionis aut fœderis iunctio. *Thucyd. lib. 1. in oratione Corinthiorum.* 2. Potentia, vbi Hadriani illud obseruandum, qui monet: In Caducum parietem non esse inclinandum. 3. Antea cta, quales erga alios socios & fœderatos se gesserint, qui inire fœdus nobiscum cupiunt: cum leuibus enim, inconstantibus & ventosis hominibus fœdera non tuto institui possunt. *Thucyd. lib. 1. 4.* Vicinitas: secundum enim prouerb. Procul qui habitant amici, non amici. *Aristot. in Rhet. ad Alexan. c. vlt.* Similitudo tam potentia, quam morum. Dissidentibus enim opinionibus & voluntatibus diuersa fiunt. *Thucyd. lib. 3.* Etiam leonina societas est periculosa, qua scilicet commodum omne ad vnum aliquem redit: reliqui socij ac fœderati interim fraudantur, damnum non lucrum sentiunt: qualis plerunq; societas est cum Regibus, aut alijs præpotentibus. *Erasmus Chiliad. 1. cent. 7. Prouerb.* 8. 6. Animorum coniunctio: non enim amicitia firma, aut libertas tuta est, vbi animorum exulat coniunctio: suspiciones variæ oriuntur. *Thucyd. lib. 1.* Sed & danda simul opera est: ne temere, semel facta fœdera, mutentur aut violentur. Cum enim secessio fit & dissipatio fœdere iunctorum, omnes sensim ac paulatim cladem aliquam accipiunt.

Iraq; cum contentiones & controuersia incident inter fœderatos, non illico ad arma perueniendum: sed hæc cõponendæ & dirimendæ iudicijs sunt: cauendum, ne quis ante iudicium de possessione deiiciatur. *Thucyd. lib. 1.* Hoc cogitandum: Quicquid ex multis partibus constat, ita natura comparatū esse: vt aliqua eius pars laboret, quæ non illico rescanda, aut expellenda: q̃ ita reliquum corpus aspectu turpe redditur, totum deniq; breui interit. *Dionys. Halicarn. lib. 8.*

Maxime vero istud statuendum, iureiurando fœdera sanciri, & cõfirmari, cuius violati vltor & iudex ipse

DEVS esse solet. Itaq; Lysander non placet, qui astragalos pueros, iureiurando viros decipiendos esse dixit. *Plutarch. in Apophth. Laconicis.* Rectius Aegyptij, qui grauitur tales punierunt: vt qui & pietatē in Deos violarent, & tollerent fidem inter homines, vinculū vnicū humanæ societatis. *Diodorus Siculus lib. 1. cap. 6.* Et exempla testantur, infelices vt plurimum esse eos, qui temere fœdera frangunt: Sedechix Regis Iudæorum, qui captus, oculis orbat, & abductus Babylo-nem cum omni populo fuit. *Esdræ 3. cap. 1.* Deinde Tisaphernis Persarū Ducis, cui Agesilaus post violatum fœdus per legatos indicari curauit, se magnam Tisapherni gratiam habere: quod periurio suo & Deos & homines sibi infensos reddiderit. *Plutarch. in Laconicis.* Carthaginensium, qui pœnas perfidiæ ac periurij graues dederūt. Ladislai Vngarorum Regis, qui, cum in-stinctu aliorum fœdus cum Amurate factum temere fregisset: ipse cū 30. millib<sup>9</sup> periit. *Bonfin. lib. 6. Historiar. Vngaric. Decad. 3. Paulus Iouius. in Amurate.* Caroli denique III. Crassi appellati. *Paulus Aemilius de rebus gestis Francorum lib. 4.*

Arma &  
tormenta  
in bellone  
cessaria.  
Contra tor-  
menta.

Quinto, arma etiam & tormenta militaria necessa-rio in bello requiruntur: de quibus tamen vtrūque disputari in partem potest. His enim impedimenta vir-tutum obijciuntur: vt non, quemadmodum olim, vires illæ suas exercere queant. Deinde, non exiguos sum-ptus tormēta requirūt: tertiō, singulati custodia. For-titudo in prælijs non sagitta, non fulminari puluere & bombardis, sed gladijs & hastis declaratur. Inde quo-que postremo Romani in prælijs non in telis & sagit-tis, sed gladijs victoriæ positam spem habuerunt. Du-ces milites suos sunt hortati, vt, missis telis, ad gladios venirent. Et si omnino tormenta necessaria, magis ad offendendum quam defendendum profunt. *Plutarch. in vita Marcelli Machianell. lib. 2. cap. 17.*

Prætor-  
mentis.

Contra vero esse machinas murales & bellicas ne-cessarias, experientia primum ostendit: probat secun-do vetustas, quia machinarum eiusmodi etiam Sa-

eræ literæ meminerunt. Deut. enim 20. De v spræci-  
pit: vt si quæ ligna non sint pomifera, sed agrestia, suc-  
cidantur, atque inde conficiantur machinæ ad ciuita-  
tes capiendas. Deinde ab Ofia Regem machinæ Hiero-  
solymis fuerunt confectæ & vsurpatæ in turribus &  
angulis murorum. 2. *Paral.* 26. *Meministi harum Ari-  
stoteles lib. 7. Polit.* 10. cap. Et *Linus ac Dionysius. Plus-  
tarch. in Pericle.* Tum etiam cum in bello non minus in-  
genium requiratur, quam corporis flagitentur vires:  
etiam machinæ murales necesse sunt, in quibus sin-  
gulare ingenij documentum est: ita vt quidam machi-  
nas à sapiendo esse dictas censeant. *Isidorus in Mechanicis.* Sed & longe maior vis & efficacia talium tormen-  
torum, quam armorum esse solet: vnde alij machinas  
dictas esse volunt *ἀπὸ τῆ μὴ χείρῃ*: quod q. feriuntur  
bombardis nō hiscant amplius, sed illico pereant. Huc  
accedit quod legio quoque non tantum militum nu-  
mero, sed etiam ferramentorum genere vincere con-  
suevit. *Veget. lib. 2. de re militari capite 25.* Et machinæ  
recensentur, quibus muri oppugnabantur: testudines,  
arictes, vineæ, glutini, musci, turres ambulatoriæ *lib. 4.  
cap. 13. vsque ad 18.* Numerantur Sambucæ, exoltæ,  
tollenones, *cap. 20. & 21.* & tormenta, quibus muri  
olim defensi, balistæ, onagri, scorpiones, arcubalistæ,  
fustibales, *cap. 22.* Explicantur vero à Vitruuio de ar-  
chitectura *lib. 10. cap. 19.* Ammiano Marcellino *lib. 23.  
in Iuliano,* & à Lipsio in *libris 5. Poliorceticis, seu de ma-  
chinis & tormentis.* Et hodie, Bombardæ quantam ha-  
beant vim, constat: quæ anno 1380. tempore belli Ge-  
nuensium contra Venetos ad Celuiam inuentæ di-  
cuntur à *Blondo. lib. 21.* Quamquam sint qui inuentio-  
nem bombardarum vetustam, vsum renouatum con-  
tendunt. *Cornel. Agrippa de scientiarum varietate.* Re-  
censentur vero à superioribus columbrinæ longius  
pilæ euomentes. *Ionian. lib. 2. & 3.* Smerilia & falco-  
nes parui. *Idem lib. 25. Machanet. lib. 29. & 36. Canō-  
nes. lib. 2. Pistolea. Arnoldus lib. 9.* Vnde vero tantam



*Munitiones  
in bello ne-  
cessariae.*

vim & efficaciam habeant, cur fragorem eiusmodi edant, disputat Cardanus *de subtilitate lib. 2.* Sexto etiã arces & propugnacula munita vt adsint, necesse est, de quibus hic nihil agendum: quandoquidem ostensum ante fuit, in loco communi de ædificijs publicis & priuatis: vtrum arces & loca munita plus obsint, quam prosint sunt etiam argumenta vtramq; in partem allata Accedendum ad ea iam est, quæ requiruntur, cum bellum iam geritur & oritur.

## QVÆSTIO LXXV.

## AN IN BELLO SIT VTENDVM

*In ipso bello  
quæ requi-  
rantur?*

*stratagematis ad decipien-  
dos hostes?*

**E**T quidem negantem insententiam adferri istę rationes possunt, quod primo sit viri, palam, non occulte & fraudulenter, hostes superare. *Tacit. lib. 2. Annalium. Lips. Pol. 5. cap. 12.* Secundo, non potest victoria esse splendida & laudabilis, quæ dolo non virtute paratur. *Polyb. lib. 13.* Tertio, dignitas & autoritas retineri nequit, nisi salua & integra sit fides. *Florus lib. 1. c. 12.* Postremo, quæ stratagematis acquiruntur, esse firmæ ac solidę victorię nō solent: propterea quod facile se colligunt, qui dolo succubuerunt. *Tacit. in Agricola.*

Contra in affirmantem longe plura sunt argumenta, & quæ etiam ipsa experientia nos docet. Nihil enim vtilius in bello iudicatur dolo: sunt furta pulcherrima belli. *Xenophon in Hipparcho. Thucyd. lib. 2.* Nihil quoq; præstantius 2. videtur & magis conuenire viris: quia ratione & mente potius, quam vi & robore corporis efficitur. *Xenoph. de Spartana Repub. 3.* Summa putatur Ducum, victoriam sine periculo comparare *Poliænis Stratag. 1. & Veger. de re militari, lib. 3. c. 9.* Maxime si 4. tortiores hostes extiterint, & magis milite indructi. *Procopius lib. 2.* Nec 5. displicuit, hanc totam artem monumentis consignare: quemadmodum Frontinus

libros



libros aliquot stratagematū collegit, & pulchre secū-  
dum capita & materiam distinxit. Sunt deniq; his vsi  
viri pietate, sapientia & vsu insignes. Itaq; Iosua urbē  
Nain, Israelitæ Beniamitas superarunt. Vlysses sapien-  
tissimus gloriatur de dolo & fraude, qua hostes supe-  
ret. Eadem clarauerunt ratione Nicias, Pericles, Iphi-  
crates, Athenienses. Philippus apud Macedones, Hā-  
nibal apud Carthaginenses. Iulius Cæsar apud Roma-  
nos Stratagematis vt illicet: modo illud diligenter ca-  
ueatur, ne dolus & fucus hosti pate fiat: & si quid eius-  
cemodi ab hostibus tentetur, milites nostri certiores  
de hoc reddantur, antequam terror aliquis oriatur.  
Quod cōtra Semiramidem Indiæ Rex fecit & contra  
Fidenates Marcell. *Linii libro 4. Machiavell lib. 3. cap. 14.*

Q V Æ S T I O LXXVI.  
VTRVM PRODITIONIBVS VTI  
in belis liceat?

**I**mprobauit hoc Camillus, qui ludi literarij Magi-  
strum, principum filios ad se adducentem, vinctum  
pueris tradidit, & ad hostes remisit. *Linii lib. 5. Decad.*  
*1. Plutarch. in vita Camilli. Volater. lib. 14. c. 2. Plinius de*  
*viris illustribus c. 20.* Remiserunt itidem Romani Me-  
dicum, qui veneno se necaturum Pyrrhum Regem suū  
promiserat. *Plutarch. in Pyrrho. Eutrop. lib. 2. c. 4.* Con-  
tra in Sacris literis Gabonitæ Calonæos prodiderūt:  
prodidit Rempubicam suam Rachab: Ionathā Sauli  
patris consilia. Et vt fœdera iniuste frangere impium  
est: ita hostes quouis modo fallere non modo est iu-  
stum & honestum, sed iucundum quoque & lucrosū  
Et iuuare Māgistratū quouis modo oportet, vt vitia  
extirpentur. *Plutarch. in Apophthegm. Laconicis.* Et ex-  
empla alia testantur quoq; prodicionem esse gratam  
& laudari, etsi ipsi proditores sint exosi. Ita Seuerus  
proditores cum iuis liberis interfecit. *Herod. lib. 3.* Oc-  
cidit proditores Aurelianus Imperator. *Flavius Vopis-*  
*cus in*

ens. Interemit proditores Maximinus. *Iulius Capitolinus.* Clodofæus Rex Francorum monetam aureâ promissâ in proditori cum adulterina permutauit. *Æmylius lib. 1. de rebus gestis Francorum.* Neque immerito, propterea quod exemplum prodendorum regum regis iudicio non probandum censuit. Neq; verisimile est, fidem seruare alijs cum posse, qui patriæ aut Principibus suis non pepercit. *Flavius Vopiscus. Æmylius lib. 1. de rebus gestis Francorum.*

## QVÆSTIO LXXVII.

AN INSIDIIS, AVT MARTE APERTO agendum in bello?

CONcludendum hic videtur: melius esse aperto & publico Marte non agere: quod boni Duces non prælium apertè, in quo est commune periculum, sed ex occulto attentare solent: ut interim suos, quantum possunt, hostes interimant. *Vegetius de re militari, lib. 3. c. 9.* Et exemplum Spartanorum hoc ostendit; qui, cum publico in prælio ab Epaminonda essent victi, Græciæ Imperium amisérunt. *Æmylius Probus in Epaminonda.*

## QVÆSTIO LXXIIX.

VTRVM CVM HOSTE PROTRAHENDA pugna?

SUNT, qui existimant cito esse cum hoste prælium committendum, dum adhuc integræ vires exercitus sunt. Contra alij, & rectius, differendum esse prælium & cunctandum existimant: quod hoc modo hostis aut penuria maceratur, aut desiderio suorum reuocatur ad propria, aut nihil magnum faciens, per desperationem abire cōpellitur: incipit nudari, qui copiosus aduenerat. *Veget. de re militari lib. 3. c. 9.* Exemplo est Fabius Maxi-

Maximus, quinon dimicando, sed cunctando Hannibalē vicit. *Plutarch. in eius vita.*

## QVÆSTIO LXXIX.

QVÆNAM POST PVGNAM AC  
prælium observanda?

**E**st postremo & hoc considerandum, quænam post pugnam & prælium observanda sint: quo pacto vtendum victoria: quid in clade agendum. Et quidem primo quæritur: sintne dure an clementer hostes victi tractandi? Priorē in sententiā ista ad ferri possunt, quod seueritas sit necessaria, vel ad terrorem maxime incutiendum alijs. *Polybius in Epitome lib. 10.* Deinde periculum est, ne dum facile ignoscitur, plures incitentur ad experiendam aduersus nos fortunam belli. *Liv. Decad. 4. li. 1.* Sunt in promptu quoq; exempla. Neq; enim Dauid ciuitati Rabanę pepercit. *2. Reg. 12.* Neque laudatus Saul fuit, quod Agagū dimisit. *1. Reg. 15.* Aut commendatus quoque Achabus, quod in Syros misericors extitit. *3. Reg. 20.*

*Rationes  
pro seueritate in ho-  
stes.*

Sunt autem plures rationes contra in negantē sententiam: Et quidem primo, quod exempla allata singularia & expressa DEI mandata habuerunt. Secūdo, **D**EVS præcipit, vt ultionem non quæramus; aut memores simus iniuriæ ciuim nostrorum, *Leuit. 19.* Tercio, muliebris est vindicta: argumentum nobilis & generosi ingenij clementer victos tractare. Et notum illud Poëtæ est:

*Contra se-  
ueritatem!*

*Quo quisquam est maior, magis est placabilis ira:*

*Es facile motus mens generosa capit.*

*Corpora magnanimo satis est prostrasse leoni;*

*Pugna suum finem, cum iacet hostis, habet.*

*As lupus & turpes instant morientibus vrsi:*

*Et quacūq; minor nobilitate fera est.*

Quarto, qui deuictis misericordiam & veniam negant, duram aduersus seipsos legem constituunt: quādoqui-

doquidem qui dira immaniter inferunt, mitia & læta recipere nequeunt. *Diodorus Siculus lib. 13.* Quinto nihil perniciosius est, quam ad desperationem redigere hostes: quia tales expugnatu difficiles sunt. *Thucyd. lib. 1.* Postremo, cogitandum rerum humanarum circulū quendam esse, qui non sinat eosdem semper felices esse: fortunam vitream ac mutabilem. *Herod. lib. 1. Pansanias lib. 4. Diodorus Siculus lib. 12. Plutarch. in Æmylio.* Paulo breuibus quoq; momentis summa euerti. *Corn. Tac. lib. 5.* Maioremq; reportasse laudem Agesilaum, Epaminondam, Cæarem, Alexandrum Magnum, qui victoria sua modeste vsi sunt: quam Antigonum Asiæ regem, aut etiam Aulam, qui crebris victorijs elatus, iactauit stellas præ se cadere: terram sibi metuere: se malleum esse vniuersi orbis terrarum. *Nicolaus Boland in Aula.*

Quemadmodum vero insolenter multi victorijs vtuntur, ita victi fractis abiectisque animis sunt præditi. Cogitandum igitur est illud: fortiter ferendum esse, quicquid aduersi in prælio accidit. 2. Martem communem non raro victum erigere, affligere victorem. *Linus lib. 28.* 3. Imperatori ac Duci etiam victo laudem asserere: si prudentia, industria, fortitudo muneribus functa suis fuerint. *Seneca lib. 7. de Beneficentia, cap. 13.* Semper quoque honoratam virtutē esse, vbi eam exitus sefellit: nec infelicem virtutem amittere gloriæ titulum, nec gloriam virtutis intercipere fortuitam felicitatem. *Idem lib. 4. consouers. censur. 7.* Postremo, nihil homini pulchrius esse: quam bona & honesta in causa mori. *Cic. 14. Philip. Demosthenes in fune- bri oratione. Curtius lib. 5. Historiarum.*

FINIS LIBRI II.